

অলন্ত তলোয়ার

শ্রীসাবিত্রীপ্রসন্ন চট্টোপাধ্যায়

ସମସ୍ତଙ୍କୁ
ସ୍ୱାଗତ
କରାଉଛି

ପ୍ରଫୁଲ୍ଲ କୁମାର ସାହୁ



প্রকাশক

শ্রীসরোজনাথ সরকার, এম. এ., বি. এল.

কমলা বুক ডিপো

১৫, বঙ্কিম চ্যাটার্জি স্ট্রীট, কলিকাতা

[২০শে জানুয়ারী, ১৯৫০]

মূল্য : আড়াই টাকা

মুদ্রাকর

শ্রীবিভূতিভূষণ বিশ্বাস

শ্রীপতি প্রেস

১৪, ডি, এল, রায় স্ট্রীট, কলিকাতা

শ্রীমতী মরোজিনী নাইডু নেতাজী সুভাষচন্দ্রকে "FLAMING
SWORD" বঙ্গিয়া অভিযুক্ত করিয়াছিলেন। একটি মাত্র
কথায় সুভাষ-জীবনের ধারাবাহিক ইতিহাস এমন ভাবে
কোথাও কখনও স্পষ্ট হইয়া উঠে নাই। সেজন্য এই
পুস্তকের নামকরণ করা হইল "জলন্ত তলোয়ার"। জয়হিন্দ!

প্রস্তুতকার

“তুমি তো আমাদের মত সাধারণ মানুষ
 নও, তুমি দেশের জন্ত সমস্ত দিরাছ— তাই ত
 দেশের খেয়াভরী তোমাকে বহিতে পারে না,
 সাঁতার দিরা তোমাকে পদ্মা পার হইতে হয় ।
 তাই ত দেশের রাজপথ তোমার কাছে রক্ত,
 দুর্গম পাহাড় পর্বত—তোমাকে ডিঙ্গাইয়া
 চলিতে হয় !—কোন বিস্মৃত অতীতে তোমারই
 জন্ত ত প্রথম শৃঙ্খল রচিত হইয়াছিল,
 কারাগার ত শুধু তোমাকে মনে করিয়াই
 নির্মিত হইয়াছিল, সেই ত তোমার গৌরব !
 তোমাকে অবহেলা করিবে সাধ্য কার ? এই
 যে অগণিত প্রহরী, এই যে বিপুল সৈন্যভার
 সে ত কেবল তোমারই জন্ত । দুঃখের দুঃসহ
 গুরুভার বহিতে তুমি পার বলিয়াই ত ভগবান
 এতবড় বোঝা তোমারই স্বক্ষে অর্পণ
 করিয়াছেন । মুক্তি পথের অগ্রদূত, হে পরাধীন
 দেশের রাজবিন্দোহী, তোমাকে শতকোটি
 নমস্কার !”

—শরৎচন্দ্র

পরম প্রীতিভাজন

শ্রীধীরেন্দ্রনারায়ণ রায় (লালগোলা)

করকমলেষু—

তুমি যে বেসেছ ভাল
আত্মভোলা সন্ন্যাসী স্মৃতিতে,
তাই ত তোমারে ভালবাসি ;
ভালবাসি অগ্নি-দীপ্ত প্রশস্তি তোমার
মহাজাতি নিয়ামক নেতাজির প্রতি ;
ছনের বন্ধনে তারে পূজিয়াছ কবি,
স্মরণ ও ভয়ঙ্করে সঙ্গীতের সুরে
রূপায়িত করিয়াছ অস্তরের আনন্দ-উচ্ছ্বাসে ।

পূর্ব এশিয়ার ঘন রবারের দুর্ভেদ্য জঙ্গলে
বঙ্গদেশ-সীমান্তের আদিগন্ত সেতুনের বনে
নদীতীরে পথে ও প্রাস্তরে
মৃত্যুপণে জেগেছিল আহ্বান বাহার ;
অগ্নি-রথে আবির্তাব তার
কবে হবে জানিনাক,
তবে শুধু এই মাত্র জানি—
ইক্ষফালে ধামেনি যাত্রা
সে কেবল সংগ্রামের প্রথম প্রশস্তি ;
তারি মাঝে স্তব আছে এ মহাজাতির ইতিহাস ;
শেষ অধ্যায়ের কথা
কে লিখিবে তাও জানিনাক ।

আমার এ ছন্দে নাই সে দীপ্ত বাক্য
আছে শুধু বৈরাগ্যের ভৈরবী রাগিনী,
গৈরিক জালায় জলে অন্তরের অনন্ত প্রত্যাশা ।
হৃদয়-শোণিতে রাঙা ফুল দিয়া সাজিয়েছি বেদী
রাঙা রাখি দিব হাতে যদি দেখা হয় শুভকণে ।

রজনীগন্ধার বনে ফুলের উৎসব নহে তা'র
জ্যোৎস্নার জ্যোয়ার নহে, সে চেয়েছে রাত্রির অঁধার
যে গান সে ভালবাসে, সে গানে বিহ্ব্যৎবহ্নি ছোটে
মেঘের ডঙ্কর বাজে যে ছন্দে সে তাই ভালবাসে ।
তুমি সেই রুদ্র ছন্দে অগ্নি-দীপ্ত সুরের আলোকে
রচিয়াছ প্রশস্তি তাহার ;
তাই ত তোমারে বলি—
হে বন্ধু, দাঁড়াও কাছে মোর
দেখ ত আমার কণ্ঠে সেই সুর বাজে কিনা বাজে,
আমার ছন্দের মেঘে আছে কিনা আশ্রয় প্রস্তুতি ।

মর্মকোষ-নিকাশিত আমার “জলন্ত তলোয়ার”
কেন তব হাতে দিই ?
—তুমি যাহা ভালবাস
সেই তব যোগ্য উপহার ?

“স্বপ্ন-সায়র”
১৬ বিপিন পাল রোড,
কলিকাতা ১৬
২৩শে জানুয়ারী, '৫০

প্রীতিমুগ্ধ
শ্রীসাবিত্রীপ্রসন্ন চট্টোপাধ্যায়

—সূচি—

		পৃষ্ঠা
অলম্ব তলোয়ার	(১২৪৭)	১
রাজনন্দী	(১২২২)	৫
যুক্তি-বরণ	(১২২৭)	১০
ছর্যোগরাতে	"	১৪
শিবাজী মহারাজ	(১২২৮)	১৭
মুক্ত ধারা	(১২৩০)	২১
তোমারে স্বরণ করি	(১২৩২)	২৩
আকাশ প্রদীপ	(১২৩৩)	২৪
তুমি ভারে বাধিবে কেমনে ?	(১০৩৬)	২৬
আরতি	(১২৩৭)	২৮
কাল-বৈশাখী	(১২৪১)	২৯
আবার কি ডাকিবে আমারে ?	(১২৪৩)	৩১
আজাদ হিন্দ সৈনিকের প্রতি	(১২৪৫)	৩৫
স্বাপ্নিক	(১২৪৬)	৩৬
৪৬'এর আগষ্ট	"	৩৯
দিশারী	"	৪৪
স্বাকর	(১২৪৭)	৪৫
তুমি আছ	"	৫২
১৫ই আগষ্ট	"	৫৪
স্বপ্ন ও সাধনা	(১২৪৮)	৬০
নেতাজীর জন্মোৎসবের পর	"	৬৫
একুশ সালের কথা	"	৬৮
তুমি চেয়েছিলে ঝড়	"	৭৩
যদি আজ আসে শুভক্ষণ !	"	৭৬
তরুণের স্বপ্ন	(১২৪৯)	৭৯
জোয়ার	"	৮১
পূর্ণাহতির এইত সময়	"	৮৩
অবিস্মরণীয়		৮৬



জ্বলন্ত তলোয়ার

বাঁকা বিদ্যুত বিদীর্ণ মেঘে মেঘে
ঝলসি উঠিছে দিগ্-দিগন্ত ঘেরি'
সেই ছর্যোগে ঘন ঘন ফুংকারে
কাহার কণ্ঠে নিনাদিত রণভেরী ?
তারি সাথে সাথে দূরে,—অদৃশ্য হ'তে
চমকিয়া ওঠে জ্বলন্ত তলোয়ার,
শক্র-জাগ্রাল এখনি ভাঙ্গিবে বুঝি
দুর্শ্বদ বেগে ছুটে চলে আসোয়ার ।

ঘন অরণ্য গিরি-গুহাতল ব্যাপি'
মুক্তি-সেনার আনন্দ-কোলাহলে
পথের ছ'ধারে গৃহ-দ্বার যায় খুলে
নরনারী শিশু ছুটে আসে দলে দলে ।
কণ্ঠে কণ্ঠে মিলিত লক্ষ সেনা
তুলিল শঙ্কাহরণ জয়-ধ্বনি,
মুক্তি-সাধন জীবন-মরণ পণে
লুটায় জীবন পরম ভাঙ্গা গণি' ।

অলস ভলোয়ার

চলে পায় পায় আনন্দে গান গাহি'
জীবনে জীবনে উচ্ছল প্রাণধারা,
দৃঢ় হস্তের নির্মম অভিঘাতে
এবার ভাঙ্গিব রুদ্ধ পাষণ-কারা ।
শিরায় শিরায় রক্তের দোলা লাগে
অধীর আবেগে চঞ্চল তার গতি,
নয়নে নয়নে মৃত্যুর লাল নেশা
জাগিল অযুত লক্ষ অভয়-ব্রতী ।

জাগিল হেথায় মুক্তির বনবনা
বন্দীশালার শৃঙ্খলে শৃঙ্খলে,
হোথা চলে তারি মরণ-মহোৎসব
অজ্ঞাত পথে, পর্বতে জঙ্গলে ।
হেথায় জননী সম্মানে ডাকি' ব'লে
—“ঘরে ফিরে আয়, ওরে মোর অভিমানী”
রণ-উল্লাস চাপাইয়া মাঝে মাঝে
হোথা ওঠে তার মধুর কণ্ঠে বাণী :—

“দূরে বহু দূরে সিঁহুর পরপারে
নদ-নদী বন ভূখণ্ড ছাড়াইয়া
লঙ্ঘিয়া শত পর্বত, সম্মুখে
মা আমার আছে তুই বাহু বাড়াইয়া ;
আমার জননী আমার জন্মভূমি
সকল স্বর্গ হতে তুমি গরীয়সী,
মম যৌবন-নিকুঞ্জ তব বনে
তোমার মাটিতে মৃত্যুর বারণসী ।

অলস তলোয়ার

আত্মীয় আজ ডাকিছে আকুল হয়ে
ডাকে রাজপথ, ডাকিতেছে রাজধানী,
রক্তের টানে রক্ত নাচিয়া ওঠে
অস্তরে শুনি মা'র আহ্বান-বানী।
সম্মুখে রয়েছে স্মৃদীর্ঘ ওই পথ
সে পথ রচিত বহু শহীদের খুনে
সে পথের ধূলি চির পবিত্র আজি
মাতৃপূজার অমোঘ মন্ত্র-গুণে।”

হাজারে হাজার সৈনিক চলে আগে
যুক্তির পথ সঙ্কট ক্ষুরধার,
জানো কি তাদের পথের দিশারী হয়ে
সম্মুখে ছিল অলস তলোয়ার ?
তাহারি আলোকে এখনও আকাশ জ্বলে
এখনও পৃথিবী তাহারে করিছে নতি,
বাঁকা বিছ্যতে ঘসা স্মৃতীক্ষ্ণ ধার
ঘোর ছুর্যোগে দুর্জয় তার গতি।

থামেনি থামেনি এখনও থামেনি তা'র
জয়-যাত্রার অপূর্ব অভিযান,
বন্ধ হয়নি প্রহরে প্রহরে পূজা
মা'র মন্দিরে সহস্র বলিদান।
এখনও পূজার থালি ভ'রে আছে ফুলে,
আছে চন্দন, আছে ধূপ-দীপ জ্বালা,
অভয়-মন্ত্রী সন্ন্যাসী জপিতেছে
অরণ্যে বসি' রুদ্রাক্ষের মালা।

অলস্তু তলোয়ার

যদিও রাত্রি আঁধারে ভয়ঙ্করী,
তবুও রাত্রি এখনি প্রভাত হবে,
তিমির বিদারি' উষার আলোকছটা
দিগ্-দিগন্তে কেন দেখা যায় তবে ?

শেষ আছতির লগ্ন যায়নি বয়ে
তপস্চারত যোগাসনে কাপালিক,
স্পর্শ তাহার পাই যে বৃকের মাঝে
তাহারি মস্ত্রে মুখরিত চারিদিক ।
আকাশে বাতাসে তারি আহ্বান জাগে,
সূর্য্যকিরণে অলস্তু তলোয়ার
ঝলসি' উঠিবে আবার আচম্বিতে
দুর্গম পথে যাত্রীরা ছুঁ সিয়ান ।

রাজবন্দী

বন্দি তোমা রাজবন্দী আজ,
তুমি যে দিয়েছ লাজ
স্পর্শমাত্রে বন্ধনের কঠিন শৃঙ্খলে
গ্রস্থি তার দেখি দলে দলে
ফুল হয়ে ফুটিয়াছে সৌন্দর্যের আনন্দ-সম্ভার,
জ্বীর্ণ লৌহ-খণ্ড গুলি তার
ধূলিমান লুটিতেছে পদতলে তব ।
চেয়ে দেখি অভিনব,—
অলজ্বা প্রাচীর
ধূলিসাৎ হতে চায় বেদনায় বিদীর্ণ অধীর !
কারার অর্গল গুলি
অনর্গল যায় ধূলি
তব করস্পর্শে আজ, হে মায়াবী, এ কি যাতুজাল !
তিষ্ঠ ক্ষণ কাল,
দেখি মোর! ভাল ক'রে অন্ধ দৃষ্টি চিনে না আপন
মমতায় দুর্বলতা সৃষ্টি করে মায়ার স্বপন ।
তোমার বন্ধন
বল-দর্প-অগ্নি-কুণ্ডে পতনের জোগায় ইন্ধন ।
শত্রুপাণি হয়ে যারা নিরস্ত্রে করে প্রহার
এ'ত নহে শেষ তার ;

অলস তলোয়ার

চরণে দলিছে যারা অসহায় নিরাশ্রয় প্রাণী,
বাড়াইয়া আপনার গ্লানি
পশু-বলে আজি যারা স্ফীতবক্ষু হয়ে
অকারণে অসময়ে
মানুষের করে অপমান,
হবে হবে অবমান
তা'দের এ নরমেধ-যজ্ঞ একদিন ;
কুলিশ কঠিন
বিধাতার ভীম দণ্ড নামিয়া আসিবে আচম্বিতে ;
চতুর্ভিতে
অবিচারী অনাচারী যুহুর্ন্তেকে ত্যজিবে নিশ্চয়
গর্বেদ্রুত অস্ত্র সমুদয় ;
এত নহে নিন্দা অপবাদ
তোমার বন্ধন সে যে আসন্ন ঃক্তির সুসংবাদ ।

হে কর্ম-কুশল,
তুমিই ভাঙিবে জ্ঞানি ভারতের দাসত্ব-শৃঙ্খল ;
দেশ-দেবতার তরে রচিয়াছ যে অর্ঘ্যমালিকা
হুর্ভাগা দেশের সে যে সৌভাগ্যের লিখা !
সে পবিত্র নিবেদন
অমৃত-গরলে ভরা বুকফাটা গভীর বেদন ।
ত্যাগী তুমি সত্যসন্ধ বলী
শত স্বার্থ-স্বর্ণ-খণ্ডে অবহেলে গেছ পায়ে দলি'
বিস্ত্র মাঝে চিত্ত তব স্থির
সাধনায় প্রশাস্ত গন্তীর ;

তোমার স্মৃতি মাঝে স্বপ্ন ত্যজি' কমলা ভারতী
লভিছেন পূজার আরতি ।
লোকে লোকে বিস্তারিয়া সেই সে জীবন
করিতেছ দুঃসাধ্য সাধন ।
ক'দিনই বা এসেছ ধরায়
জীবন সার্থক গণ্য নহে কভু দণ্ড পল ঘায় ।
দীর্ঘ পরমাষু করি ক্ষয়
জীবন নিফল যদি ভোগসুখে আত্মার বিলয়
সে ত বৃথা জন্ম নিল এ ধরায় আসি
শ্রোতে ভেসে এসেছিল, পুনরায় শ্রোতে গেল ভাসি ।

বন্দি তোমা দৃঢ়চিত্ত বীর
সম্মত তব শির,
বিস্তৃত ললাটে তব সূর্য্য-প্রভা সদা দীপ্যমান
তুমি জ্যোতিষ্মান ।
কালো হোল ঈবাণে আকাশ
ধরিত্রী ফেলিছে দীর্ঘশ্বাস,
ঝড় এলো ঝড় গেল—ধারা বৃষ্টি নামিল মাথায়
সেদিকে ক্রম্পেপ নাই ; সহস্রের বন্ধন-ব্যথায়
অবিরাম চলিয়াছে হে পথিক যৌবন-উচ্ছল,
মায়ের মন্দির-চূড়া, সেই দিকে দৃষ্টি অচঞ্চল !
হে তরুণ, হে পথের সাথী
তোমারে হেরিলে ভাবি পোহায়েছে দুর্ঘ্যোগের রাত্তি,
তোমার মুখের ভাষা, হে স্তম্ভায়, কান পেতে শুনি
কল্পনার কত জ্বাল বুনি ;

অলস তলোয়ার

তোমার অলস হাসি নবসৃষ্টি অনুরাগে ভরা;
কর্মপথে ক্রান্তি দূর করা ।

বজ্রাধিক সুকঠোর কুম্ভ হইতে মুছ হিয়া
স্নেহ প্রেম করুণা সঞ্চিয়া
মধুময় করিয়াছ বঞ্চিতের বিলুপ্ত পরাণি
দরিদ্রের দুঃখ গ্লানি,
আর্শ্বস্বরে অনাথ আতুর
করুণায় চিত্ত তব রাখিয়াছে সদা বাখাতুর ।
তারা আজ আনন্দে বিহ্বল
ঘর ছাড়া যৌবন-চঞ্চল
বাহিরিয়া আসে ছুটে ;
বসন্ত আনন্দ-লিপি লিখে যায় নবপত্রপুটে ।

সে যৌবন-অভিযাত্রা, সংগ্রামের তুমিই সারথী,
তোমার আরতি
হবেনাক মন্ত্র পড়ি' নাচাইয়া বরণের ডালা,
সভামঞ্চে গন্ধ-দীপ জ্বালা
সে তোমার তরে নহে ;
তুমি চাহ একান্ত আগ্রহে
যৌবন-জোয়ারে ভাসা লক্ষ শত রক্ত শতদল
তাই দিয়ে সাজাইবে জননীর চরণ-কমল ।

অলস তলোয়ার

হে অজয়
সম্মুখে বিস্তৃত পথ, তরুণের শতক সংশয়,
সহস্র সঙ্কট
অন্ধকার গিরিগুহা, বিষধর প্রচ্ছন্ন কপট ;
মায়ার কাঁদন
পদে পদে বাধা দেয় দূর হয় অসাধ্য সাধন
চতুর্দিকে তার
অপদেবতার ছায়া, অটুহাসি বিকট চিৎকার ।
তুমি শুধু দাঁড়াও সম্মুখে,
তব দীপালোক হ'তে আশাহীন অন্ধকার বুকে
কর তুমি আলোক সঞ্চার ;
বার বার
যে দীপ নিবিতে চায় যাত্রা-পথ অন্ধকার করি
তাহার প্রদীপ্ত শিখা তুমি আজ উল্কে রাখো ধরি ।

এখব কাগ্যবাস হইতে মুক্তি লাভের পর কলিকাতা বিজ্ঞাপীঠে কিরণশঙ্কর সারের
পৌরহিত্য অমুদ্রিত অভিলক্ষন-সভার পঠিত । ১৯২২, আশ্বিন, ১৩২৯ ।

যুক্তি-বরণ

কোথায় বন্ধু, কোথায় তোমারে বরণ করি
এ আঁধারে কোথা আরতির দীপ জ্বালায়ে ধরি ?
দেশের বিরাট বন্দীশালায়
ক্ষোভে অপমানে তীব্র জ্বালায়
শত বন্ধনে ক্রন্দন ওঠে জীবন ভরি ;
তোমার শঙ্খ কেঁপে ওঠে হাতে সরমে মরি ।

রক্তজবার বরণ-মালিকা কোথায় রাখি
প্রহরী দাঁড়ায়ে ভয় হয় মনে কি বলে ডাকি,
হাতে পায়ে বাঁধা লোহার শিকল
চিরবন্দীরে করিছে বিকল
কঠিন প্রাকার ঘিরি চারি ধার রাঙায়ে আঁধি
অনুরাগে রাঙা নয়নে অশ্রু শুকাবে নাকি ?

কোন্ খানে ওগো কোন্ খানে করি পূজার ঠাই
দর্পিত বলে মাটি কাঁপে, তোমা কোথা বসাই ?
কোটি কোটি প্রাণী আপনার ঘরে
বন্ধ ছয়ারে মাথা খুঁড়ে মরে
জন্ম-ভূমির এতটুকু ভূমি নিজের নাই
তীর্থক্ষেত্রে মিলে না ঠাকুর পূজার ঠাই ।

বন্দীরে আজ কিসে বন্দনা করিবে কবি
রক্ত-সন্ধ্যা নিবাল দিনের উজ্জল রবি,
শাসনদণ্ডে বাণী তার মূক
অপমান-ভয়ে লেখনী বিমুখ
রক্তরেথায় ফুঠে ওঠে শুধু প্রেতের ছবি,
হে রাজবন্দী,—কি গান গাহিবে দেশের কবি ?

আপনার দেশে স্বদেশী স্বজন নির্বাসিত
আপনারই ছায়া হেরি' বিহ্বল মরণ-ভীত ;
পথে ঘাটে মাঠে বন্দীর দল
বুকে হাতে রাখি ফেলে আঁখিজল
গৃহদীপখানি দশাহীন আজ নির্বাপিত ;
কারাগার হতে তুমি আজ দেশে নির্বাসিত ।

নির্বাসনের আসনে তোমায় কেমনে ডাকি
অভিষেক কার প্রাণের বেদনা গোপনে রাখি,
দাস-জীবনের কলঙ্ক-কথা
গ্রানি লাঞ্ছনা বন্ধন-ব্যথা
তোমার অর্ঘ্যফুল হয়ে ফোটে শোণিত মাখি
এ নিষ্ঠুর পূজা গ্রহণে হৃদয় ছিঁড়িবেনা কি ?

অস্তুরে তুমি রয়েছ মুক্ত আপন বলে
নয়নে তোমার মুক্তি-পূজার অনল জ্বলে,
অবনত দেশে উন্নত শির
ব্যথার পূজারী নির্ভীক বীর

অলস্ত ভলোরার

তুমি যে মুক্ত, বিজয়-মাল্য তোমার গলে
অপমান তব কেমনে করিব পূজার ছলে ?

কঠিন নিগড়ে বন্দী যাহারা আপন ঘরে
কেমনে তাহারা তোমার বন্ধু, বরণ করে ?
দিবস-রাত্রি আর্ত রোদন
করে ধ্বংসের অকাল বোধন,
তোমার বিজয়যাত্রার পথে নিশান ধরে'
তারা যে কেবল বাড়াবে লজ্জা গর্বভরে !

আজিকে দাসের ভবনে ভুবনে মিথ্যা মায়া
অবিরাম ফেলে সর্বনাশা এ প্রেতের ছায়া,
জীবন্ত লয়ে আজি এ শ্মশান
মৃত-যাগে করে নিশা অবসান
আপনারে শুধু বধনা করে, নাহিক হায়া
যেন প্রাণবায়ু নিঃশেষ, শুধু জাগিছে কায়া ।

ছায়া দোলে আর মনের দোলায় মরণ দোলে
মরীচিকা হাসে মৃত্যুর হাসি মরুভূ কোলে,
দেবতা দৈত্যে বাধিয়াছে রণ,
প্রলয়সিন্ধু করি আলোড়ন
কি জানি কখন অমৃত ফেলিয়া গরল তোলে
ধুমকেতু ওই মেলিছে পুচ্ছ মেঘের কোলে ।

জলন্ত তলোরার

শব পড়ে আছে মহাশ্মশানের বঁক 'পরে
শকুনি উড়িছে প্রাণীহীন দেহ লক্ষ্য ক'রে
অদৃশ্য হ'তে ওঠে হাহাকার
আধার নাগিছে এপার ওপার
শ্রাবণের শেষ নিশি-ছর্য্যোগ তোমার তরে
শবাসন তাই রচিল বিধাতা আপন করে ।

গগনে পবনে বনে বনে আর দাসের মনে
শোধনবহ্নি উঠুক জলিয়া পরম ক্ষণে,
মৃতের অস্থি দহন জালায়
জাগিয়া উঠুক বন্দীশালায়
বাজাও তোমার হাতের শঙ্খ গভীর স্বনে
শ্মশানের শব উঠিয়া দাঁড়াবে সঞ্জীবনে ।

ধিকি ধিকি জ্বল শ্মশানবহ্নি, তাল বেতাল
ডম্বরু বাজে, বাজে ঘন ঘন নরুপাল,
এই শ্মশানের যোগাসন 'পরে
তোমারে বসাই অভিষেক করে'
তোমার কণ্ঠে শবসাধনার মন্ত্রজাল
অগ্নিশিখায় দিক ছেয়ে দিকচক্রবাল ।

১৯২৭—১৩ই মে, মাদ্রাসায় জেল হইতে মুক্তি পাইবার পর লিখিত

অসম্ভব ভোগ্য

কত বসন্ত মোর আঙিনায়
এল ফিরে গেল দখিণা হাওয়ায়
না ফুটিতে ঝরা ফুলের ব্যথায়
রাঙা উত্তরী খানি
গভীর করেছে বিরহ ভোগ্য
অধীর হয়েছি মানি ।

ঝঙ্গা-পাগল এল কাল-বৈশাখী
কটা জটাভার কেঁপে ওঠে থাকি থাকি,
মেঘে মেঘে ওঠে গুড় কন্দন
দিকবধু খোলে বেণী-বন্ধন,
সিঁহুর মুছিয়া রাঙা চন্দন
নিশীথিনী দেয় মাখি,
সেই ক্ষণে মোর মনে হ'ল তুমি
এখন আসিবে নাকি ?

আসনি যে তুমি আলোক-উজল প্রাতে
নিয়ে আসনি ক উৎসব-বাঁশী হাতে—
দূরে ছিঁড়ে ফেলে কুম্ভমের মালা
পায়ে দলে এলে গন্ধের ডালা,
দলিত মনের দুঃসহ জ্বালা
আদরে তুলিয়া মাখে,
তাই ভাল, তাই গর্ব আমার
দুঃখের অমরাতে ।

অসুস্থ ভগ্নোন্নয়ন

প্রাণের বন্ধু, হৃদয়-বন্ধু মোর
মুক্তি-উষায় হ'বে কি রাত্রি ভোর ?

নিশা জাগে আজও পিশাচের দল
শ্মশান কাঁপায় তেলে কোলাহল,
শবাসনে কোথা প্রহর জাগিছ
নাশিতে অধার ঘোর,
সাধনার শেষে আসিবে কখন
সেই প্রতীক্ষা মোর ।

৩০শে ডিসেম্বর, ১৯২৭

শিবাজী মহারাজ

তুমি বুঝিয়াছ বন্ধু, আস্থানের এইত সময়
নিদ্রা ভঙ্গে জেগেছে বিস্ময়,
পথভ্রাস্ত্র পেতে চায় দর্শন তোমার ;
মায়ের মন্দির দ্বার
খুলে দাও সম্মুখে সবার ।

এতকাল মরু-পথে পদাতিক এসেছিল যারা
ময়-দানবের মন্ত্রে ঈর্ষ-ভিন্ন পলাতক তারা ;
প্রভুত্বের অহঙ্কারে তাদের দলিয়া পদতলে
পশ্চিমের শিরস্ত্রাণ মাথায় তুলিয়া যা'রা চলে
স্ফীত বক্ষে উড়ায় পতাকা,
জাতির কলঙ্ক তারা, ইতিহাসে ঝাঁক।
তা'দের ছনাম তুমি পার ঘুচাইতে,
তুমি পার শাস্ত্র দিতে আত্ম-বঞ্চনার
দাস-জীবনের ভ্রাস্ত্র, প্রভু-সেবা-দৃপ্ত অহঙ্কার ।

যারা আজ ভীত নিরাশ্রয়
পুরোভাগে দাঁড়াইয়া তাহাদের দাও গো অভয় ।
চাহিবে না তাহারা পশ্চাতে
বিস্ময়-বিমুক্ত ঝাঁখিপাতে
রুদ্ধশ্রুৎ ধমকি দাঁড়াবে,
তোমার আস্থানে তারা মৃত্যুপথে চরণ বাড়াবে ।

অলস তলোয়ার

—পরিবর্তে তা'র

পাবে তুমি আশীর্বাদ দেশ-দেবতার ।
ধূলায় লুটায় হেথা, কটিমাত্র চীর-পরিহিত
নহে অভিজাতবংশী, দৈন্য-দোষে সদাই নিন্দিত
লক্ষ প্রাণী অতৃপ্ত ক্ষুধায় ;
নিরস্তর মধুস্তরে তাহাদের কে বল শুধায় ?
নত শির উচ্চ দেখি যাহারা করেছে অপমান
হৃৎকলে দলিয়া পায়ে তারা নিজে ভাবে শক্তিমান
চোখে মুখে তাচ্ছিল্যের হাসি ;
স্বদেশে রয়েছে যারা চির-পরবাসী—
এ নিশ্চয় সত্য তা'রা ভুলিবে কেমনে ?
বন্ধন-ব্যথায় যা'রা জীর্ণ দেখে মনে
প্রতিকারে নিরুপায় সামর্থ্যবিহীন,
অযুত তা'দের কণ্ঠে ওঠে বিষ চিররাত্রিদিন ।
আশা, তুমি সেই বিষ পান করি' হইবে অমর,
যন্ত্রণায় ক্রকুঞ্চিত দন্তে চাপি' কম্পিত অধর
তুমিই জ্বালাবে দীপ মায়ে'র মন্দিরে,
এ নিরন্ধ অন্ধকার অপমৃত হবে ধীরে ধীরে ।

তোমা'রে যে বাসিয়াছি ভালো,
গভীর সে কালরাত্রি—মুখে তব হেরিলাম আলো,
হোমানলে পরিগুহ, স্নিগ্ধজ্যোতি ললাট-ভাষণ ;
তাইত আগ্রহভরে পাতিলাম তোমা'র আসন
সহস্র হৃদয়ে, সেথা সর্ব উর্ধ্বে তুমি আছ প্রিয়,
বন্দনার অমুবন্ধে দেশে দেশে নিত্য বরণীয়

ভারুণ্যের তাপসকুমার

মহান আপন তেজে, চেয়েছিলে আনন্দ ভূমার ;

তাই তুমি ভাবিতেছ মনে

আপনারে রিক্ত করি বাহিরিয়া দাঁড়াবে প্রাঙ্গণে ।

তুমি দেখিয়াছ ঘরে ঘরে

নিরস্ত্রের অপমান শুধু গ্লানিভরে

দাসত্বের কলঙ্ক প্রকাশে

সিংহাসন হ'তে প্রভু তাক্কিলো চাহিয়া মুহু হাসে,

তারা কিবা দিবে পুরস্কার ?

অতিথিরে আমন্ত্রিয়া যারা রুদ্ধ করে পুরস্কার

মানের আসন তারা তোমারে কি দিবে ?

সম্মুখ সমরে তুমি সে আসন যে দিন জিনিবে,

আত্মমি প্রণত হয়ে সসম্মানে করি সম্ভাষণ

তারাই ছাড়িয়া দিবে ভারতের রাজ-সিংহাসন ।

সে সভার শাস্ত্রী যারা সসম্মানে চাহি' মুখপানে

কোষবন্ধ তরবারী নিষ্কাশিয়া অতি সাবধানে

উৎসর্গিয়া চরণে তোমার,

আদেশ প্রতীক্ষা করি' সৌভাগ্য গণিবে আপনার ।

দিগন্তে ঘনায়ে আসে দুদিনের গাঢ় অন্ধকার,

রক্ত-সূর্য্যে রক্তিম পাথার

উত্তাল তরঙ্গ তোলে পশ্চিম-সাগরে ।

যৌবনের সিংহাসন 'পরে

তব রাজ্য-অভিষেক বহুদিন হইয়াছে শেষ,

ধর পাশুপাত অস্ত্র, বেছে লও ফাস্তুনীর বেশ,

অলস্ত তলোয়ার

ধর্মরাজ দাঁড়িয়ে পশ্চাতে ।

কুরুক্ষেত্র-মহারণ ভারতের নবীন প্রভাতে,

তরুণের সুখ-স্বপ্ন তুমি আজ করিবে সফল,

সহস্র হৃদয় তাই হয়েছে চঞ্চল

আপনারে রিক্ত করি' শেষ অর্ঘ্য দিতে ;

মন্দির সোপানে তারা দাঁড়াইয়া ধ্যান-মগ্ন চিতে

তোমার উদাত্ত কণ্ঠে শুনিয়াছে মায়ের আহ্বান,

হে শিবাজী মহারাজ, তুলে ধর গৈরিক নিশান ।



যুক্ত ধারা

বহুদিন পরে মিলিল ভাগ্যে তোমার হাতের-লেখা
একখানি চিঠি, জানো কি বন্ধু, কত দিবসের আশা ?
আজও মনে পড়ে তোমার সঙ্গে মেঘ-দুর্যোগে দেখা,
মনে পড়ে শুধু বন্ধুর পথে বন্ধুর ভালবাসা ।

তোমার হাতের অক্ষরগুলি নয়ন মেলিয়া আছে
পড়িতে পড়িতে শুনিতে পেলাম তোমার কণ্ঠস্বর,
মনে হোল যেন কত দূর হোতে তুমি আসিয়াছ কাছে
ছটি বাছ মেলি' জড়িয়ে ধরিলে হরষিত অন্তর ।

তুমি ত ভোলনি বন্ধুরে তব, পথের বান্ধবতা,
দূর ছুর্গমে তেমনি রয়েছে সরস হৃদয়খানি,
অনল-শুদ্ধা অপাপবিদ্ধা ছুঃখিনী মায়ের ব্যথা
নির্বাসনের অবরোধ হোতে বহিয়া আনিল বাণী ।

রোগ-শয্যায় শুয়ে শুয়ে ভাবি পুরাণ দিনের কথা
স্বপন দেখিছু মেঘে ঢাকা যেন নব সূর্যের আলো,
অন্ধকারের বন্ধ বিদারি' বন্ধন-কাতরতা
রাঙা শতদলে ফুটিয়া উঠিছে, মোরা বেসেছিছু ভালো-

অমৃত ভলোরার

ভাল বেসেছিনু বিছাৎ-অসি ঝলসি ঝলসি উঠে
ঈশান কোণের খণ্ডিত মেঘে টানা শোণিতের রেখা,
প্রমত্ত ঝড়ে ভাল বেসেছিনু, সে যখন এল ছুটে
সেই এলোমেলো দম্কা হাওয়ায় তোমায় আমায় দেখা ।

সম্মুখে মোরা দেখিনু চাহিয়া কখন অলঙ্কিতে
সারা দেশময় কারার প্রাচীর আকাশে মেলেছে বাহু,
শ্মশান-বহি খাণ্ডবদাহে জ্বলিছে চতুর্ভিতে
ঢাকিয়া ফেলেছে সূর্যের আলো ক্ষমতা-দৃপ্ত রাহু ।

কারা-প্রাচীরেও নোণা ধরে যায় শিকলেও ঘূণ ধরে,
আলোবায়ুহীন আঁধারে আসেন আলোকবিহারী হরি,
পথে প্রান্তরে শ্যামল মাধুরী ফুটে ওঠে থরে থরে,
বিষকণ্ঠার হরিত পাত্র অমৃতে ওঠে ভরি ।

সেই সে আশায় দিন গণি ভাই, ঝড়ের রাত্রি গেলে
প্রভাত আলোর আঘাতে ভাঙ্গিবে নির্বাসনের কারা,
ছুর্গম পথ বাহিয়া এসেছ পারে পায়ে বাধা ঠেলে
বেশী দূরে নয় সম্মুখে তোমার উছল যুক্ত ধারা ।

১৯৩০—আগষ্ট—জেল হইতে লিখিত হুভাবচন্দ্রের পত্র পাঠের পর ।

তোমারে স্মরণ করি

তোমারে স্মরণ করি দীর্ঘ দিন সুদীর্ঘ সর্ব্বরী
অস্তুর হইতে ধায় তোমা পানে মস্তুর মূর্ছনা,
অনিন্দ্য সুন্দর মূর্ত্তি হৃদয়-মন্দিরে মোর ধরি
ছন্দো-কুম্বের মাল্যে নিত্য করি তোমার অর্চনা ।

যুগ যুগান্তের ধ্যানে অবিকল্প কল্পনায় প্রিয়
কালের প্রবাহ বাহি কূলে মোর ভিড়ালে তরণী,
নিরুদ্ধেশ যাত্রাপথে হে কাণ্ডারী, চির-স্মরণীয়
স্পর্শে তব জেগে ওঠে অবলুপ্ত বিস্মৃত সরণি ।

জয়মাল্য নিলে গলে, হৃদয়-নৈবেদ্য নিলে মোর
অকুপণ প্রীতি তব, সাথে তার চিত্তের প্রসাদ,
মিলন-মঙ্গল-উষা, বিরহ-যামিনী করি ভোর
অবারিত দিবালোকে ঘুচাইল রাত্রির প্রমাদ ।

তোমারে রাখিবে দূরে, নিয়ে যাবে আরও কত দূরে ?
সেথায় কি বিস্মৃতির প্রাণহীন পাষণ প্রাচীর
তোমারে রাখিবে বন্দী ? অলঙ্কিত সেই মায়াপুরে
সাধনা বিলুপ্ত হবে অন্ধকারে সে কালরাত্রির ?

১৯৩২ সালের ২রা জানুয়ারী কল্যাণ রেল ষ্টেশনে তিন আইনে বন্দী হইবার পর

আকাশ-প্রদীপ

মৃত্যু যার পাহারায় রোগ-শয্যা শিয়রে দাঁড়িয়ে
কর গণে দীর্ঘদিন—যন্ত্রণায় দীর্ঘায়িত রাত্তি,
তাহারে দণ্ডিত করি দস্ত চলে সীমানা ছাড়িয়ে
বিনিদ্র নয়ন হতে ঝরিয়া পড়িছে অশ্রু পাত্তি ।

মৃত্যু-পথযাত্রী বটে তবু তার সে অশ্রু বর্ষণ
ভয়ে নহে, ক্ষোভে নহে, নহে দুঃখে, নিষ্ঠুর আঘাতে
উৎসর্গের মহানন্দে জন্ম তার, পুলক হর্ষণ
প্রশান্ত ললাটময় সঞ্চারিত আজি সুপ্রভাতে ।

মৃত্যু-ভয় অবহেলি যন্ত্রণারে ক্রকুটি করিয়া
আকর্ষণ করিল পান কালকূট, সুধাপাত্র ফেলি,
কি ভয় দেখাবে তারে মৃত্যু-বিভীষিকা বিস্তারিয়া
শ্মশান-বৈরাগ্য সাথে আজন্ম যে বেড়াইল খেলি ।

ভীকু যে পৌরুষহীন, পুরুষের সে রাখে না মান
সদা মৃত্যুভয়াকুল সেই হানে গুপ্ত প্রহরণ,
অমূলক আশঙ্কায় আচম্বিতে সেই বধে প্রাণ
তাহারে করুণা করি' বীর অস্ত্র করে সম্বরণ ।

অলস্ত তলোয়ার

সে বীর কোশলে বাঁধা, রোগদৈত্য নৃত্য করে বৃকে
শ্বাস রুধি বহিতেছে পুত্তিগন্ধ-সংক্রামিত বায়ু,
অর্গলিত ঘারে ঘারে উন্মুক্ত সঙ্গীন আছে রুখে
অঙ্ককার গৃহ-কোনে—নির্ব্বাণ-উন্মুখ পরমায়ু ।

যে দীপ নিব্বিতে পারে ফুৎকারে বা মৃচ্ বায়ুভরে
তাহারে নিষ্কপি দূরে যারা করে শক্তি অপচয়,
ধুঁড়িয়া সমাধি তারা মৃতের কঙ্কালে বন্দী ক'রে
কাঁসি কাষ্ঠে বুলাইয়া শ্রায়দণ্ড রাখিছে অক্ষয় ।

তাহাদের কাছে মোরা নহি কোনও লাভের প্রত্যাশী
অনুচিত আচরণ নৈমিস্তিক তাহাদের ব্রত,
অগণ্য বন্দীর দল চোখে মুখে তাচ্ছিল্যের হাসি
কেবা দেখে কোন অস্ত্রে বিষদিক্ত নগণ্যের ক্ষত ।

সে ক্ষত বাড়িয়া চলে আঘাতে আঘাতে রাত্রিদিন
কেহ মরে আচম্বিতে, কেহ মরে তিল তিল করি'
আত্মদহনের ব্রত মৃত্যুরে করেছে ইচ্ছাধীন,
হুর্গম যাত্রার পথে দীপ্ত দীপ রাখিয়াছে ধরি ।

সে দীপ আঁধারনাশী তামস হইতে জ্যোতির্লোকে
সর্ব্বভয় বিনাশিয়া করিছে সংশয় নিরসন,
আকাশ-প্রদীপ সে যে সঞ্জকাল আপন আলোকে,
পথিকে দেখায় পথ আপনারে দহি সর্ব্ব খন ।

তুমি তারে বাঁধিবে কেমনে ?

তুমি তারে বাঁধিবে কেমনে ?
আপনি সে রচিয়াছে আপনার মাথার উপরে
আকাশের নীল চন্দ্রাতপ,
উর্দ্ধাকাশে সূর্য্যচন্দ্র পদতলে সাগর-অহরা
ধরণী লুটায় পড়ে বন্দনার অনুবন্ধ ছলে ।
বাতাসে যে মেলিয়াছে আপনার মুক্ত পক্ষ ছুটি,
মুহূর্ত্তে ছুটিয়া চলে অজ্ঞানিত সে নিরুদ্দেশ পথে
তাঁহারে বাঁধিতে চাও তোমরা সে কিসের বন্ধনে ?

শৃঙ্খলের ?— শুনে হাসি পায়,
স্মিত হাস্তে একবার অবহেলে যদি সে তাকায়
আপনি খুলিয়া যায় নিশ্চয় সে কঠিন বন্ধন ।
অটুট গ্রন্থিতে তা'র দেখ নাই কুমুম বিস্তার ?
দেখনি কী যাছ বলে লোহার কঠিন দেহ ভেদি'
কোমল পিযুষ ধারা গলে পড়ে তুষার্ত্ত ধরায় ?
তুমি কি বাঁধিতে পারো যে আসিছে মাতৃসন্দর্শনে ?
অভয়া মায়ের ছেলে ভয় কা'রে বলে সে জানে না,
বিশাল বাহুতে বল, মাতৃহৃৎ জিহ্বায় সঞ্চিত
জন্মকাল হ'তে তারে সঞ্জীবিত রেখেছে ধরায় ।

অলস ভলোয়ার

অনশনে মরে নাই, প্রত্যক্ষ দেখেছ তুমি তার
পাষণ-প্রহত দেহে হইয়াছে জীবন সঞ্চার,
দণ্ডাঘাতে হাসিয়াছে—অবিচারে দ্বিকলিত করেনি
পৌকষের অহঙ্কারে যাচিয়া যে যায় নির্বাসনে ।

পাষণ প্রাচীর ঘেরা এ বিশাল পৃথিবী-কারায়
তাহারে বাঁধিতে পারে ? মুক্ত মন, অনিবার্য গতি,
কে তারে বাঁধিতে পারে ? দুর্ঘ্যোগে সে দুর্জয় সৈনিক
জননীৰ আশীৰ্বাদ বশ্য সম দেহ রক্ষা করে,
অবনত এ ভারতে চিরদিন সমুন্নত শির ।



১৯৩৬-৮ই এপ্রিল, আয়ারল্যান্ড হইতে দেশে কিরবার সময়—বোম্বাই পৌঁছবার
সঙ্গে সঙ্গে তাঁহাকে ৩ আইনে গ্রেপ্তার করা হয়

তুমি তারে বাঁধিবে কেমনে ?

তুমি তারে বাঁধিবে কেমনে ?

আপনি সে রচিয়াছে আপনার মাথার উপরে
আকাশের নীল চন্দ্রাতপ,

উর্দ্ধাকাশে সূর্য্যচন্দ্র পদতলে সাগর-অম্বর
ধরণী লুটায় পড়ে বন্দনার অনুবন্ধ ছলে ।

বাতাসে যে মেলিয়াছে আপনার মুক্ত পক্ষ দুটি,
যুহুর্থে ছুটিয়া চলে অজানিত সে নিরুদ্দেশ পথে
তাঁহারে বাঁধিতে চাও তোমরা সে কিসের বন্ধনে ?

শৃঙ্খলের ?— শুনে হাসি পায়,

শ্মিত হাস্তে একবার অবহেলে যদি সে তাকায়
আপনি খুলিয়া যায় নির্মম সে কঠিন বন্ধন ।

অটুট গ্রন্থিতে তাঁর দেখ নাই কুসুম বিস্তার ?
দেখনি কী যাছ বলে লোহার কঠিন দেহ ভেদি'
কোমল পিযুষ ধারা গলে পড়ে তৃষার্ত্ত ধরায় ?

তুমি কি বাঁধিতে পারো যে আসিছে মাতৃসন্দর্শনে ?
অভয়া মায়ের ছেলে ভয় কা'রে বলে সে জানে না,
বিশাল বাহুতে বল, মাতৃহৃৎ জিহ্বায় সঞ্চিত
জন্মকাল হ'তে তারে সঞ্জীবিত রেখেছে ধরায় ।

অলস তলোয়ার

অনশনে মরে নাই, প্রত্যক্ষ দেখেছ তুমি তার
পাষণ-প্রহত দেহে হইয়াছে জীবন সঞ্চার,
দণ্ডাঘাতে হারিয়াছে—অবিচারে বিক্রান্তি করেনি
পৌরুষের অহঙ্কারে যাচিয়া যে যায় নির্বাসনে ।

পাষণ প্রাচীর ঘেরা এ বিশাল পৃথিবী-কারায়
তাহারে বাঁধিতে পারে ? মুক্ত মন, অনিবার্য গতি,
কে তারে বাঁধিতে পারে ? দুর্ঘ্যোগে সে দুর্জয় সৈনিক
জননী আশীর্বাদ বর্ষ্য সম দেহ রক্ষা করে,
অবনত এ ভারতে চিরদিন সমুন্নত শির ।

১৯৩৬—৮ই এপ্রিল, আয়ারল্যান্ড হইতে দেশে ফিরিবার সময়—বোম্বাই পৌঁছিবার
সঙ্গে সঙ্গে তাঁহাকে ৩ আইনে গ্রেপ্তার করা হয়

আরতি

তব আরতির স্নিগ্ধ প্রদীপ জ্বলেছিল অস্তরে
অদৃশ্য হতে সে দীপশিখায় তব নয়নের আলো,
বাঁচিয়ে রেখেছে ঝড় ঝঞ্জায় আমার নিভৃত ঘরে
আজি মুক্তির আলোকে তাহারে নূতন করিয়া জ্বালো ।

তোমার মধুর স্মৃতিরেণু মাখি' কত বিচিত্র ফুল
নিশিদিনমান উঠেছে ফুটিয়া মনের গহন বনে,
কত দিবসের আনন্দে মন সৌরভে সমাকুল
সে ফুলে গেঁথেছি বরণ মালিকা তব অভিনন্দনে ।

অযুত যাত্রী চলিয়াছে পথে তব দরশন লাগি'
হর্ষমুখর অভিনন্দনে জনতা বাড়িয়া চলে,
তারি সাথে সাথে মন চলে মোর আমি থাকি দূরে জাগি
কুণ্ঠিত জনে ক্ষমিও বন্ধু, ভুলিও না কোলাহলে ।

সার্থক হোক সাধনা তোমার, দুর্গম পথে জয়
তব অস্তুর-আলোকে হউক নবীন অভ্যুদয় ।

১৯৩৭—১৭ই মার্চ বিনা সর্ভে মুক্তি লভের পর ৬ই এপ্রিল কলিকাতার নাগরিক
সংগঠন

কাল-বৈশাখী

ফাগুন রাতের উদাসী হাওয়ারে ডাকি'

বলেছিলে তুমি—“ফিরে যাও, ফিরে যাও

এখন সময় নাই,

ফাগুনের বনে যে ফুল ফুটিত তারে কি দেখিতে পাও ?

তাইত ভুলিয়া যাই,

পায়ে চলা পথে কি জানি কাহারে হেলায় এলাম রাখি'।”

ছয়ারে তোমার মূছ করাঘাত করি'

নব বসন্ত ডেকেছিল কতবার

তুমি তা' তোলনি কানে,

হৃদয়ে তখন চলিছে তোমার আলোড়ন ঝঞ্ঝার,

সেদিন বাঁশীর তানে

কাল-বৈশাখী দূর হতে দিল বজ্রের সুর ভরি'।

ঘরের শব্দ বেজেছিল আঙিনায়

তুমি বলেছিলে,—“এখন বন্ধ থাক

প্রভাত হইতে বাকি,

মেঘে বিছ্যতে এবার এসেছে বাহিরে যাবার ডাক,

নিজেরে গোপন রাখি'

এই কি সময় লঘু পাখা মেলি' ভেসে যাওয়া দখিনায় ?

এবার যাত্রা শুরু হবে মোর গহীন অন্ধকারে

ফাগুন দিনের গান গেয়ে মোরে ডেকোনাক বারে বারে।”

অলস উলোরার

দাঁড়াও বন্ধু, ক্রগেক দাঁড়াও কাছে—

মনে কি পড়ে না সেদিনের উৎসব ?

নব বৈশাখী দিনে,

প্রভাত বেলায় বন্দীশালায় উঠেছিল কলরব

তোমারে নিলাম চিনে,

তুমি আগে আগে,—বিপুল জনতা চলিতেছে পাছে পাছে ।

সেদিন পথের ছ'ধারে দাঁড়ায়ে যারা

উৎসাহ ভরে দিয়েছিল করতালি,

তারাত আসেনি সাথে,

তবুও আশায় সজাগ পাহারা ঘরে ঘরে দীপ জ্বালি'

অনিদ নয়ন পাতে

তারা করেছিল স্বপ্ন রচনা তোমাতে আত্মহারা ।

ফিরিবার বেলা আবার বাজিবে শাঁখ

দেহলী মঞ্চে পড়িবে আলিম্পন,

আজ তুমি যাও চলে,

সাথে নিয়ে যাও আমা সবাকার প্রাণের আকিঞ্চন

কোথাও আকাশ তলে

মেঘে বিহ্বাতে কাল-বৈশাখী হঠাৎ দিয়েছে ডাক ।

তোমার যাত্রা শুরু হোক তবে আঘাতে ও সংঘাতে

সম্মিৎ আনো মোহনিজায় বজ্র-কঠিন হাতে ।

আবার কি ডাকিবে আমারে ?

আবার কি ডাকিবে আমারে ?

তোমার গৃহের দ্বারে

তেমনি সহাস্ত্র মুখে অভ্যর্থনা করিবে আবার ?

—খুলিবে হৃদয়-দ্বার

বহুদিন পরে সঙ্গোপনে

নিরালায় বসিব ছ'জনে ?

তোমার সকল কৰ্ম্মে সব প্রত্যাশায়

সকল মহৎ প্রচেষ্টায়

বিপদে সম্পদে কিম্বা দূর যাত্রাপথে

আপন অন্তর হ'তে

যখন ডেকেছ বন্ধু ব'লে,

তখনি এসেছি চ'লে ;—

নির্বিচারে হৃদয়ের সকল সম্বল

তোমাতে দিয়েছি ডাল, চিত্ত অচঞ্চল

তোমা 'পরে ;—আমার নয়নে দীপশিখা

সে কি দেখেছিল তব ললাটের দীপ্ত জয়টিকা ?

তোমাতে দেখেছি বন্ধু, উগ্রতপা কঠোর সন্ন্যাসী

ভোগের প্রাচুর্য্য মাঝে বৈরাগী উদাসী ;

অশান্ত তলোয়ার

তোমার সে ত্যাগের মহিমা
আপনার সৌন্দর্যের সীমা
আপনি সে জানেনাক
ধরণীর বিনীত প্রার্থনা মানেনাক ;
স্থির দৃষ্টি বহু উর্দ্ধে তার
পশ্চাতে পড়িয়া থাকে রক্তমাংসে গড়া এ সংসার ।

তোমারে দেখেছি বন্ধু, অকিঞ্চন বন্ধুত্ব-ভিখারী,
আপনার অন্তর বিখারি'
আলিঙ্গন দিয়েছ বন্ধুরে ;
আজি তুমি আছ বহু দূরে,
তবু উষ্ণ স্পর্শখানি তার
নিত্য অনুভব করি ।—এ বিরহ-বেদনার
শেষ নাই, সীমা নাই ; তাই সর্বক্ষণ
নিরুদ্দেশ যাত্রাপথে ধেয়ে চলে অশান্ত এ মন ।

স্মৃতির মঞ্জুষা খুলে দেখি একে একে
বিদায়-বেলায় তুমি কত ধন গিয়েছ যে রেখে ।
বাহিরে কঠোর তুমি, সে তোমার আত্মার নিশ্চোক
সেই পরিচয়ে তোমা জানে সর্বলোক ।
তারা ত জানে না পুষ্প পরাভব মেনেছে গোপনে
হাসিযুখে অতি সস্তূর্ণনে
হৃদয়ের কাছে তব ; আমি জানি কত সুকোমল
পেলব পল্লব সম সে হৃদয় বেদনা-চঞ্চল

তোমার নয়নে

যে বিহ্যৎ খেলে ক্রণে ক্রণে,

কুঞ্চিত ললাটে তব ঘনায়ে যে ওঠে কালো মেঘ

স্কুরিত অধরে স্তব্ধ যে দুর্শ্বদ বেগ—

তাহারি পশ্চাতে আছে কী গৈরিক জ্বালা

সে কথা ত জানি আমি ; একান্ত নিরালা

তোমারে পাব কি কাছে ? সেই দিন সে নীরব ক্রণে

তোমারে বলিব বন্ধু, অন্তরের কথা সঙ্গোপনে ।

কত দূরে আছ বন্ধু, কত কাল রহিবে সূদূরে ?

সেথাকার বাঁগী বুঝি হেথাকার সুরে

মূর্ছনায় বাজে সুমধুর

তোমার অন্তর তলে ! বেদনাবিধুর

হেথাকার গান বুঝি তরঙ্গিত সেথায় বাতাসে ?

নব অভ্যুদয়ের আশ্বাসে

দিন যায়, রাত্রি যায়, শেষ হয়ে আসে পরমায়ু,

হেথাকার ভূমি জল বায়ু

আর্তনাদে জানায় মিনতি—

সূর্যালোকে দীপ্ত দেবজ্যোতি

তাদের ফিরায়ে দাও, কতকাল রাখিবে বঞ্চিত ?

যুগ হতে যুগান্তে সঞ্চিত

অপরাধ—এ দেশের মহা অপরাধ,

জানি জানি, পদে পদে ঘটিয়াছে নিত্য পরমাদ ;

তার শাস্তি এখনো কি বাকি ?

অবস্ৰ অলোয়ার

শ্রায়ের এ ঝাঁকি
এখনো সত্যের কাছে আপনারে দিবেনাক ধরা ?
দয়াময়ী সৰ্ব্বভুখহরা
মুক্তি-উষা দিবেনাক দেখা ?
বালার্ক কিরণ-রেখা
কত দূরে—কত দিনে নয়নের আগে
ফুটিয়া উঠিবে বল ? নব অনুরাগে
তোমার যাত্রার পথে অগ্রসরি দেখিব সম্মুখে
তুমি আছ দাঁড়াইয়া—নব-সূৰ্য্য উদ্ভাসিত মুখে ।

১২৪৩—আনুয়ারী

আজাদ হিন্দ্ মৈনিকের প্রতি

উদয় অচল দূর দিগন্তে, অটল মহিমা তার
তারও পরে আছে ঘন অরণ্য পাহাড়ে পাহাড়ে ঘেরা,
গিরি-নদী বহে, এপারে এপারে অক্ষুট তার ধ্বনি
জলতরঙ্গে উদ্বেল হয় গভীর নিশীথ রাতে ।
নিশীথ রাতের তপস্যা সেথা উষার আলোকপাতে
তিল তিল করি' প্রতিদিন আনে সিদ্ধির শুভফল,
গোপন গুহায় ধ্যান-সমাহিত সেথায় সব্যাসাটী
বন্দনা করে নব সূর্যের নূতন মন্ত্র গানে ।

সেদিন আকাশ বিদীর্ণ করি' ছুটিল অগ্নি-রথ
বজ্র সেদিন গরজ্জি উঠিল সহসা মুহূর্ছে,
পাহাড়ের গায়ে লিখে দিয়ে গেল অদ্ভুত যে বারতা
সে বারতা কভু জীবনে শোনেনি ক্ষমতাদৃপ্ত নর ।
সে দিন সহসা জাগিয়া উঠিল মৃত্যুর গর্জন
গোপনে গোপনে অন্তরীক্ষে শত্রুর দস্তোলি,
মৃত্যুকে বারা বুক পেতে নিল অনায়াস মহিমায়
তাদের মৃত্যু নবজীবনেরই নূতন সম্ভাবনা ।
সম্ভাবনার কঠোর সাধনা নদী গিরিবন ব্যাপি'
স্থির হয়ে আছে ঝড়ের আশায় আপনারে সম্বরি',
তোমাদের গুরু সেই সাধনার অনঘ মন্ত্র বলে
লভিয়াছে বর মৃত্যু-জয়ের অনলে আছতি দিয়া,
নির্বাণহীন আহিতাগ্নির সমিধ এখনও জ্বলে
তোমাদেরও মনে রাখিও জ্বালিয়া সে হোমবহ্নি শিখা ।

স্বাপ্নিক

তোমার স্বপ্ন, মোদের স্বপ্ন, স্বপ্নের কুহেলিতে
ঢেকে গিয়েছিল ;—তবু স্বপ্নের ঘোর লেগে ছিল চোখে
চোখের জলের আল্পনা ঝাঁকা মন্দির দেহলিতে,
এখনো তাহার চিহ্ন রয়েছে জানে তা' সর্বলোকে ।

একদা তোমার যাত্রার পথে যারা করেছিল ভীড়
ভেবেছিল তুমি তাদেরি মতন নিরাশায় যাবে ফিরে,
তারাত জানে না বজ্র কখনো আকাশে বাঁধে না নীড়
উদ্বেল স্রোত থামে না কখনো ক্ষুদ্র সাগর তীরে ।

অস্তুর তব বেদনা-আহত নয়ন স্বপ্নাতুর
সে দুটি নয়নে বহির শিখা ক্ষণে ক্ষণে ওঠে জ্বলে,
স্বাপ্নিক তুমি যুগান্ত আগে দেখেছিলে বহু দূর
তাই জ্বলেছিলে যজ্ঞ-অনল মার মন্দির তলে ।

তুমি যেচে নিলে কালিমা-মুক্ত আপন নির্বাসন
পথ বেছে নিলে ধ্যান-দৃষ্টিতে, মহা সঙ্কট কালে
কোথা তুমি,—তবু কোটি মানবের হৃদয়ে তব আসন
তোমারি আশায় দিন গুণে যায় কালের অক্ষমালে ।

অলস্তু তলোয়ার

স্বপ্ন স্বপ্ন তোমার স্বপ্ন, মোদের স্বপ্ন তুমি
সফল করিলে যাহুদগের অমোঘ স্পর্শ দিয়া,
সেদিনও হেথায় স্বপ্ন-কাতর তোমার জন্মভূমি
ঘুমভাঙা চোখে পথপানে চাহি, আবেগে অধীর হিয়া ।

তুমি আগে এলে পশ্চাতে তব অযুত লক্ষ সেনা
সম্মুখে স্থির একই লক্ষ্য—দিল্লীপ্রাসাদ-চূড়া
পায়ে পায়ে এলে সুদীর্ঘ পথ—সে পথ তোমার চেনা,
সে পথে পাথর বীরপদভরে' হয়ে গেল ধূলিগুঁড়া ।

বিজয়-নিশান যারা উড়াইল পূর্ব অচল 'পরে
প্রথম প্রভাতে নব সূর্যের প্রভাতী বন্দনায়,
দেশের মাটির বিদীর্ণ বৃকে বৃষ্টি এতদিন ধ'রে
তাদেরি প্রাণের স্পন্দন আজ রক্তের সাড়া পায় ?

মায়ের বৃকের রক্তের ধারা লাখো লাখো ধমনীতে
চঞ্চল হোল, অধীর আবেগে এবার যাত্রা শুরু,
যেথা আকর্ষণ পিপাসা সেথায় ধারাজল টেলে দিতে,
আবার আকাশে শ্রাবণের মেঘ ডেকে যাবে গুরু গুরু ।

সেই সে মেঘের বৃক চিরে চিরে অলস্তু তলোয়ার
এঁকে বেঁকে যাবে কালো পাহাড়ের জমাট অন্ধকারে,
ছুর্গম পথে অগণ্য সেনা দাঁড়াইবে ছ'সিয়ার
হেথা অদৃশ্য ঘন করাঘাত হানিবে বন্ধ ঘারে ।

অসম্ভব তলোয়ার

বন্দীশালায় জাগিবে বন্দী সেই সে প্রভাত কালে
কোটি মানবের মিলিত কণ্ঠে উঠিবে জয়ধ্বনি,
পথে প্রান্তরে শ্মশানে শ্মশানে কোটি নরকঙ্কালে
শুনিব অমৃত অগ্নি-মন্ত্র উঠিতেছে রণরণি ।

মৃত্যু-বাসর জেগেছে যাহারা আজও তারা বেঁচে আছে,
হয়ত তাহারা আবার দেখিবে মরণ-মহোৎসব,
সেই মুহূর্তে তুমি কি বন্ধু, আসিবে তা'দের কাছে
চিতার আগুনে দিগন্তব্যাপি জ্বলে দেবে খাণ্ডব ?

সেই খাণ্ডব-দহন-জ্বালায় জ্বলিবে অহঙ্কার
ক্ষমতাদৃপ্ত হীন প্রভুত্ব মাটিতে মিশিয়া যাবে,
চল্লিশ কোটি শিকল ভাঙার উঠিবে ঝগৎকার
যত মূচ্ছিত মুমূষু' দেহ সন্মিত ফিরে পাবে ?

যে পথে এসেছ সে পথ আজিও তোমারি প্রতীক্ষায়
প্রহর গণিছে কখন তোমার সাধনার হবে শেষ,
আবার তোমার জয়-যাত্রার মিলিত তপস্রায়
কোটি কণ্ঠের জয়-ধ্বনিতে মুখরিত হবে দেশ ।

‘৪৬ এর আগস্ট

ধর্ম আমি মানিনাক
মানিনাক সত্যের বড়াই ;
নীতি বাক্য গুনে মনে হয়
সে কেবল আত্মপ্রবঞ্চনা ;
খাণ্ড খাদকের মাঝে
যে সম্বন্ধ ব্যাপ্ত পৃথিবীতে
সেই সত্য বহুরূপী, অন্ধকারে অতি মনোহর :

মানুষের মনুষ্যত্ব
স্নেহ-প্রীতি দয়া দাক্ষিণ্যের
শেষ চিহ্ন মুছে গেছে,
মুছে গেছে ভাস্বর করুণা ;
সূর্যের আলোর মত অকুপণ অনুকম্পা আজ
পৃথিবীর পাতায় লেখা
নাহি তার চিহ্ন মাত্র মনে ।

আমরা সুসভ্য জাতি
শিক্ষাদীক্ষা আদর্শে উন্নত ;
প্রাচীন ঐতিহ্যে সমৃদ্ধ
আমাদের শাস্ত্র ইতিহাস,
বিশ্বশ্রুত সাহিত্য দর্শন,
আমাদের সুমহান জাতি ।

অলস উলোর

হিংসুক আরণ্য মন
কদর্য্য কুৎসিত কল্পনায়
সে বর্ষরও ছিল ভাল ;
অরণ্যে ও পর্বত-গুহায়
হিংস্র পশুর সনে অহর্নিশি করেছে সংগ্রাম
মৃগয়া-প্রলুক মন
উষ্ণ রক্তে জিহ্বা লোভাতুর
নির্মম পাষণ্ড তারা আদিম মানুষ ;
সে পশু-মানুষে চিনি ;
আজি তার নব পরিচয়
আত্মঘাতী সংগ্রামের কলুষিত রক্তের আখরে
লেখা হয়ে থেকে গেল
অবিশ্বাস্য কল্পনা অতীত ।

আমরা সুসভ্য জাতি
মার্জিত রুচির অধিকারী,
আমাদের ইতিহাসে
লেখা আছে বীরত্ব-কাহিনী ;
বীর শত্রু যোগ্যস্থানে
যথাযোগ্য পেয়েছে মর্যাদা,
শরণাপন্নের তরে যুদ্ধক্ষেত্রে, শত্রুর শিবিরে
আশ্রয় উন্মুক্ত ছিল—
বীরের মহৎ ধর্ম্ম ক্রমা দুর্ব্বলে
—এই ছিল উচ্চ রণনীতি !

জলন্ত তলোয়ার

এ নহে সময় ক্ষেত্র,
স্বাধীনতা-সংগ্রামও এ নহে ;
ছুর্গম বন্ধুর পথ বাহি'
আজি মোরা আসিয়াছি
যুক্তি-মণ্ডপের সীমানায় ।
এখনও সুদীর্ঘ পথ,
এখনও সুদীর্ঘ বিভাবরী ;
উপরে আকাশ জোড়া কালো মেঘে ত্রিয়মান দিন,
কণ্টকে সঙ্কট তবু উন্মুক্ত প্রশস্ত রাজপথ,
—যে পথে আরক যাত্রা
ইম্ফালের নব সূর্য্যোদয়ে ।
কঠিন পার্বত্য ভূমে
সেথাকার ক্ষীণ নদী-স্রোতে
বিজন অরণ্য মাঝে
সংগ্রামের অপূর্ব সাধনা,
যুক্তি-সৈনিকের রক্তে
এখনও বিস্ময় হয়ে জাগে ।

সেথায় ছিলনা ধর্ম
যাত্রাপথে ছুর্বার পরিখা,
সেথায় ছিলনা জাতি
সঙ্কীর্ণ সীমায় শক্তিহীন ;

অনন্ত কলোয়ার

সেখায় দেখিছু মোরা ভারতের সকল সন্তানে,
আগ্নি-মন্ত্র-উপাসক নেতাজী গুরুর শিষ্য তারা ।
বিশাল ভারতবর্ষে, স্থান আছে সবাকার তরে ;
সেখায় মিছিল করি আজি মোরা হব অগ্রসর,
হাতে হাত মিলাইয়া একই লক্ষ্যে অপলক আঁখি
অন্তরে প্রদীপ্ত আশা, ভরসার মঙ্গল প্রদীপ
মায়ের মন্দিরে জ্বলে
অনির্বান স্নিগ্ধ সমুজ্জল ।

আজ সেই রাজপথে
সহসা তুলিল যারা আত্মঘাতী মন্ত কোলাহল,
রক্তের সশ্বক ভুলি' বহাইল রক্তের প্লাবন,
বিখ্যাসের বন্ধন ছিঁড়িয়া
কথিয়া দাঁড়াল পথে মুছে ফেলে আত্ম-পরিচয়,
তারা কি দেখেনি চোখে সেদিনের আলো
নিঃশেষে মুছিয়া গেল,
নেমে এলো রাত্রির কালিমা ?
কোথায় বিলুপ্ত হোল সত্যতার পরিচ্ছন্ন রূপ ?
আপন নির্মোক ভাজি'
আদিম হিংস্র অজগর
বাহিরিয়া এল পথে,
কুটিল সর্পিল গতি অতি ভয়ঙ্কর ;
বিষাক্ত নিঃশ্বাসে তার
জ্বলে গেল সৃষ্টির মহিমা ।

এ নৃশংস বর্ষরতা,
শোনিত-প্লাবন মাঝে ঘাতকের উল্লাস নর্ভন—
এর কি হবেনা শেষ ?
মৃত্যুরাস্ত্র ধরণীর
বিশীর্ণ মলিন মুখে আর
ফুটিবে না প্রভাতের আলো ?
প্রসন্ন দিনের সম্ভাবনা
আনিবে না সঞ্জীবনী আশা ?
যে জনের আবির্ভাব তরে
জননী দাঁড়িয়ে ছারে
হাতে লয়ে মঙ্গল-প্রদীপ,
তরুণ তরুণী গাঁথে জয়মাল্য বিজয়ীর তরে,
শিশুর আনন্দ-কোলাহলে
আজি নিত্য মুখরিত ঘরে ঘরে যাহার বন্দনা,
সে কবে ফিরিবে ঘরে ?
মধুর উদাস্ত কণ্ঠে
সে কবে ডাকিয়া লবে পথভ্রাস্ত্র হিন্দু-মুসলমানে ?

दिशारी

तुमि यदि शुधु आङ्गिकार दिने दाँडाईते समुथे
अङ्गुलि तुलि एकवार यदि जानाईते सङ्केत,
जनसमुद्धे मत्तु तुफान दिग् दिगन्तु ह'ते
मन्त्रशक्ति सन्धरि' नित प्रलयेर गतिवेगे ।

रुक्क मनैर मत्तु आवेग आङ्गिके माने ना बाधा
कुक्क मनैर असह दाह जले षुठे वारे वार,
भुले यार ता'रा तोमार साधना, तव सावधान बाणी
प्राण हरणैर दुर्जय लोते हये यार एककार ।

तुमि त चाहनि जीवने कखनो व्यर्थ जयध्वनि
संयमहान साधनार पथे विफल आश्रनाश,
तुमि यदि आज्ज समुथे दाँडाये शुनाते तोमार बाणी
पथैर दिशारी, एक मुहूर्ते थेमे येत कोलाहल ।

पथैर जनता भुले यार पथ, ए मोह सर्वनाशा
हीन दुर्गति कदर्य पथे ठेले देय अमानुषे ।

স্বাক্ষর

দেখেছ কখনও—কালমেঘ চিরে
বজ্র ছুটিয়া চলে—
সেই বজ্রের অগ্নি-ফলায়
মেঘের অগ্নিদাহ,
বৃথা গর্জনে পলায়িত মেঘ
ভেঙে পড়ে চৌদিকে
ছিন্নভিন্ন দিগ্ দিগন্তে
উড়িয়া উধাও বাড়ে ?

কখনও দেখেছ সেই বজ্রের
গলিত লাভার স্রোত
ধারা বৃষ্টির পরতে পরতে
ছড়ায় অগ্নি-জ্বালা,
কখনও দেখেছ অগ্নি-বৃষ্টি
শ্যামল ধরার বুকে
রেখে দিয়ে যায় দন্ধ মাটির
উগ্রগন্ধী ধোয়া ?

দেখে যদি থাক, আর একবার
মানস-নয়ন মেলি'
দেখ দূর পথে উর্ধ্ব আকাশে
তেমনি বহি-লীলা,

অলস্ত ভলোরার

বস্ত্রের বুকে জলে জলে ওঠে
কোন সে দহন-জ্বালা,
মেঘের বক্ষ বিদারি সে জ্বালা
নেচে চলে কৌতুকে ।

কখনও দেখেছ ঘন অরণ্যে
পর্বত-গুহা হ'তে—
ধীরে বাহিরায় ক্ষুধিত ব্যাঘ্র
শিকারের সন্ধানে
তীর্থক আলো ঠিকরে নয়নে
শাগিত দস্ত-পাঁতি
দৃঢ় পদে চলে চিহ্নিত পথে
অনায়াম মহিমায় ?
তারে যদি বল হিংস্র পশু
কিবা তাতে আসে যায়
সে যে সৃষ্টির অপরূপ শোভা
পৃথিবীর বিস্ময় ।

কখনও দেখেছ নীল সমুদ্রে
উঠেছে হাজার ঢেউ
যেন বিদ্রোহী বাসুকি মেলিছে
শত সহস্র ফণা,
পাতাল-পুরীর নাগ-কণ্ঠারা
বেণীবন্ধন খুলে
বুঝি বা জাগাল সর্প-বাহিনী
হুজুয় অভিযানে ।

অলস তলোয়ার

শক্তিমদের মহা মন্তুতা

ফেনিল তীব্র বিষে,

মৃত্যুর নীল পাথারে ভাসিছে

অগণ্য জীব দেহ ?

তারি সাথে সাথে দেখেছ কখনও

বজ্র-অনল বুকে,

নয়নে বহি ঠিকরিয়া পড়ে

ছুটে চলে প্রাণপণে—

কোথায় বৈরী ? গোপন অস্ত্র

কোথা বলসিয়া ওঠে ?

সেই সে অস্ত্রে আপন ললাটে

রক্ত-তিলক আঁকে ।

গৃহীরে করেছে গৃহ-হারা যারা

গোপনে অতর্কিতে

স্বাধিকার হ'তে বঞ্চিত রাখি

করেছে সর্বহারা,

শস্য-শ্যামল ক্ষেতের ফসল

দস্তে ছ'পায়ে দলে

যারা চলে গেছে উপেক্ষা করি'

রিক্তের হাহাকার ;

মাটি হ'তে যারা সঙীনের ঘায়

তুলিয়া গলিত শব

ফাঁসিকাঠে তুলে ব'লে—এ বিচার

শাস্তি অপরাধের—

নিরস্ত্রে করি' অস্ত্রে শাসন

বীর বলে খ্যাতি চায়

তাদের শাস্তা বীরবাহু কা'রে

দেখেছ কখনও চোখে ?

তোমরা দেখেছ ইতিহাসে লেখা

পলাশীর প্রাস্তরে

যুদ্ধের নামে মহা প্রহসন

ছরভিসন্ধি কা'র—

উমিচাঁদ আর মীরজাফরের

তক্ত-তাউস তলে

তরুণ নবাব সিরাজের শির

লুটায় রক্তশ্রোতে ;

সেই সে রক্তে উদ্বেল শ্রোত

গঙ্গার কূলে কূলে

পলাশীর মাঠে ফুটায় তুলিল

রক্তপলাশ ফুল ।

শুনিতো কি পাও ? এখনও রাত্রে

সিরাজের নাম ধ'রে

ডেকে ডেকে ফেরে মহীয়সী নারী

শোকাক্ত স্নেহাতুরা—

লালবাগ আজও লাল হয়ে ওঠে

সিরাজের খুনে খুনে

প্রতি রাত্রে গভীর আঁধারে

চাপা কান্নার স্বরে ?

অলঙ্কার

তারি সাথে সাথে মোহনলালের
মীরমদনের মুখে
শুনতে কি পাও প্রতিহিংসার
উঠিতেছে ছুঁকার ?

ডাকে তারা ডাকে সারা বাংলার
হিন্দু মুসলমানে
ডাকে ভারতের চল্লিশ কোটি
নিপীড়িত জনগণে ;
শেষ সত্রাট বাহাছর শা'র
পুণ্য সমাধিতল
জানো কে সাজা'ল পলাশী মাঠের
রক্ত পলাশ ফুলে ?
দেখ চেয়ে দেখ অপূর্ব ছবি
সেই সিরাজের ধানে
হাজার হাজার মানুষ আবার
তন্ময় হয়ে যায়,
ভোগ-বৈরাগী মহাবলে বলী
সিপাহীসালার ডাকে
লক্ষ লক্ষ নরনারী শিশু—
ভারতের সন্তানে ;
মুক্তিমন্ত্রে দীক্ষিত করি
পরায়ীয়া রাঙা রাখী
বেঁধে দিল পথ ভাঙ্গিয়া জাঙ্গাল
দাঁড়াইয়া পুরোভাগে ।

তারা এসেছিল পায়ে পায়ে চলি
আনন্দে গান গাহি'
জন্মভূমির সন্তান বীর
দেশের মুক্তি লাগি' ;
তাদের কণ্ঠে ধ্বনি উঠেছিল
জয় ভারতের জয়,
সেই সে ধ্বনির প্রতিধ্বনি যে
আকাশ বাতাসময়
নব ভারতের নবীন স্রষ্টা
তাহারে প্রণাম করে
হেন অপূর্ব দৃশ্য দেখেছ—
শুনেছ কাহারও কাছে ?

তোমরা দেখনি আমিও দেখিনি
শুনিতেছি তার কথা,
দেশ-গৌরব এ মহাজাতির
পরম ভাগ্য-লিখা ;
হেন বীরপণা ভারতে লেখেনি
তারি নব ইতিহাস
অগ্নি-আখরে রচিয়া তাহাতে
দিয়ে গেছে স্বাক্ষর ।

তুমি আছ

তুমি আছ তাই এখনো আকাশে, তেমনি চন্দ্রতারা
তেমনি সূর্য মধ্যগগনে, প্রদীপ্ত দিবালোক,
তোমারি আশায় নিশীথ রাত্রি রয়েছে ভ্রম্মাহারা
তোমার প্রাণের স্পর্শ বাতাসে জীয়ায় সর্বলোক ।

তুমি নাই তা'ত বলে না'ক পথ, উদাসীন প্রাস্তর,
বলে না'ক নদী, সমতলভূমি, অসংখ্য গিরিমাল্য,
“তুমি আছ” তাই বারে বারে বলে কোটি কোটি অস্তর
এখনো সেথায় দীপ্ত বহু ঢালে গৈরিক জ্বালা ।

তুমি নাই তা'ত বলে না'ক বন, বলে না বনস্পতি,
বনবিহঙ্গ তোমারে দেখিয়া কুলায় ফিরিয়া আসে,
হিংস্র পশু বিমুক্ত আঁখি ভুলিয়া ক্ষিপ্রগতি
মন্ডর পায় ধীরে ধীরে আসি বসিছে তোমার পাশে ।

প্রাণ-প্রাচুর্যে তুমি এনেছিলে লক্ষ জীবনে প্রাণ
জয়যাত্রার পথে বহে গেল তাদের শোণিত-ধারা,
এখনো লক্ষ অভয়ত্রতীর কণ্ঠে তোমারি গান
অগ্নিমন্ত্রে দীক্ষিত তা'রা তোমাতে আত্মহারা ।

তুমি যদি নাই, কেন তবে ওঠে জীবনের কলরব
প্রতি মুহূর্তে প্রাণ-বিলাবার অধীর উন্মাদনা ?
তুমি আছ তাই এ প্রেতভূমিতে জাগিয়া উঠিছে শব
বন্দীশালার শৃঙ্খলে তাই উঠিতেছে বনবনা ।

মনে হয় তুমি কখন আসিয়া দাঁড়াবে আমার কাছে
চির-পরিচিত স্মিত সূহাস্ত্রে করিবে আলিঙ্গন,
তোমার কণ্ঠে আহ্বান, যেন নিকটেই উঠিয়াছে,
নয়নের জলে আসিবার পথে দিলাম আলিঙ্গন ।

তুমি কি আমার ব্যথা বুঝিয়াছ ? আপনি করেছ কমা ?
বন্ধু বলিয়া তেমনি আমায় ডাকিবে আবার তুমি,
তোমার যে বাণী সেই হবে মোর চির-আরাধ্যতমা
তব মহিমায় মহিমাশ্ৰিতা জননী জন্মভূমি ।

জানো কি বন্ধু, বার বার কেন যুছি মোরা গাঁথিজল ?
সে জলে তোমার নব অভিষেক মোদের হৃদয় তলে,
তোমার আসন বিরচিয়া ফোটে সহস্র শতদল
তব আগমন বার্তা রটিছে সিন্ধুর কল্লোলে ।

তোমার পায়ের শব্দ শুনি যে আমার বুকের মাঝে
চমকিয়া উঠি, খনে খনে শুনি' তোমার কণ্ঠস্বর ।
তুমি বুঝি আছ নিকটে কোথাও, তাই কি শব্দ বাজে
তাই কি আকাশ উষার আলোকে দেখা যায় ভাস্বর ?

যুক্তি-উষার আলোকোজ্জ্বল সুদীর্ঘ পথ ধরি'
হে জন-নায়ক, তোমার যাত্রা পৃথিবীর বিস্ময় ;
এস গো বন্ধু, রাঙা-চন্দনে তোমাতে বরণ করি
সমুখে দাঁড়াও, হাতে তুলে দিই জীবনের সঞ্চয় ।

১৫ই আগস্ট

বাজাবি শঙ্খ ? বাজা বাজা ওরে
তবু যদি ঘুম ভাঙে
জমাট বরফ গলে' গলে' যদি
চেউ আনে মরা গাঙে ।
শ্মশানের বৃকে জ্বলেছিল চিতা
সে চিতা এখনো জ্বলে,
রাঙা আকাশের বৃকের আগুন
পড়িতেছে গ'লে গ'লে ।
রক্তের দাগ এখনো মোছেনি,
পথের বীভৎসতা
পথিকের মনে এখনো জাগায়
ভয়ান্ত কাতরতা ।
ঘরের ছয়ার এখনো বন্ধ
পলাতক গৃহবাসী,
আজি উৎসবে কা'র মুখে তুই
কেমনে ফুটাবি হাসি ?
হাসি মরে গেছে দেখিতে পাও না
আধমরা বাঙলায়,
চাপা কান্নার সুর শুনিসনা
বাতাসে ভাসিয়া যায় ।

সে বাতাস আজি বিষাক্ত করি'
গলিত শবের দেহ
পথে প্রান্তরে স্তূপাকার প'ড়ে
দেখিতে পাওনা কেহ ?
মন্দির দ্বারে ছড়ান রয়েছে
কঙ্কাল রাশি রাশি
সেখা কি বাজারি পূজার শব্দ
আতঙ্ক ভয় নাশি' ?
মরা মানুষের বধির কর্ণে
সে কি জাগাইবে আশা
নিষ্ফলতার বিহ্বলতায়
দিবে আনি প্রত্যাশা ?

অনেক দিনের আশা প্রত্যাশা
বহু জীবনের ত্যাগে,
হাসি মুখে বহু প্রাণ বলিদান
আজি নিষ্ফল লাগে,
দুর্ভাগ্য ভার পরাধীনতার
অসহ বিড়ম্বনা,
পলে পলে মনে জ্বলেছে আগুন
শৃঙ্খল বন্ বনা ।

সেই আগুনের হস্কা হাওয়ায়
দেখনি কি দাবদাহ ?
স্কুলিন্দে তার ছোট্টে বিহ্বল
জ্বলে রাজা ওমরাহ ;

অলস তলোয়ার

সেই দাবদাহে রাজ্য জ্বলেছে
জ্বলেছে শস্ত্রপাণি,
অস্ত্রাগারের রক্তে রক্তে
জ্বলেছে মনের গ্নানি ;
ফাঁসিকাঠের কঠিন রজ্জু
পরতে পরতে তার
জ্বলেছে আগুন,—সে যে মনাগুণ—
নিষ্ঠুর বঞ্চনার ।

জানো না কেমনে ছিঁড়েছে শিকল
খুলেছে বন্দীশালা,
দেয়ালে দেয়ালে পুড়ে হোল ছাই
কাঁদের মর্মজ্বালা ;
কাঁরা ভেঙ্গে দিল কারার প্রাচীর
ছিঁড়ে দিল শৃঙ্খল,
ফাঁসির মধ্যে কাঁদের মরণে
ফুটেছিল শতদল ?
তারা ত চাহেনি এমন যুক্তি
সহস্র প্রাণ দিয়া,
তারা ত চাহেনি মাতৃপূজায়
তরাসে কাঁপবে হিয়া ।
তারা ত চাহেনি নাট-মন্দিরে
পূজারীর আশে পাশে,
প্রসাদ লভিতে নরনারী এসে
ফিরে যাবে সন্ত্রাসে ।

তারা ত চাহেনি দেশের মাটির
বিভক্ত অধিকার ;
তারা চেয়েছিল সেনার যোগ্য
অনঘ পুরস্কার ।

তাদের স্বপন, দেশের স্বপন
ভেঙ্গে চুরে খানখান,
মিলন-সৌধ রচিবার আশা
হোল আজ অবমান ।

মুক্তি এসেছে ঘরের ছুয়ারে
সমুখে যাত্রাপথ,
আছে সমুদ্র, মরু প্রান্তর
অলঙ্ঘ্য পর্বত ;
ঘরে ঘরে আছে শকুনি মন্ত্রী
বাহিরে দুর্ঘোষন,
ভীষ্ম নিলেন স্বেচ্ছায় বেছে
সুতীক্ষ্ণ শরাসন ।

অজুঁন কোথা ? বৃহদারণ্যে
আত্ম-নির্বাসনে
জাগেন প্রহর কাহাদের পাপে
স্থির হয়ে যোগাসনে ?
শ্রবণে তাঁহার পশে কি না পশে
হেথাকার কোলাহল,
উগ্র তপের বহ্নি-শিখায়
দৃষ্টি অচঞ্চল ;

অলস ওলোয়ার

হেথাকার গানি-বিষের পাত্র
আপনি ধরিয়ে মুখে,
এক নিঃশ্বাসে পান শেষ করি,
যন্ত্রণা চাপি' বৃকে,
তিনি কি হলেন চির-বৈরাগী
অভিমাণে গৃহ-ত্যাগী,
হেথাকার অনুপরমাণু আজ
প্রতপ্ত তারি লাগি ।
অথবা ত্যজিয়া মহান সমাধি—
বোম্ বোম্ বলি' মুখে
ত্রিশূল তুলিয়া দাঁড়াবেন ভোলা
আত্মদ্রোহীরাে কুখে ?

সে কথা আজিকে কে বলিবে বলো
জানে না সে সংবাদ,
তাই দিকে দিকে ওঠে কোলাহল
স্বগিত বিসম্বাদ ।
মুক্তি এসেছে তাহারি মস্ত্রে
তাহারি তপস্যায়,
তবু ভীক মন এখনো সহিবে
অবিচার অন্যায় ?
মুক্তি-তোরণে দাঁড়ায়ে আমরা
শুনিতেছি আহ্বান,
“দাঁড়া ওরে দাঁড়া আবার শুনাব
মহামিলনের গান ।”

অলস তলোর

মুক্তি-নিশান দাও তুলে দাও
সাজাও পূজার ডালা,
চিন্ত-শোধনে হোমাগ্নি-শিখা
বেদীতলে থাক জালা ।

১৫ই আগষ্ট. ১৯৪৭.—“পার্ক কল্যাণ সঙ্গ”এর স্বাধীনতা উৎসবে পঠিত

স্বপ্ন ও সাধনা

সংগ্রামের হয় নাই শেষ,
নূতন দিনের সূর্যালোকে
নবতন আশার আলোকে
এবার পড়িতে হ'বে
বিলুপ্ত বিকৃত ইতিহাস ।
হুনিরীক্ষ ইঙ্গিতে তাহার
যে সুদীর্ঘ পথ মোরা আসিয়াছি অতিক্রম করি'—
সে পথের হয় নাই শেষ,
ভিতরে বাহিরে আজও
চলিতেছে সেই-সে সংগ্রাম

ভাঙার সংগ্রাম যদি হয়ে থাকে শেষ,
গড়িবার সংগ্রামের এইত সূচনা,
সূচনা আজিকে হোল শৃঙ্খল-যুক্তিতে ;
যুক্তির সূতীক্ষ অস্ত্রে দিতে হবে সান,
বীর্যের পরীক্ষা আজি উপলব্ধ সত্যের সম্মুখে ।
মাথা পেতে নিতে হবে
প্রায়শ্চিত্ত আত্ম-দ্রোহিতার,
ঘরে ঘরে বঞ্চনার জনে জনে লাঞ্ছনার গ্লানি
স্বৈচ্ছায় বরিতে হ'বে ঋণ শুধি' পূর্ব এশিয়ার ।

অলস্তু তলোয়ার

যে সংগ্রামে অলেছে আগুন
যে আগুনে দক্ষ হোল জীবনের স্নিগ্ধ শামলিমা,
ছর্ভেত্ত শত্রুর ব্যূহ ধীরে ধীরে পুড়ে হোল ছাই,
ছাই হোল ধন রত্ন তস্করের লুণ্ঠিত ভাণ্ডারে,
সে সংগ্রাম দেখি আজ
নব রূপে অশাস্তু আবেগে
দ্বারে দ্বারে হানিছে আঘাত ।

সংগ্রামীর জন্মদিনে
নবযুগে নূতন আহ্বান
জাগিয়া উঠুক আজি বিধ্বস্ত নগরে,
ধ্বংসোন্মুখ পল্লী-বাসভূমে,
অনুর্বর শস্য ক্ষেত্রে
অকর্ষিত ধূসর প্রাস্তরে,
জনশূন্য পল্লীবাটে, খেয়াহীন ঘাটের কিনারে ।
মোহমুগ্ধ ছর্গদ্বারে সে আহ্বান হানুক আঘাত,
স্তিমিত প্রাণের কূলে সে আহ্বানে জাগুক জোয়ার ।

যে মহা জীবন ঘিরি' মুক্তির একাগ্র সাধনায়
মৃত্যুর ছরস্তু নেশা জেগেছিল পূর্ব এশিয়ায়,
দিগ্বলয়ে মেঘে মেঘে বজ্রের নির্ঘোষে,

অসংখ্য তলোয়ার

পর্বতে অরণ্য-পথে
উঠেছিল মুক্তির আহ্বান,
এ তাহারি জন্মোৎসব ;
আজিকার এই পুণ্য দিনে
বিস্ময়ে স্মরণ করি'
শ্রুতকীর্তি সর্বাধিনায়কে
শ্রদ্ধা দিই, প্রীতি দিই
পাঠাই সাদর সম্ভাষণ,
যেথায় থাকুন তিনি
চিরঞ্জীব আজন্ম সংগ্রামী !

যে সংগ্রামে দেখিলাম
মানুষের মহতী সাধনা,
দুশচর্য্য তপস্যা অস্ত্রে
মহামানবের আবির্ভাব,
মহা বীর্য্য বলবান
করুণায় কুমুম কোমল,
অহুরে গভীর ব্যথা
ব্যথাতুর মানুষের তরে ;
নাগপাশ উন্মোচনে
দীর্ঘ দুই শতকের শেষে
সংগ্রামী দাঁড়াল কুখি' চিরবৈরী ঘৃণিত তঙ্করে ।
অসংখ্য বাহিনী তার, অধীশ্বর অর্দ্ধ পৃথিবীর,
তারি সাথে সুরু হোল ভারতের মুক্তির সংগ্রাম

অপূর্ব সে অভিযানে
সহযাত্রী অদম্য বাহিনী,
প্রাণে প্রাণে নব উন্মাদনা ।
খণ্ড ছিল ভারতের অখণ্ড সে অসংখ্য বাহিনী
যে সংগ্রামে লিপ্ত ছিল ভারতের যুক্তি-সাধনায়,
সে সংগ্রাম থেমেছে কি ?
শেষ তার হয়েছে ইমফালে ?
দিল্লী ছিল বহুদূর—
এখনি কি এসেছে নিকটে ?

নিস্তরক নিস্ততি রাত্রে
কান পেতে শুনিয়াছি আমি
পরিচিত সেই কণ্ঠস্বর :—
—“দিল্লী চলো—দিল্লী চলো
এখনো অনেক পথ বাকী,
হুই ধারে গড়ে তোল নব পল্লী, নূতন বন্দর ।”

সুভাষেরে জানি আমি
জানিয়াছি নেতাজী সুভাষে ;
জানি আমি আহ্বান তাহার ;
সে আহ্বান কতবার নিজ কর্ণে শুনিয়াছি আমি,
শুনিয়াছে সর্বজন ভারতের মহাতীর্থ ভূমে ।

অলস্ত ভলোরার

তাহার আস্থানে আছে
নূতন সৃষ্টির সম্ভাবনা ;
সুস্পষ্ট ইচ্ছিত তার
ভাসিতেছে আকাশে বাতাসে—
সংগ্রামের হয় নাই শেষ,
সফল হয়নি আজও
আমাদের স্বপ্ন ও সাধনা ।

১৯৪৮—২৩শে জানুয়ারী

নেতাজীর জন্মোৎসবের পর

কোটি হৃদয়ের অনুরাগে রাঙা
রক্ত করবী ফুল,
সেই ফুলে গাঁথা সহস্র কোটি মালা,
উৎসব-সভা আলো-করা দীপ জ্বালা ;
চন্দন-ধূপে ভিতর বাহির

শুগন্ধ-সমাকুল—

তোমার পূজায় কোথায় হয়েছে ভুল ?
তুমি আসিলে না সে কি অভিমান ভরে'
বুখাই কি তবে তোমার অর্ঘ্য সাজাইলু ধরে ধরে ?

সচকিত ছিল তব পথ চাহি'
কোটি কোটি নরনারী,
তাদের কণ্ঠে তোমারই জয়ধ্বনি
আকাশে বাতাসে উঠিল যে রণরণি,
কুটিরে কুটিরে প্রাসাদে সৌধে
দীপাবলী সারি সারি ;
কোথা অরণ্যে তুমি আজ পথচারী ?
পথের দিশারী অবিরাম চল কোন্ দূরান্ত পথে
সেখা কি তোমার যাত্রা হয়েছে আরম্ভ কররথে ?

অলস ভলোয়ার

আর কতদিন বল কতদিন

আত্মনির্বাসনে

তপস্যা তব চলিবে রাত্রিদিন,

জানি জানি তব পরমায়ু ক্ষয়হীন,

তবু যে শঙ্কা মূঢ় মন্থর

আসে বিহ্বল মনে,

তুমি ত এলে না এমন শুভক্ষণে !

মহাজীবনের বর্ষ-প্রবেশ নব জীবনের আশা

ভেবেছিলু আজ তোমার কণ্ঠে পাবে জীবন্ত ভাষা ।

জয়-যাত্রার দুর্জয় পণ

মানেনিক দুর্দিন,

সেদিন শঙ্খ বাজে নি যাত্রাকালে,

চন্দন-টিকা ঝাঁকে নি তোমার ভালে,

সবারে এড়ায়ে বাহিরিলে পথে

দুর্দম ভয়হীন ;

ফিরে আসিবার আজও কি আসেনি দিন ?

পদবিক্ষেপে ঘন অরণ্যে জাগিয়া উঠিবে পথ

সমুদ্র দিবে অনুকূল হাওয়া, শ্রামস্নেহ পর্বত ।

তাই ভাবি মনে তোমারে কে আজ

কুথিয়া দাঁড়াল আগে,

জাঙ্গাল বাঁধিল কোন্ সে দেশের রাজা

কোন ক্ষমতায় কে তোমারে দিবে সাজা ?

তোমার মস্ত ঝড়ে বিছাতে

সিন্ধু সরিতে জাগে,

তুমি ফিরিলে না তাই বিশ্বয় লাগে !

আজ যদি তুমি সমুখে দাঁড়াতে এমন দুঃসময়ে?

প্রমত্ত ঝড় বুকে ঠেলে মোরা চলিতাম নির্ভয়ে ।

একুশ সালের কথা

(কলিকাতা বিদ্যাপীঠের ছাত্রদের প্রতি)

একুশ সালের কথা
মনে পড়ে আজি আর্টচল্লিশে ।
মনে হয় যেন মোর চোখের সম্মুখে
তোমরা বসিয়া আছ
চোখে মুখে উৎসাহের আলো,
মাত্র বিছান ঘরে
ছোট ছোট কাঠের চৌ-পায়া,
তারি 'পরে পুঁথিপত্র
কোথা'ও নাহিক আড়ম্বর,
“ফরবেস ম্যানসন”-এ তবু জেগেছিল যৌবন-জোয়ার
প্রাণের স্পন্দনে তার সুমধুর গতি-চঞ্চলতা ;
বিদ্যার্থীর মধুর গুঞ্জে
বিদ্যাপীঠ মুখরিত উদ্ভাসিত নূতন আলোকে ।

পরাধীনতার গ্লানি আজীবন দহিয়াছে যারে
প্রতীক্ষে যাহার কণ্ঠে উচ্চারিত তীব্র প্রতিবাদ
বিস্ময় জাগাল হেথা,
চাকুরী-সর্বস্ব-প্রাণ বাঙালীর ঘরে
ভাবাবেগে হানিল আঘাত,

সে আনবে নূতন প্রভাত
কলিকাতা বিছাপীঠে ;
তাই তারে বসাইয়া গুরুর আসনে
দেশবন্ধু দীক্ষা দেন ; সে মোদের তরুণ সুভাষ ।

সেদিন ছিলনা আলো, ছিলনাক আরাম বিলাস ;
বাহিরে উন্মত্ত ঝড়, ভিতরে উদ্দাম আলোড়ন ;
তারই মাঝে আমরা পেলাম
একটি জীবন ঘিরি' অনন্ত বিশ্বাস
অফুরন্ত উৎসাহের স্বপ্ন-ভাঙা উছল নির্ঝর ।
প্রত্যাঙ্গন আলোকের সম্ভাবনা কাঁপে থর-থর
হঠাৎ আলোর দেখা পেয়েছিলে তোমরা সকলে,
আমরা ছিলাম মাত্র আধার তাহার,
আমরা নিমিত্ত মাত্র, আমাদেরও তৃষিত নয়ন
সেদিনের অন্ধকারে আলোর সন্ধানে ফিরিতেছে ;
সেদিন দেশের ডাকে তোমাদেরি প্রথম পেলাম
অমাদের একান্ত নিকটে ।
আমরা যখন আসি দাঁড়িলাম উন্মুক্ত প্রান্তরে
প্রথম সাক্ষাৎ হোল তোমাদেরি সাথে,
তোমাদেরি সাথে হোল জীবনের নব পরিচয় ।
তোমাদের শ্রদ্ধার প্রণাম
সমস্ত অন্তর দিয়ে সে দিন গ্রহণ করিলাম ;

অলস ভলোয়ার

করিলাম আশীর্বাদ—

জয়ী হবে তোমরা সকলে ।

বিফল হয়নি জানি আমাদের সেই আশীর্বাদ,

অধিকার লভিয়াছ মুক্তির উৎসব-সমারোহে,

সহজ আয়াস-লব্ধ সে উৎসবে আজ

অনাহত নহত তোমরা,

তোমাদের তরে আছে দেশ-দেবতার আমন্ত্রণ

আমন্ত্রণ আমা সবাকার ।

তোমাদের চেনেনাক যারা

তারা ত জানে না কোথা কোন দিন কাল-বৈশাখীতে

তোমাদের যাত্রা শুরু, দুর্গম বন্ধুর পথ বাহি' !

অবলুপ্ত দিবালোকে—বিষণ্ন প্রদোষ অন্ধকারে

কোলাহল জেগেছিল,—উন্মত্ত অশান্ত কোলাহল

নিষ্ঠুর দশ্যুর দলে ; অতর্কিতে নির্মম আঘাত

সেদিন যাদের বক্ষে রেখে গেল শোণিতের লেখা,

তারা ত তোলেনি কণ্ঠে বেদনায় ভীকু আর্তস্বর ।

তখন আসেনি কাছে তারা ছিল ব্যস্ত নানা কাজে,

ফিরায়ে নিয়েছে মুখ, ডাকিলেও দেয়নিক সাড়া

বিলম্বিত প্রতীক্ষায় বুঝিয়াছি বিফল প্রত্যাশা ।

নিশ্চিন্ত আরাম-কুঞ্জ মাঝে

তারা যে বাঁধিয়াছিল ছায়াসুপ্ত সুখময় নীড় ।

বিশ্রান্ত আলাপে মগ্ন কুঞ্জে গুঞ্জে আত্মহারা

তারা ত তোলেনি কানে সে রাত্রির ব্যর্থ হাহাকার ।

যে রাত্রির অন্ধকার কালো হোল জমাট পাথরে,
যে রাত্রির দীর্ঘশ্বাসে ত্বরান্বিত ঝড়ের আবেগ,
দিগন্তে প্রান্তর-পথে আলোকের শেষ চিহ্নটুকু
যে রাত্রি মুছিয়া নিল বিস্তারিয়া অন্ধ যবনিকা,
তখন কোথায় তারা সে রাত্রির হুর্যোগ আহ্বানে ?
তারা কি জাগিয়াছিল ? ঘর ছাড়ি এসেছিল পথে ?
হুর্যোগ কাটিয়া গেছে, আলোকে পুলক জাগিয়াছে,
আজিকে নিকটে আসি তারা মত্ত উৎসব সভায় ।

কোথা সে শ্রাবণ-রাত্রি কোথায় নীরঞ্জ অন্ধকার,
পথের সঙ্কট নাই, দূর আজ হয়েছে নিকট,
নৃশংস দস্যুরও মনে জাগিয়াছে সম্প্রীতি-কামনা ।
তারা ত জানে না কত দুঃখ ছিল সে দূর যাত্রায়,
কত ব্যথা বাজিয়াছে তোমাদের কোমল হৃদয়ে
কোন সে যাতনা বুকে হয়েছিল সে জন পাগল
সকলের তরে কেন সে সহেছে সহস্র আঘাত ।

আমি জানি সে বৈরাগী বৈশাখের মত
ধূসর প্রান্তরে একা পেতেছিল ধ্যানের আসন
ঘর-ছাড়া তোমাদের নয়ন সম্মুখে
কাঁপিয়েছে স্তব্ধ দ্বিপ্রহর,
তোমাদেরি বেদনায় ব্যাকুল বৈকাল
জানায়েছে নিত্য আমন্ত্রণ ;

অসমত তোলোয়ার

আশা ও প্রত্যাশা তাই
জাগিয়াছে রাত্রি শেষে নূতন দিনের কল্পনায় ।

তোমরা চাহিয়াছিলে মেঘে মেঘে আগ্নেয় সংঘাত
চেয়েছিলে যুদ্ধের ইঙ্গিত,
স্থির সমুদ্রের বুকে আলোড়ন চেয়েছিলে সবে,
বিস্ফোরণ চেয়েছিলে পর্বতের গুহায় গুহায় ;
তোমাদের সে প্রত্যাশা
আজি সূর্য-আলোকে স্পন্দিত,
তোমাদের আশা বহে জীবনের শ্রামল মহিমা ।

যুক্তির উৎসবে আজ তোমাদের তাই নিমন্ত্রণ,
যুগের মহিমা-গর্বে তোমাদের ক্ষুদ্র ইতিহাস
তোমাদেরই কৃতকর্মে তাই র'বে দীপ্ত চিরস্তন ।

১৯৪৮, ফেব্রুয়ারী

তুমি চেয়েছিলে ঝড়

তুমি চেয়েছিলে ঝড়
বজ্র-গর্ভ বিদ্যুৎ-স্ফুরণে
মেঘের গর্জন সনে চেয়েছিলে বৈশাখের ঝড় !
রৌদ্রদক্ক ধরণীর বিদীর্ণ মাটির স্তরে স্তরে
প্রত্যাশিত স্বপ্ন বৃষ্টি অকস্মাৎ এলনা নামিয়া ;
ঈশান কোণের মেঘ রুদ্ধ বেগে আকুল চঞ্চল
গতিপথে ঘনাইয়া ধুমায়িত অগ্নির কুণ্ডলী
সমস্ত আকাশ ছেয়ে দৃষ্টিপথ করি' অন্ধকার
এখনও এলনা কেন ? মধ্যপথে যাত্রা গেল থামি ?
কাল-বৈশাখীর আশা অপরাহ্ন প্রতীকার মাঝে
ব্যর্থ হোল প্রতিদিন,
প্রতিদিনই নবাকুরে সঞ্চারিত অস্ফুট বেদনা
বেদনা রাখিয়া গেল শত শত উন্মুখ পরাণে ।

তপ্ত দীর্ঘশ্বাসে তাই দ্বিপ্রহর কাঁপে থরথর
ঘূর্ণিবায়ু ক্ষণে ক্ষণে বহি আনে ধুলির জঞ্জাল,
শুক্ক জীর্ণ পত্রে হেরি প্রাস্তরের রুদ্ধ বিষন্নতা ;
মুকুল ঝরিয়া পড়ে, শস্যক্ষেত্রে ওঠে হাহাকার ।
ছায়াছন্ন আশ্রুকুঞ্জে বৈরাগী বৈশাখ
রৌদ্রালোক পরিহরি পেতেছে আসন,
ধ্যানের আসন তার কেঁপে ওঠে স্তব্ধ দ্বিপ্রহরে ।

বসন্ত তলোয়ার

দূরে—দূরে—বহুদূরে
তুমি কি ডাকিয়া গেলে হে সংগ্রামী, সমর-আহ্বানে ?
কাল বৈশাখীর তরে ধরণীর ব্যাকুল বিরহ
উষ্ণ বাষ্পে গুমরিয়া উঠিছে আকাশে
ছায়া পড়ে কাল-বৈশাখীর ।
ক্ষণিক গর্জনে আর পলকের বিদ্যুৎ স্কুরণে
জ্বলে ওঠে ক্ষীয়মান আশা ;
কাল-বৈশাখীর তরে প্রত্যাশায় দীর্ঘ দিনমান
হঠাৎ চাহিয়া দেখে ঈশানে মেঘের বপ্র ক্রীড়া,
ক্ষণিকের সে মায়ায় তৃষ্ণা হয় আরও তীব্রতর ;
আকাঙ্ক্ষা জাগিয়া উঠে নিরুদ্দেশ তোমার সন্ধানে ।

বসন্ত ফিরিয়া গেছে ষার হাতে বিগত ফাস্তনে,
বকুল বনের পথে পদচিহ্ন অভিযাত্রীদের,
ছিন্ন ভিন্ন মালিকার শুষ্ক ফুলে পদচিহ্ন রাখি'
এলে তুমি অগ্রসরি' অবহেলি' দখিনা পবনে ।
পর্বতে অরণ্য-পথে সে যাত্রার সমাপ্তি বেলায়
তুমি চেয়েছিলে ঝড়
উড়াইতে বিদ্রোহের বিজয়-কেতন,
ঝড়ের প্রমত্ত বেগে অগ্রগতি এ মহাজাতির
সন্ধিক্ষণে নব জাগরণ,
আগ্নেয় সংঘাতে তুমি চেয়েছিলে যুদ্ধের ইঙ্গিত,

অস্থির সমুদ্রে তুমি
চেয়েছিলে আরও আলোড়ন,
বিস্ফোরণ চেয়েছিলে পর্বতের গুহায় গুহায়—
ধ্যানী যেথা ধ্যানমগ্ন তুষারে বনিকে লুপ্ত দেহ,
উপল খণ্ডের 'পরে ক্ষীয়মান বেগবতী নদী ;
সে ঝড় এল না হেথা জাগিল না অকালে বৈশাখ,
সংশয়ে বিষণ্ণ মন
প্রস্তুতির সে আহ্বান হইল বিফল,
তাই তব অভিযান নিস্তরক প্রহরে
রেখে গেল ইমফালের বৃকে
শহীদের রক্ত-স্নাত গৌরবের একটি প্রভাত ।

সে ঝড় কোথায় আজ
দিখলয়ে কোথায় ইঞ্জিত ?
ঝড়ের ছর্মদ বেগে
অগ্নিরথে তব আবির্ভাব
কবে হ'বে জানিনা'ক—
তবে শুধু এইমাত্র জানি
ঝড়ের নিরুদ্ধ বেগে সাধনার সকল প্রস্তুতি
আজিকে আসন্ন, শুধু দিন গণে তব প্রতীক্ষায় ।

যদি আজ আসে শুভক্ৰণ

তরুণের স্বপ্ন-মাথা নয়নে তোমার
দেখেছি প্রভাত সূর্য্য দিয়েছে আলোক
প্রতিদিন সহস্র শিখায় ;
রৌদ্রদীপ্ত মধ্যাহ্নের নিঃসীম আকাশে
যে কাহিনী লেখা আছে নিরবধি কাল
তুমি তাহা পড়িয়াছ উর্ধ্বে দৃষ্টি মেলি ।
বিপুল পৃথ্বীর বুকে মৌন মুক পাষাণের কথা
কান পেতে শুনিয়াছ পথে যেতে যেতে,
প্রতি পদক্ষেপে তব জেগেছ স্পন্দন
পথের ধূলায় আর উত্তপ্ত বাতাসে ।

তুমি চাহ নাই শুধু দিবসের আলো
তোমার যাত্রার পথে পড়ুক নিয়ত ;
নিয়ত নির্বিশ্ব হোক
নিরুদ্ধ যাত্রার সঙ্কেত ;
তুমি চাহ নাই কোনও দিবসের শেষে
গ্রামের সীমান্তে আসি অতিথি হইতে
আনন্দ-মুখর গৃহে, লভিতে বিশ্রাম ;
রাত্রির আরাম
সে-ত বন্ধ, নহে তব তরে ।

অনন্ত তলোয়ার

ভাল বাসিয়াছ তুমি চলিতে একেলা
রজনীর অন্ধকারে আলোর সন্ধানে ;
অবারিত সূর্যালোকে করিয়া গাহন
কালো মেঘে আলোর সাধনা
সেই তোমা লাগে ভালো ;
ঝড়ে ও বিছ্যতে স্তব্ধ মেঘাঙ্ক দিবসে
ক্ষান্ত নহে তব পরিক্রমা,
ছর্যোগ রাত্রির বিপর্যয়
তোমারে ডাকিয়া আনে পথে,
হৃদম চলার বেগে তুমি আন ডাকিয়া সঙ্কট ।

ভাল বাসিয়াছ তুমি অনন্ত চলার গতিবেগ
অশান্ত হৃদয়াবেগ, চিন্ত তবু শান্ত অচঞ্চল,
বিছ্যতে বেসেছ ভাল, ভালবাস পূর্ণিমার চাঁদে
দিবসে বাসিয়া ভাল, ভালবাস রাত্রির আঁধার ।

এখনও তেমনি বুঝি অবিরাম চলিয়াছ বেগে
হেলায় উত্তরি বাধা
ব্যবধান দেশ ও কালের ;
ললাটে তেমনি দীপ্ত প্রভাতের ভাস্বর মহিমা
ক্রকুঞ্জে মাঝে মাঝে ঝড়ের ইঙ্গিত দেখা যায় ।
তোমারি তপস্যা লব্ধ রুদ্র দেবতার আশীর্বাদ
সে যে বহু, একান্ত তোমার ;

অমৃত তলোয়ার

তাই তব কৃতান্তলিপুটে
এখনও শোভিছে হেরি অর্ঘ্যশতদল
তরুণের স্বপ্নে রাঙা, প্রস্ফুটিত আগ্নান সুন্দর !

আসিতেছ এই দিকে ?
শুভলগ্ন এল কি নিকটে ?
পূর্ব গগনে তাই হেরিলাম নব সূর্য্যোদয় ?
দূরপথে পদ শব্দ সে কাহার চিনিয়াছি, তাই
বাতাসে ভাসিয়া আসে বরাক্ষের মধুর সুবাস ।
পথের একান্তে বসি রাত্রিদিন গণেছি প্রহর
অধীর প্রতীক্ষা ভরে ;—যদি আজ আসে শুভক্ষণ
সে আনন্দে স্থির থেকো হে আমার উদ্বেল হৃদয় ।

১৯৪৯—২৩শে জানুয়ারী

তরুণের স্বপ্ন

কাস্তনী পূর্ণিমা নহে ; শারদ জ্যোৎস্নার মধুরিমা
আবেশ আনেনি চোখে ছিলনাক আলোর গরিমা,
তরুণের স্বপ্ন তুমি দেখেছিলে অমাবস্তা রাতে ।

ছুর্যোগের অন্ধকার বিনিদ্র নয়ন-পাতে
দিয়েছিল ঢালি

দাসখতে স্বাক্ষরের সবাকার কলঙ্কের কালি
যুগ হ'তে যুগান্তে সঞ্চিত ।

তোমার স্বপ্নের ঘোরে দেখিয়াছি স্বাজন্ম বঞ্চিত
আমাদেরই ঘরে ঘরে লক্ষ কোটি প্রাণী,
তাদের অন্তরভরা দাসত্বের গ্রানি

প্রভুর চরণ প্রান্তে ষাট্টাঙ্গে প্রণাম,
সে পরাজয়ের ব্যথা তোমার অন্তরে দেখিলাম
শুমরিছে দিবস শর্বরী ;

সে স্বপ্ন মধুর নহে । আপনা সম্বরি'
ছঃস্বপ্নের যন্ত্রণায় যতখানি হয়েছ কাতর
তার চেয়ে বেশী অনাদর
পেয়েছ তাদেরই কাছে
যাহারা এখনও তব অন্তরেই আছে ।

আমিও ত স্বপ্ন দেখি রাতে ;
প্রতিদিন সন্ধ্যায় প্রভাতে

অসম্ভব ভালোয়ার

দিবসের যোগসূত্রে অথগু গ্রন্থির সমাবেশে
অন্তরাঙ্গা ওঠে হেসে ;
ভাবি মনে দিবারাত্রি এ স্বপ্ন-প্রয়াণ
কোন্‌ খানে নিয়ে যাবে ? কোথা পাব তোমার সন্ধান ?
নিদ্রিত এ নারায়ণে যদি আমি জাগাতে না পারি
বুধা এ যন্ত্রণা ভোগ, আমি পথচারী,
পান্থশালা দিবে ঠাঁই কিম্বা তরুছায়া
অতিক্রান্ত পথশেষে হয়ত নশ্বর কায়া
শেষ হবে ; শেষ হ'বে দুঃস্বপ্নের ব্যথা
নয়ন-পল্লবে মোর স্থির হয়ে যাবে চঞ্চলতা ।

রঙীন স্বপ্নের ঘোরে কভু আমি যদি নাই আঁখি
দুঃস্বপ্নের যন্ত্রণারে বক্ষে মোর লুকাইয়া রাখি'
তোমারে খুঁজিয়া ফিরি তুমি মোর নয়নের আলো
সে আলোর সাধনায় যদি মোর জীবন ফুরালো
কি তাহাতে আসে যায়
অসীম সমুদ্র বক্ষে তরঙ্গ ত এমনি মিলায় ।

জোরার

ভয় কা'রে বলে তুমি তা' জান না
কাহারে তোমার ভয়,
মৃত্যুর সাথে সংগ্রাম করি'
করেছ মৃত্যু জয় ।

দুর্ঘোণে যা'র যাত্রা হয়েছে শুরু
মাথার উপরে আঘাট মেঘের গর্জন গুরু গুরু,
বিদ্যতে যা'র আঁধার পথের
শেষ হ'ল সংশয়,
পায়ে চলা পথে সহজে সে চলে
পাথেয় করে না ক্ষয় ।

তাই ভাবি মনে যে পথ তোমার
খেমেছিল ইম্ফালে,
সেখায় তোমার পায়ের চিহ্ন
যুঁহিবে না কোনও কালে ;
সেখা হ'তে পথ তোমার চলার আগে,
নিজেরে মেলিয়া দিবস রাত্রি আগ্রহ ভরে জাগে ;
কিসের বিঘ্ন, কিসেরই বা বাধা
কোথায় অসুশালে
তোমাতে আঘাত হানিবে বলিয়া
হাপরে অগ্নি জ্বালে ?

জলন্ত তলোয়ার

দমকা হাওয়ায় 'নেহাই' এর বৃকে
অসংখ্য শিখা জ্বলে
রুদ্ধ বাষ্প তাতিয়া তাতিয়া
রুদ্ধ মাটির তলে
জ্বলাইয়া দিবে বিশ্বের প্রতিরোধ
শত্রুর মনে অনুতাপনলে জাগিবে আত্মবোধ ;
অভী মন্ত্রের চির উপাসক
আপনার বাহু বলে
ফিরে এস তুমি সেই পথ দিয়া
যে পথে গিয়াছ চলে ।

দিবসের আলো ভিখারীর মত
কর নাই প্রার্থনা,
রাত্রি-আঁধারে তপস্যা তব
ছিলে অনশ্রুমনা ;
আগামী দিনের আশায় সমুৎসুক
বজ্রের বাঁশী তোমারে সদাই রেখেছিল উন্মুখ,
সে বাঁশীর সুরে আজি তোল তুমি
জীবনের মূর্ছনা,
জোয়ার আসিছে মরা গঙ্গায়
ভাসাতে আবর্জনা ।

অনন্ত তলোয়ার

নূতন সমিধে হোমের অনল
আবার জ্বলিল কিরে,
যজ্ঞধূমের কুণ্ডলী ওঠে
উর্দ্ধ আকাশ পানে,
ধ্যানের আসনে নয়ন মেলিয়া
মহাসাগরের তীরে
যেন কে হেরিছে প্রমত্তলীলা
যুক্তির অভিযানে ।

গিরি কন্দরে গোপন সাধনা,
মরুযাত্রার শেষে
পন্থবিহীন ঘন অরণ্যে
কণ্টকে ক্ষত দেহ,
বর্ষ ত্যজিয়া গৈরিক বাসে
সে কি সন্ন্যাসী বেশে
দূর দূরাস্ত পার হয়ে গেল,
দেখিতে পেল না কেহ ?

আবার আকাশ মেঘে ঢেকে গেল
ঊর্ধ্বাধার ঘনায় আসে
দিশাহারা পথে নরনারী যেন
ছোটে উন্মাদ হয়ে,

সূর্যের আলো মুছে নিয়ে গেল
রাহু কি সৰ্বগ্রাসে,
পূর্ণাহতির এইত সময়
লগ্ন না যায় বয়ে ।

স্বর্গের জ্যোতি আননে তাহার
নয়নে দিব্য বিভা
কুঞ্চিত ভালে নিরুদ্দেশের
যাত্রার প্রস্তুতি,
কণ্ঠে তাহার মাতৃমন্ত্র
ধ্বনিছে রাত্রিদিবা
হেথা হবিত্রী তৃষার্ত আজি
কোথায় পূর্ণাহতি ?

सिद्धि



সর্বাধিনাঃক (সোনান)



(नालाक) कलाकमीके न

জেল হইতে ফিরিয়া স্মৃতাচন্দ্র দেখিলেন রায়বাগান ষ্ট্রীটে তাঁহার বহু সাধের কলিকাতা বিদ্যাপীঠ নির্বানোমুখ দীপশিখার মত জলিতেছে— বাড়ীওয়ালা নোটিশ দিয়াছে—বিপ্লবী, জেল-ফেরত কংগ্রেসীদের এই কলেজ আর সেবাড়ীতে রাখিতে দিবে না।

স্মৃতাচন্দ্র বিদ্যাপীঠের জঘ্ন বাড়ী খুঁজিতে বাহির হইয়াছেন—সঙ্গে বর্তমান লেখক। বিডন ষ্ট্রীটের মোড় হইতে এস্প্রানেড্ পর্য্যন্ত পাসে হাঁটিয়া আসা গেল;—পথে আসিতে আসিতে যতগুলি লোক হাত পাতিয়া ভিক্ষা চাহিল স্মৃতাচন্দ্র একে একে সকলকেই বাহা হাতে উঠিল তাহাই দিয়া দিলেন। ধর্ম্মভলার মোড়ে টিপুসুলতানের মসজিদের নিকট একটি স্ত্রীলোক ঘোমটার ভিতর হইতে বলিল,—“স্বামীর অমুখ,—ছেলের অমুখ, ফুটপাতে গুইয়ে রেখেছি—বড্ড জ্বর, কেমন ক’রে বাড়ী ফিরব বাবা?”

স্মৃতাচন্দ্র পাঞ্জাবীর পকেট হাতড়াইয়া একটা সিকি যাত্র পাইলেন,—আমার দিকে তাকাইয়া বলিলেন—“এতে ত রিক্স ভাড়া হবে না,—কিছু আছে?” আমি একটা আধুলি বাহির করিয়া তাঁহার হাতে দিলাম।—

“ট্রামে না চড়ে হেঁটে গেলে হয় না?”—স্মৃতাচন্দ্রের এ কথা বলার তাৎপর্য্য বুঝিতে আমার বিলম্ব হইল না;—অর্থাৎ নিজের পকেট শূণ্য, আমার কাছ হইতে বোধ হয় তিনি আর কিছু লইতে চাহেন না।—বলিলাম,—“এই আট আনা, আর ট্রাম ভাড়া যা’ লাগে একসঙ্গে কাল শোধ ক’রে দেবেন। ধার রাখা উচিত নয়—বিশেষ বন্ধুদের কাছে।”

স্মৃতাচন্দ্র হা হা করিয়া হাসিয়া উঠিলেন।—বলিলেন—“আচ্ছা, আজ ভেঙতা থেকে কিরণ বাবুর ফেরার কথা—চলুন না, সেখান হয়ে যাওয়া বাবে—আপনি বাসায় চলে যাবেন—আমি একলাই বাড়ী ফিরবধন, আপনাকে আর এলুগিন রোড পর্য্যন্ত কষ্ট দেব না।”

ইউরোপিয়ান এসাইলাম লেনে কিরণবাবুর বাড়ীতে আসিয়া তাঁহার সঙ্গে গল্পগুজব করিতে করিতে অনেক রাত্রি হইয়া গেল।

অলস তলোয়ার

উঠিবার সময় স্মৃতাচন্দ্র কিরণবাবুকে বলিলেন—“বাড়ী পাওয়া ছুঁকর—
বিজ্ঞাপীঠ স্থানান্তরে উঠে গেলে বড় লজ্জার কথা হবে।”

কিরণবাবু হাসিয়া উত্তর দিলেন—“দেশসেবা আর মা সরস্বতীর সেবা
একসঙ্গে চলবে না, এ আমি ভেবে দেখেছি। ওটা এখন মূলত্ববী থাক।
আগে স্বাধীনতা পাই, আপনাকে আবার কলেজের প্রিন্সিপ্যাল না ক’রে
ছাড়ি না। মনের সাথে তখন চেয়ারে হেলান দিয়ে, বিজ্ঞা দান করবেন।
যতই করিবে দান তত যাবে বেড়ে।

কিরণবাবুর কথায় স্মৃতাচন্দ্র যেন ক্ষুধ হইলেন। কোনও উত্তর দিলেন
না—তাহা ছাড়া কোনও ঠাট্টা ভাষার কথা তিনি তখনই তখনই বুদ্ধিতে
পারিতেন না বা বুদ্ধিবীর চেষ্টাও করিতেন না। মন যেন তাঁহার সর্বদা অগ্ৰস্বরে
ভুবিয়া থাকিত। অতি ক্ষুদ্র ব্যাপারকেও তিনি বৃহৎ করিয়া দেখিতে অভ্যস্ত
ছিলেন। হাশু পরিহাস যেন যেন তাঁহার ধাতে সহিত না।

কিরণবাবু এবার একটু গভীরভাবেই বলিলেন,—“দেখুন, কংগ্রেস অফিসের
ভাড়া আজ ক’মাস ধ’রে বাকি পড়ে আছে। দেশবন্ধুর মত লোক টাকা
তুলতে হিম্মিশ্ খেয়ে যাচ্ছেন—বিজ্ঞাপীঠের জুজু বাড়ী পেলেও তার ভাড়াটা
যোগাবেন কোথা থেকে?”

—স্মৃতাচন্দ্র দাঁড়াইয়া ছিলেন, এবার চলিতে আরম্ভ করিলেন। কিরণ-
বাবুর ইঙ্গিত তাঁহার ভাল লাগিল না। ইউরোপীয়ান এসাইলাম লেন হইতে
ধর্মতলার ট্রাম লাইন পর্যন্ত স্মৃতাচন্দ্র একটি কথাও বলিলেন না ;—বিজ্ঞাপীঠের
বাড়ীর চিন্তা অথবা ভবিষ্যতের অগ্ৰকোনও আশঙ্কায় তখন তাঁহাকে যেন
চিন্তাশ্রিত দেখিলাম কিন্তু কি সে চিন্তা তাহা ঠিক বুদ্ধিতে পারিলাম না।—
“চলি” বলিয়া স্মৃতাচন্দ্র ট্রামে উঠিয়া পড়িলেন। মোড় ফিরিতেই আমার মনে
হইল, তাঁহার কাছে ত ট্রামের ভাড়া নাই—কন্ডাকটর টিকিট চাহিলেই
স্মৃতাচন্দ্র নিশ্চয়ই ট্রাম হইতে নামিয়া পড়িবেন। একবার এই রকম
হইয়াছিল। বিডন ষ্ট্রীট হইতে একবার আমার সঙ্গে হাঁটিয়া আসিয়াছেন—
আবার এলগিন রোড পর্যন্ত তিনি হাঁটিয়াই যাইবেন। মনটা অস্থির ও
অশুশোচনায় ভরিয়া উঠিল।

অলস তলোয়ার

কলিকাতা বিদ্যালয় তখন উঠিয়া গিয়াছে;—ছাত্রগণ দলভেদে,—
অভিভাবকেরা তাহাদের ভালচোখে দেখেন না, অনেকে নিজের বাড়ীতেই
সে সময় স্থান পায় নাই। সে আজ প্রায় ছাব্বিশ বছর আগেকার কথা।
এখন ছাত্রদের মন মেজাজ কালের প্রভাবে তৈরী হইয়া গিয়াছে। আজ
দেশের কাজ করিয়া ছেলে বাপ-মায়ের সমর্থন পায়; সন্তানের আত্মত্যাগে
বাপ মায়ের আনন্দ হয়। ছেলেমেয়েদের মন আজ দেশমুখী। এ মন কিন্তু
একদিনে প্রস্তুত হয় নাই; এ প্রস্তুতির পিছনে বহু সাহস, বহু ত্যাগ, বহু
নির্ধ্যাতন, বহু কারাবরণ ও মৃত্যুবরণ আছে। নিজের একমাত্র সন্তান
অন্তরীণে বা কারাগারে, অথবা পর পর একাধিক সন্তানের কারাভোগ বা
দিবারাত্র গোয়েন্দা পুলিশের গোপন পাহারা, ইহাতে সেকালের ব্রিটিশ সমর্থক
মনও ক্রমশঃ ব্রিটিশ-বিদ্বেষী হইয়া পড়িয়াছিল বাংলা দেশের ঘরে ঘরে। কিন্তু
আমি যখনকার কথা বলিতেছি—তখন মনের এ পরিবর্তন সবেমাত্র আরম্ভ
হইয়াছে।

‘ফরওয়ার্ড’ অফিস তখন ধর্মতলা হইতে ব্রিটিশ ইণ্ডিয়ান ষ্ট্রিটে উঠিয়া
আসিয়াছে—‘কছুদিন পরে কুখ্যাত একটি মামলার দায়ে ‘ফরওয়ার্ড’
‘লিবার্টি’ হইয়া প্রকাশিত হইতে লাগিল।

বিদ্যালয়ের বহু ছাত্রকে স্মৃতিচক্র এই কাগজের অফিসে কাজে
লাগাইয়াছিলেন—একেবারে অবৈতনিক নহে।—“ফরওয়ার্ড” প্রেসের
ম্যানেজার হিসাবে আমার এবং জেনারেল ম্যানেজার হিসাবে স্মৃতিচক্রের
মাসিক দক্ষিণা নির্দিষ্ট ছিল ৬০ টাকা—এই মেকদারে সকলেই কিছু না কিছু
পাইত। কলিকাতা বিদ্যালয়েও এই পরিমাণ দক্ষিণার ব্যবস্থা ছিল—কেহ
তাহা লইতেন কেহ বা লইতেন না।

ঠিক এই সময়ে বিদ্যালয়ের “উপাধি” শ্রেণীর ছাত্র পরেশ চাটার্জি (ইনি
এখন কলিকাতার একজন কৃতী ব্যবসায়ী) কুমিল্লা হইতে সরাসরি স্মৃতিচক্রের
কাছে কর্মপ্রার্থী হইয়া উপস্থিত হইলেন। বাড়ীর অবস্থা খুব ভাল ছিল কিন্তু
তাহার প্রতি অভিভাবকদের মনের তৎকালীন অবস্থা অত্যন্ত বিরূপ, ছাত্রটিও
আদর্শবাদী ও তেজস্বী ছিল বলিয়া নিজের পথ তিনি নিজেই দেখিয়া লইবেন
মনে করিয়া কলিকাতায় আসিয়া উপস্থিত হইলেন।

অলস তলোয়ার

“লিবার্টি” কাগজের অবস্থা তখন ভাল নয়—কাজেই কোনও কাজের মধ্যে আর কাহাকেও নিয়োগ করা তখন একপ্রকার অসম্ভবই ছিল। শরৎচন্দ্র ব্যারিষ্টারির অনেক টাকা এই কাগজের জন্ত ব্যয় করিয়াছেন কাজেই কাগজের ব্যয় বৃদ্ধির ব্যাপারে সুভাষচন্দ্রের কুণ্ঠিত হওয়াই স্বাভাবিক। কিন্তু পরেশ তাঁহার অত্যন্ত প্রিয়পাত্র ছিল বলিয়াই শুধু নহে বিদ্যাপীঠের শ্রান্তন ছাত্র সম্বন্ধে একটা ব্যবস্থা করার দায়িত্ব সুভাষচন্দ্র নিজের বলিয়াই মনে করিতেন। তাঁহার প্রকৃতিই ছিল এইরূপ।

তিনি বলিলেন,—“তুমি কাজে লাগো,—তোমার নিজের খরচ চালানর মত টাকা আমি নিজেই জোগাড় করে দেব।”

ছাত্রটির আত্মসম্মানে বৃষ্টি আঘাত লাগিল, তিনি অভিমান ভরে বলিলেন—

“আপনি জোগাড় করে দেবেন? তার মানে? আমার পরিশ্রমের বিনিময়ে কাগজ থেকে যদি আমি টাকা না পাই—অন্য কোনও ভাবে সংগৃহীত কোনও টাকা আমি নিতে যাব কেন?”

দুই একটি কথা বলিয়া সুভাষচন্দ্র কথাটার মোড় ঘুরাইতে বৃথাই চেষ্টা করিলেন। অনেকক্ষণ নিস্তরু থাকার পর বলিলেন—“আজ্ঞা, বিদ্যাপীঠ উঠে গেছে বলে তোমাদের সঙ্গে আমার সম্বন্ধও কি মিটে গেছে? আমি কি তোমাদের কেও নই? আমাকে এমন পর ভাব কেন?”

ছাত্রটি ইহার উত্তরে কি যেন বলিতে যাইতেছিলেন কিন্তু দুঃখে ও অভিমানে আরম্ভ সুভাষচন্দ্রের মুখের দিকে চাহিয়াই তিনি নিরস্ত হইয়া গেলেন।

ছাত্রটি আর কোনও প্রতিবাদ করিলেন না। কাজে লাগিয়া গেলেন।

ছাত্রদের মধ্যে অভাব অভিযোগ থাকিলে তাহা মিটাইতে সুভাষচন্দ্র এত ভালবাসিতেন যে পরের কাছে সেজন্ত হাত পাতিয়া টাকা লইতে তিনি দ্বিধা বোধ করিতেন না। বিদ্যাপীঠ উঠিয়া গিয়াছে ইহা যেন একমাত্র তাঁহারই অপরাধ,—ছাত্রদের স্থিতি করিয়া দিবার দায়িত্ব ও কর্তব্য যেন একমাত্র তাঁহারই—এই চিন্তাতেই তিনি অস্থির হইয়া উঠিতেন।

জলন্ত ভলোরার

বাংলা দেশের জ্যেষ্ঠ আষাঢ় মাস—সারাটি দিন বেজায় গুমোট ! আকাশ মেঘ-ভারাক্রান্ত কিন্তু বর্ষা ঠিক তখনও নামে নাই। মাঝে মাঝে মেঘের আড়ম্বর আছে কিন্তু বর্ষা রীতিমত আরম্ভ হয় নাই—। আকাশের একদিকে খানিকটা কালো মেঘ জমাট হইয়া আছে—দেখিলে আশঙ্কা হয় হয়ত সন্ধ্যা নাগাদ বৃষ্টি নামিতে পারে।

অনেকটা দূর কাঁচা রাস্তা হাঁটিয়া স্মৃতাষচন্দ্র নৌকার চড়িয়া বসিলেন। সঙ্গে কয়েকজন কংগ্রেসকর্মী।

পদ্মা নদীর মাঝি,—বয়স হইয়াছে কিন্তু দেখিলে মনে হয় এখনও বেশ শক্তই আছে ; মুখে অনেক ঝড় ঝাপটার চিহ্ন।

মাঝি বলে—“কর্তা, একটু সবুজ করে গেলে হয়না ?—ছামোর মেঘ।” কর্তাটির সঙ্গে পূর্ব পরিচয় থাকিলে মাঝি কখনই এমন অবাস্তুর প্রশ্ন করিয়া বসিত না।

স্মৃতাষচন্দ্র হাসিয়া উত্তর দেন—“কেনহে, ভয় লাগে নাকি ?”

মাঝি বলে—“না কর্তা, আমাদের কাজইত এই ; তুফানের সঙ্গে লড়াই করে আমরা নদী পার হই, ভয় আমাদের লাগেনা,—ফুড়িই লাগে। তবে আপনারা যাবেন কিনা, তাই। আমার আর কি ?”

স্মৃতাষচন্দ্র বলেন—“তুফান ? বেশ ত ! তুমি নিশ্চয়ই তুফানে নৌকা বেয়েছ ?”

মাঝি উত্তর দেয়—“আজ্ঞে হ্যাঁ, কর্তা !”

“কখনও নৌকাডুবি হয়েছে ?”—জিজ্ঞাসা করেন স্মৃতাষচন্দ্র।

“কম হলেও দু’তিন বার, কর্তা।”—উত্তর দেয় পদ্মা নদীর মাঝি।

—নৌকা তখন কূল ছাড়িয়া অনেক দূর চলিয়া আসিয়াছে।

মাঝি বলে—“একবার,—হেই আল্লা !”—মাঝির মুখ দিয়া আর কথা বাহির হয় না। মাথা নীচু করিয়া সে দাঁড় টানিয়া চলে।

স্মৃতাষচন্দ্র বিস্মিত হইয়া মাঝির মুখের দিকে চাহিয়া থাকেন।

অলস তলোয়ার

মাঝি বলে—“জোয়ান ছেলেটাকে এই পদ্মার বুকেই দিয়েছি কর্তা।”
সুভাষচন্দ্রের চোখ দুইটি আর্দ্র হইয়া আসে। সেই মেঘলা দিনের অস্পষ্ট
আলোকেও সুভাষচন্দ্রের আরক্তিম মুখের বিষণ্ণ ছায়া চোখে পড়ে।

কিছুক্ষণ চুপ করিয়া থাকার পর তিনি প্রসঙ্গান্তরে আসিবার চেষ্টা
করেন।

“যেতে আমাদের কতক্ষণ লাগবে মিত্রা ?” —প্রশ্ন করেন সুভাষচন্দ্র।

মাঝি বলে—“আন্দাজ তিন চার ঘণ্টা।”

“তা’হলে বৃষ্টি নামার আগেই আমরা পৌঁছে যাব ;—কি বল ?”—বলেন
সুভাষচন্দ্র।

মাঝি ততক্ষণে বোধহয় পুত্রবিয়োগের কথাটা ভুলিয়া গিয়াছে। সে
একটু হাসিয়া বলে—“হইযে, গোপালতলীর ঘাট, ওই ঘাটে নেমে যেতে হয়
আমার খণ্ডর বাড়ী।”

নৌকা তখন হেলিয়া তুলিয়া পদ্মা নদীর ধর তরঙ্গের উপর দিয়া ভাসিয়া
চলিয়াছে।—তরঙ্গভঙ্গ তাহাকে না বলা গেলেও ভঙ্গীটা তাহার যে বেশ
শাস্ত একথা বলা যায় না। বড় উঠিলে ঢেউ এর মাতন আরম্ভ হইতে বিলম্ব
ঘটিবে না ইহা বেশ বুঝা যায়।

আরোহীদের একজন জিজ্ঞাসা করে—“মাঝি, তুমি গারি গান জান ?”

“জানতাম বাবু,—কিন্তু বয়স হয়েছে—এখন গলায় আর থৈ পাই না।”—
উত্তর দেয় মাঝি।

মাঝি চুপ করিয়া থাকে, কথা বলে না ; সুভাষচন্দ্রের গম্ভীর চেহারা
দেখিয়া হয়ত সে সমীহ করে। সেটা সুভাষচন্দ্রের দৃষ্টি এড়ায় না।

তিনি বলেন—“লজ্জা কি হে, গাও না ? আমি গান খুব ভালবাসি।”

মাঝি প্রাণে ভরসা পায় ; গলাটা পরিষ্কার করিয়া লইয়া গাহিতে আরম্ভ
করে—

“নদীর মর্ম্ম জানতে হ’লে

গহীন জলে নামতে হয় ;

জলন্ত তলোয়ার

নিতলে তুই ডুববি যদি
তুফানে তোর কিসের ভয় ।
নদী যদি ছুকুল ভাঙ্গে
বান ডাকে তোর মরাগাঙে
দূরের পাল্লা দিতে হ'লে
কভু উজান বাইতে হয় ।”

অবিরাম নৌকা চলিয়াছে । মাঝির গান কখন যে শেষ হইয়া গিয়াছে কাহারও সে খেয়াল নাই । চারিদিক নিস্তর, শুধু শোনা যায়—দাঁড় ফেলার শব্দ—ছপ্, ছপ্, ছপ্ । ঢেউগুলি নৌকার ছইধারে আছড়াইয়া পড়িতেছে— তাহারই শব্দে সৃষ্টি হইতেছে একটি একটানা শব্দ—ছলাৎ ছল—ছলাৎ ছল ।

পিছনের গ্রামগুলি ছোট, দেখিতে দেখিতে ক্রমশঃ আরও ছোট হইয়া নিশ্চিহ্ন হইয়া যায়—বাংলার শ্রামায়মান বনশ্রীতে দিগন্তব্যাপি একটা স্বপ্নের মোহ নামিয়া আসে । নিম্পন্দ দৃষ্টিতে সুভাষচন্দ্র চাহিয়া আছেন সম্মুখের দিকে,—কোথায় তাঁহার লক্ষ্য ? দূরে, বহুদূরে, নদীর পরপারে, গ্রামের সীমারেখা ছাড়াইয়া কোথায় কোন চরম লক্ষ্যের দিকে তাঁহার দৃষ্টি নিবদ্ধ ? প্রসূর-কঠিন নিশ্চল মূর্তি,—দৃষ্টি উদাস—কিন্তু মন যেন উদাসীন নয়—কি যেন তিনি একাগ্রচিত্তে ভাবিতেছেন । এমন যামুঘের সান্নিধ্য লাভ করা সত্যই লোভনীয় । তাঁহার আত্মস্বাতন্ত্র্য ও ব্যক্তিত্বে অভিভূত হইয়া পড়িবার একটা বিশিষ্ট আনন্দ আছে ।

মেঘ তখন বেশ ঘনাইয়া আসিয়াছে । কালো মিশমিশে মেঘের রঙে ফুলিয়া ফুলিয়া উঠিতেছে পদ্মানদীর অগণিত তরঙ্গ মালা ;—‘সাপ খেলান বান্দী’র সম্মুখে অসংখ্য অঙ্গরের মত ।

সুভাষচন্দ্র নৌকার সেই অসহনীয় স্তরুতা ভঙ্গ করিয়া বলিলেন,—

“তোমরা কেও শ্রামাসঙ্গীত জান ?”

সকলের হইয়া একজন উত্তর দিল—“না ।”

“জানলেও তোমরা কেও গাইবে না, সে আমি জানি । এমনি মেঘের আলোড়নের মধ্যে শ্রামা সঙ্গীত খুব ভাল লাগে আমার । তোমরা যখন গাইবে না, তখন আমাকেই গাইতে হ'বে ।”

ছলন্ত ভলোয়ার

গুণ গুণ করিয়া স্তুভাষচন্দ্র গান ধরেন—সকলে বিস্মিত হইয়া পরস্পর পরস্পরের দিকে মুখ চাওয়াচাষি ক'রে। স্তুভাষচন্দ্র ততক্ষণে গান আরম্ভ করিয়া দিয়াছেন—

“কবে আবার নাচবি শ্রামা
মুণ্ডমালা হুলিয়ে গলে,
ওই, কালো মেঘের অন্ধকারে
তোমর হাতের খড়া উঠুক জলে।
মা তোমর ত্রিনয়নের বহুশিখায়
ছাই করে দে মনের কালি,
আমি ভয়ঙ্করে করব না ভয়
তুই, অভয় মন্ত্র দে মা কালী।
ওমা, বারে বারে ডাকব তোমায়
মা হয়ে পালাবি কোথায়
এবার রাঙা জবার অর্ঘ্যমালা
দিব মা তোমর চরণ তলে।”

—নৌকা গ্রামের ঘাটে লাগিতেই দেখা গেল—বহুলোক সেখানে স্তুভাষচন্দ্রের প্রতীকার দাঁড়াইয়া আছে। বন্ধিষু গ্রাম, গ্রামের প্রধান পক্ষেরা এবং জনসাধারণ স্তুভাষচন্দ্রকে সম্বর্ধনা জানাইয়া গ্রামের মধ্যে লইয়া গেলেন।—সন্ধ্যা তখন উত্তীর্ণ হইয়া গিয়াছে। স্তুভাষচন্দ্রের মুখে কিন্তু কোনও কথা নাই।

অবস্থাপন্ন গৃহস্থের আদর অত্যাধিক ও অতিথি সৎকারের আয়োজনের প্রতি ভ্রক্ষেপ না করিয়া একজন দরিদ্র মুসলমান কংগ্রেস কর্মীর আটচালা ঘরে তিনি উপযাচক হইয়া অতিথি হইলেন।

সকালে গ্রাম্যস্কুলের সংলগ্ন মাঠে সভা বসিয়াছে; হিন্দু মুসলমান নির্বিশেষে নরনারী ও শিশু ভীড় করিয়া দাঁড়াইয়াছে—এমনই প্রিয়দর্শন সুবক স্তুভাষচন্দ্র—তাঁহাকে দেখিলে চোখ ফিরাইতে পারা যায় না। এমন ধীর স্থির মিষ্ট কথাও তাহার জীবনে বোধ হয় শুনে নাই। স্কুলের ভাঙ্গা বেঞ্চগুলি সাজাইয়া সভা বসিয়াছে,—সভাপতি স্তুভাষচন্দ্র।—তাঁহার মুখের ভাব দেখিয়া

অলস উলোয়ার

মনে হয় তিনি যেন আজ স্বাধীন ভারতের রাষ্ট্রতন্ত্র রচনা করিতে বসিয়াছেন। অতি সামান্য বস্তুকে সুভাষচন্দ্র এমনি নিষ্ঠা ও অমুরাগের সহিত গ্রহণ করিতেন—অতি ক্ষুদ্র ব্যাপারকেও মহৎ সম্ভাবনার করনায় তিনি এমনি বড় করিয়া দেখিতেন।

গ্রাম সংগঠন, পঞ্চায়েৎ প্রতিষ্ঠা, কুটীর শিল্প উন্নয়ন, স্ত্রীশিক্ষা, ব্যায়াম, স্বাস্থ্যরক্ষা কোনও বিষয়ই তাঁহার বক্তৃতার বাদ পড়িল না।

তাঁহার দীর্ঘ বক্তৃতার সার কথা ভারতের মুক্তির জন্ত অবিরাম আপোষ-হীন সংগ্রামের উদ্বোধন। অজ্ঞাত অখ্যাত পল্লীর ক্ষুদ্র সভায় তিনি সেদিন যে বাণী শুনাইয়াছিলেন—মুক্তি-সংগ্রামের বৃহত্তর পরিবেশেও সেই কথাই বারবার তাঁহার কণ্ঠে ধ্বনিত হইয়াছে।

পূর্ব এশিয়ার ঘুম তাহাতে ভাঙিয়াছিল—ভারতের ঘুমও এতদিনে ভাঙিয়াছে। কিন্তু সেই ঘুম-ভাঙান মন-জাগান যাদুকরের দেখা কি আমরা আর পাইব না ?

রেঙ্গুন সহর হইতে কিছুদূরে সেগুন বনের একধারে অনেকগুলি সমতল জায়গা জুড়িয়া আজাদ হিন্দ বাহিনীর ছাউনী পড়িয়াছে। ঠিক মধ্যস্থলে একটি ক্যাম্প নেতাজী সুভাষচন্দ্রের জন্ত নির্দিষ্ট, কিন্তু তখন সেখানে তিনি নাই। ক্যাম্পের দরজায় দুইজন শাস্ত্রী পাহারা দিতেছে—ক্যাম্পের ঠিক পশ্চাতে আজাদ হিন্দ ফৌজের গোয়েন্দা বিভাগের তাঁবুগুলি এমনভাবে সন্নিবিষ্ট যে হঠাৎ বুঝিবার উপায় নাই যে সেখানে কোনও অফিস আছে, বা লোকজন খাতাপত্র ফাইল লইয়া মনোযোগসহকারে সংগোপনে কাজ করিতেছে। সেই বিরাট ছাউনীর মধ্যে সেদিন যেন লোকজনের তৎপরতা কিছুটা বেশী মনে হইতে লাগিল।

তখন সন্ধ্যা হয় হয়—এখনি ফৌজের ডাইনিং হ'লে খাবারের ঘণ্টা পড়িবে। এমন সময় ছাউনীর মাঝখান দিয়া যে পাকা রাস্তাটি ছাউনী ছাড়াইয়া দূরে বহুদূরে আঁকিয়া বাঁকিয়া চলিয়া গিয়াছে সেই রাস্তা দিয়া—একখানি Weapon Career বা অস্ত্রশস্ত্র-বাহী ট্রাক আসিতেছে মনে হইল।

জলন্ত ভলোয়ার

তাহার সম্মুখে দুইটি সাদা নিশান উড়িতেছে, দেখিলে মনে হয় নিশানগুলি প্রয়োজনের অতিরিক্ত অনেকটা বড়।

ভারী গলায় (কমাণ্ড) আদেশ হইতে শোনা গেল—“সাবধান”—ফৌজদলের মধ্যে সাড়া পড়িয়া গেল; যে যেখানে আছে, position লইয়া ঋড়া হইয়া দাঁড়াইয়া গেল—সকলেই প্রস্তুত। মনের মধ্যে সকলেরই কৌতূহল জাগিয়া উঠিল কিন্তু আজাদ হিন্দ ফৌজের একমাত্র লক্ষ্য ভারতবর্ষের মুক্তি—সেখানে নিয়মানুবর্তিতা ও শৃঙ্খলার কড়া শাসনে আকস্মিক ঘটনাও প্রত্যেকের ধাতস্থ হইয়া গিয়াছে। ধীরে ধীরে ট্রাকখানি একেবারে ছাউনীর মাঝখানে আসিয়া দাঁড়াইয়া গেল—সেনাদলের মধ্যে কয়েকজন বড় বড় অফিসার কাছে আসিতেই, দুইজন ব্রিটিশ সামরিক পোষাকপরা ‘অফিসার’ অভিবাদন করিয়া হাত তুলিয়া দাঁড়াইল। দেখা গেল তাহারা নিরস্ত।

ততক্ষণ নেতাজী হাসপাতালের সুর্যবস্থা চোখের সম্মুখে পাকাপাকি দেখিয়া নিজের ক্যাম্পে ফিরিয়া আসিয়াছেন।

ব্রিটিশ মৈত্র বাহিনীর অফিসার দুইটির সঙ্গে আজাদ হিন্দের অফিসারদের কথা হইবার পর—নেতাজীর সেক্রেটারীর কাছে টেলিফোন করা হইল। তিনি অফিসার দুটিকে নেতাজীর ক্যাম্পে লইয়া আসিবার নির্দেশ দিলেন।

“জয় হিন্দ” বলিয়া নেতাজীর সম্মুখে অফিসার দুইটি অভিবাদন করিয়া দাঁড়াইল—! নেতাজী প্রত্যাভিবাদন করিলেন।... ক্যাপ্টেন বলিল—“আমরা অসুতপ্ত, ব্রিটিশ সেনা বাহিনীর আমি একজন ক্যাপ্টেন—ইনিও ক্যাপ্টেন কিন্তু সামরিক হাসপাতালের ডাক্তার। আমরা ভারতের মুক্তি সংগ্রামে নিজেদেরকে উৎসর্গ করিতে চাই। আপনি আমাদের পূর্ব অপরাধের ক্ষমা করিয়া যদি আশ্রয় দেন—আমরা কৃতার্থ হই।”

আবার তাহারা অভিবাদন করিয়া attention হইয়া দাঁড়াইল।

নেতাজী স্তম্ভাচক্ষু তাহাদের দিকে একবার তীক্ষ্ণ দৃষ্টি হানিয়া মূহূহাস্ত করিলেন; তাহার পর বলিলেন—

“Are you serious?—really repentant of what you have so far done? This is not a child’s play—here, you won’t

অলস তমোরার

get what you used to get in the British Army. Hunger, privation, trials and tribulation are what I can offer you. Are you prepared to accept them ? You wo'nt mind them, I believe, if you mean what you say."

অর্থাৎ : একথা কি সত্য ? সত্যই কি তোমরা যাহা করিয়াছ তাহার জন্ত অল্পতপ্ত ? এটা ছেলেখেলা নয়—আগে ব্রিটিশ বাহিনীতে যেরূপ স্মৃৎ সুবিধা পাইয়া আসিয়াছ—এখানে তাহা পাইবে না। ক্ষুধা, সর্ব্বকমের ত্যাগ স্বীকার, নানা রকম পরীক্ষা, দুঃখ কষ্ট—ছাড়া এখানে অল্প কিছু নাই। প্রস্তুত আছ ? যাহা বলিতেছ তাহা যদি সত্য হয়, তাহা হইলে আমার বিশ্বাস এ সকলে তোমাদের কিছু যাইবে আসিবে না।

"Yes Sir"—হাঁ মহাশয়—তুই জনেই একই সঙ্গে এই কথা বলিয়া—সামরিক কায়দায় দাঁড়াইয়া থাকিল।

নেতাজী বলিলেন—“তথাস্তু।”

ব্রিটিশ সেনা বাহিনীতে তাহাদের যে পদবী ছিল—তাহারা তাহার নিদর্শন দেখাইল। “আর্মি বুলেটিনে” ব্রিটিশ সৈন্যাধ্যক্ষের স্বাক্ষরিত ঘোষনার প্রকাশ পাইল যে উক্ত দুইজন অফিসার (deserter) দলত্যাগী, বিশ্বাস ঘাতক (traitor) ; তাহাদিগকে ধরিয়া দিতে পারিলে একটা মোটা রকমের পুরস্কারের প্রলোভনও তাহাতে দেখান হইয়াছে—এবং সে কাগজ যে-কোনও ভাবেই হউক আজাদ হিন্দ বাহিনীর দপ্তরে নথিভুক্ত হইয়া গেল।

অফিসার দুইজন ব্রিটিশ সেনা বাহিনী হইতে বহু কষ্টে অর্জিত পদবী হইতে বঞ্চিত হইল না—সামরিক কাজ কর্ত্তের যে ভার তাহাদের উপর অর্পিত হইল তাহাও দায়িত্বপূর্ণ।

কিন্তু গোয়েন্দা বিভাগের কড়া নজর রছিল এই দুই অফিসারের উপর। নেতাজী নিজে তাহাদের গতিবিধি সন্দেহের চোখে দেখিতেন কিনা তাহা কেহ জানিল না,—তবে প্রচলিত নিয়ম কানুন অনুসারে তাহাদের উপর কড়া নজর রাখিল আজাদ হিন্দ ফৌজের গুপ্ত পুলিশ বিভাগ। এইভাবে পক্ষকাল চলিল।

অলস ভলোয়ার

আগে হইতে সাক্ষাৎকারের কথা না জানাইলে এবং অনুমতি না পাইলে সর্বাধিনায়কের সহিত দেখা করিবার রীতি নাই। এ নিয়ম সাধারণ সৈনিক হইতে আরম্ভ করিয়া উচ্চ পদস্থ সেনা-নায়কের মধ্যে কাহারও অজ্ঞাত থাকিবার কথা নহে। কিন্তু সেদিন তাহার ব্যতিক্রম ঘটিতে দেখা গেল।

সে দিন অপরাহ্ন পাঁচটার সময় হইতে আকাশে অন্ন অন্ন মেঘ দেখা দিয়াছে। বিছুক্ষণের মধ্যে এক পশলা বৃষ্টিও হইয়া গেল।

আজাদ হিন্দ বাহিনীর ছাউনী তখন রেঙ্গুন সহরের উপরূথে কিছুদিনের মত কায়েমী হইয়া বসিয়াছে। একটি দ্বিতল গৃহের একতলায় সর্বাধিনায়ক সুভাষচন্দ্রের কেন্দ্রীয় সামরিক দপ্তর—উপরের তলায় তিনি নিজে থাকেন। একটি সুরহৎ হল ঘরের দেওয়ালে অসংখ্য মানচিত্র টাঙান,—বিশ পঁচিশটি কার্টের আলমারী সামরিক বিজ্ঞানের পুস্তকে ভরা। শয়ন কক্ষে একখানি খাটিয়া,—অতি সামান্য বিছানাপত্র; আর একখানি পোষাক পরিবার ঘর। ড্রয়িং রুম বা সাক্ষাৎকারের জঞ্জ নির্দিষ্ট ঘর নীচের তলায়।

নেতাজী তখন চা পানের পর অত্যন্ত মনোযোগ সহকারে একখানি বৃহদাকার পুস্তকের পাতা উন্টাইতেছেন আর মাঝে মাঝে দেওয়ালে টাঙান একখানি মানচিত্রের প্রতি দৃষ্টিনিক্ষেপ করিতেছেন।

অতি সম্বমে হয়তবা ভয়ে ভয়ে তাঁহার সেক্রেটারি ঘরে প্রবেশ করিয়া দাঁড়াইলেন, অচ্যমনস্ক ভাবে একটি সিগারেট ধরাইয়া নেতাজী সুভাষচন্দ্র তাঁহার দিকে মুখ তুলিয়া চাহিলেন।

সেক্রেটারি বলিলেন—“ব্রিটিশ সেনাবাহিনী হইতে আগত সেই ক্যাপ্টেন হইজন আপনার সহিত দেখা করিতে চান—”

অবিচলিত ভাবে নেতাজী উত্তর দিলেন—“ইহাত’ আমার সাক্ষাৎকারের সময় নয়।”

সেক্রেটারী : “তাহারা নাছোড়বান্দা—নেতাজীর সহিত তাহারা দেখা না করিয়া নড়িবে না।”

নেতাজী : “তাহারা কি নিয়ম কানুন জানে না ?”

সেক্রেটারী মথ্য নীচু করিয়া দাঁড়াইয়া রহিল।

জলন্ত তলোয়ার

নেতাজী : “আচ্ছা, আমি দেখা করিব। তাহাদের মতলব আমি বুঝিয়াছি। কিন্তু অবিলম্বে এর যবনিকাপাত হওয়া দরকার।”

সেক্রেটারী : “সশস্ত্র শাস্ত্রী গুপ্তভাবে অন্তরালে অবস্থান করিতেছে—বসিবার ঘরের প্রত্যেক জানালা দরজার আড়ালে।”

নেতাজী সে কথার কোনও জবাব দিলেন না। ঘরের মধ্যে খানিকক্ষণ পায়চারী করিয়া পোষাকের ঘরে গিয়া আপদমস্তক সামরিক পোষাকে সজ্জিত হইলেন। দুই পকেটে দুইটি গুলিভরা রিভলবার লইয়া অতি ক্ষিপ্ৰপদে তিনি সিঁড়ি দিয়া নামিয়া গেলেন।

ব্রিটিশ গভর্ণমেন্টের কদমে পুষ্ট অফিসার দুইটি যেন সারা ভারতবর্ষের লজ্জা ও কলঙ্কের বোঝা মাথায় করিয়া দাঁড়াইয়া আছে। দূরে দাঁড়াইয়া সেক্রেটারি, একজন গুপ্ত পুলিশ অফিসারকে তিনি বলিতেছেন যে এতদিন তিনি নেতাজীর কাছে কাছে আছেন কিন্তু এমন রুদ্র মূর্তি কোনওদিন তাঁহার চোখে পড়ে নাই এবং মূর্ত্তের মধ্যে তাঁহার চেহারার এমন ভয়াবহ পরিবর্তনও কোনওদিন তিনি লক্ষ্য করেন নাই।

নেতাজী ঘরে প্রবেশ করিতে করিতে বলিলেন—Sit down—“বস”—তাহারা অভিবাদন করিল—কিন্তু বসিল না। নেতাজী একবার তীক্ষ্ণ দৃষ্টিতে তাহাদের দিকে চাহিতেই তাহারা চোখ নামাইল।

গম্ভীর স্বরে নেতাজী বলিলেন—“কি বলিতে চাও—বল ?”

...ক্যাপ্টেন বলিল—“আপনার সৈন্যবাহিনীতে যেভাবে কাজকর্ম চলিতেছে তাহাতে মনে হয় আপনারা আপনার সঙ্গ সহযোগিতা করিয়া তাহাদের কাছে আমাদের মাতৃভূমি ভারতবর্ষকে বিলাইয়া দিতে চান।”

সব জানিয়া শুনিয়াও নেতাজী যেন এই কথা শুনিবার জগু প্রস্তুত ছিলেন না। তাঁহার সারা মুখে কে যেন খানিকটা তাজা রক্ত ছিটাইয়া দিল—মনে হইল তাঁহার দুইটি চোখ হইতে যেন রক্ত বিন্দু ঝরিয়া পড়িতেছে।

তিনি দৃপ্তকণ্ঠে জিজ্ঞাসা করিলেন—“তারপর ?”

...ক্যাপ্টেন বলিল—“যে আশা লইয়া আমরা এখানে আসিয়াছিলাম সে আশা আমাদের ব্যর্থ হইয়াছে, তাহা ছাড়া আপনার গুপ্তচর বিভাগ আমাদের উপর কড়া নজর রাখিয়াছে,—লজ্জার কথা !

অলস ভলোয়ার

নেতাজী গম্ভীরভাবে উত্তর করিলেন—

“তাহা আমি জানি। কিন্তু তুমি বারবার তোমার ডান দিকের পকেটে হাত দিতেছ কেন? তুমি কি জান না যে সর্বাধিনায়কের সঙ্গে দেখা করিবার সময় নিরস্ত হইয়া আসিতে হয়? আগে তোমার পকেটের রিভলভার আমার টেবিলের উপর রাখ—তাহারপর অন্তকথা।” ক্যাপ্টেন ধতমত ধাইয়া গেল।

দুই পকেট হইতে দুইটি রিভলভার বাহির করিয়া সে নেতাজীর সম্মুখে রাখিয়া দিল। তাহারপর আবার বলিল—“কিন্তু আপনার কার্যকলাপ ভারতবর্ষের কল্যাণের পরিপন্থী।”

নেতাজীর কণ্ঠস্বর অতি ধীর ও গম্ভীর হইয়া আসিল; তিনি বলিলেন—

“ওঃ! সেইজন্যই কি তোমরা আমাকে হত্যা করিতে আসিয়াছ? আচ্ছা বেশ, এই নাও আমার নিজের রিভলভার, আমাকে গুলী কর। তোমাদের অভিসন্ধি আমি সন্দেহ করিয়াছিলাম কিন্তু যদি শুধরাইয়া যাও এই আশায় তোমাদের স্থান দিয়াছিলাম—তাহার প্রতিশোধ লও।”

নেতাজীর কণ্ঠে এবার বজ্রগর্জন শুনা গেল—“কাপুরুষ! বিশ্বাসঘাতক” (“Coward, Traitor”)।

বীর পুঙ্গব দুইটি তখন ভয়ে কাঁপিতেছে—হাত জোড় করিয়া বলিল “নেতাজী আমাদের ক্ষমা করুন। আমরা অপরাধ স্বীকার করিতেছি।”

নেতাজী তৎক্ষণাৎ “সুইসাইড স্কোয়াড্” বা আত্মঘাতী বাহিনীর একজন উচ্চপদস্থ অফিসারকে ডাকিয়া অতি সাধারণ পোষাক পরাইয়া তাহাদিগকে অবিলম্বে—বন্দী সীমান্ত ছাড়াইয়া দিবার আদেশ দিলেন।

তাহারা নতজানু হইয়া আবার ক্ষমা ভিক্ষা করিল। নেতাজী ক্ষমা করিলেন।

ডাক্তার ভদ্রলোক হাসপাতালে হুস্বের সেবার আত্মনিয়োগ করিলেন। কিছুদিন পরেই ব্রিটিশ বহুরের আক্রোশে প্লিটটেকের কাছে মৃত্যু বরণ করিয়া তিনি বিশ্বাসঘাতকার প্রায়শ্চিত্ত করিলেন কিন্তু আর একজন,—যে বীরপুঙ্গবটি নেতাজীকে হত্যা করিতে গিয়াছিল—তাহার বিশ্বাসঘাতকতা ইক্ষালের কর্দমাক্ত পথে জাতির ছরপনের কলঙ্ক হইয়াই রহিয়া গেল।

অলপ্ত ভলোয়ার

সেদিন সন্ধ্যার পর রেঞ্জনের উপকণ্ঠে আজাদ হিন্দ বাহিনীর ছাউনির উপর অতর্কিতে ব্রিটিশ বন্যারের অজস্র বোঝা বর্ষণ হইয়া গেল। হতাহতের সংখ্যার অবধি নাই। কাহারও নাকের ডগাটা নাই, কাহারও হাত নাই, কাহারও পায়ের নীচের দিকটা নাই, কাহারও বুক গভীর ক্ষত,—এক একজনের বীভৎস চেহারা দেখিলে ভয় হয়—করুণা হয়—দেশের মুক্তি কামনায় ইহাদের এই অমানুষিক যজ্ঞা যেন অপরের বুক চাপিয়া ধরে। রাত্রি দ্বিপ্রহর পর্যন্ত এম্বুলেন্স কোরের ব্যস্ততা, চারিদিকে যজ্ঞার মর্মান্তিকী চিৎকার, যাহারা অক্ষত আছে, বাঁচিয়া আছে, তাহাদের মুখে কথা নাই—বাস্পীরানী বাহিনীর মেয়েদের চোখে জল, চাপা দীর্ঘনিঃশ্বাসের সঙ্গে ছাউনিময় একটা অক্ষুট কাতরতা সেদিনের রাত্রির অন্ধকারে অসহ্য মনে হইতে লাগিল।

নেতাজী স্মৃতাষচক্র হাসপাতালে প্রত্যেক আহতদের নিকটে গিয়া দেখাশুনা করিতেছেন। ডাক্তারেরা তটস্থ,—তটস্থ আরও এই জন্ত যে কোথায় আঘাত লাগিলে কি ভাবে ব্যাণ্ডেজ করিতে হয়—কি রকম “শক” (Shock) লাগিলে কোন ঔষধ বা ইনজেকসন দিতে হয়—কেমন করিয়া শোয়াইয়া রাখিতে হয়, কেমন করিয়া শুশ্রূষা করিতে হয় তাহা পুঙ্খানুপুঙ্খ রূপে জানা ছিল নেতাজীর। ভুল করিলে ভৎসনার অবধি থাকে না।

একজন আহতের পাশে দাঁড়াইয়া আছেন নেতাজী,—ডাক্তার ব্যাণ্ডেজ করিয়া দিতেছে—নাস সাহায্য করিতেছে। চারিদিকের আর্ন্তধ্বনিতে কান পাতা যায় না।

বহিঃ হইয়া যাওয়ার পরই—শত্রুর সৈন্য সমাবেশের কিছুটা ইঙ্গিত পাওয়া গেল, তৎক্ষণাৎ অগ্রগামী সৈন্যবাহিনীর কাছে বেতারবার্তা পাঠাইতে হইবে—নূতন করিয়া ‘ট্রুপমুভমেন্ট’ বা সৈন্য বাহিনীর অগ্রসর হইবার আদেশ পাঠাইতে হইবে। আজাদহিন্দ বাহিনীর সর্বাধিনায়কের স্বাক্ষর ইহাতে প্রয়োজন। কিন্তু তাঁহার নির্দেশ ছিল, যখন তিনি হাসপাতাল পরিদর্শনে ব্যস্ত থাকিবেন, তখন কেহ তাঁহার কাছে অল্প কাজ শইয়া যাইতে পারিবে না। কাজেই কেহ কাছে আগাইতে সাহস করে না। কর্ণেল কিয়ানী বলেন,—“দেবনাথ তুমি যাও” দেবনাথ দাস বলেন “এ দায়িত্ব তোমার, তুমি যাও—”। অবশেষে দেবনাথ দাসকেই নেতাজীর সন্মুখীন হইতে হইল।

অলঙ্কার

দেবনাথ দাস “জয়হিন্দ” বলিয়া সামরিক কামদায় নেতাজীর সম্মুখে দাঁড়াইতেই গম্ভীর ভাবে নেতাজী বলিলেন—“কী ?”

দেবনাথ দাস বিষয়টি বুঝাইতে যাইবেন—এমন সময় নেতাজী তাঁহার হাত হইতে ফাইল লইয়া মেঝের উপর ছুড়িয়া ফেলিয়া দিলেন।—বলিলেন,—“দেখছ না—মানুষ মরছে, যন্ত্রণায় ছটফট করছে—এখন কি তোমার ফাইল সই করার সময় ? মানুষই যদি মরে গেল—কাদের জন্ত ভারতের স্বাধীনতা।”

নেতাজীর দুই চক্ষু ভরা জল। দেবনাথ দাস ফাইল গুটাইয়া লইয়া কিয়ানীর লহিত বাহিরে আসিয়া অপেক্ষা করিতে লাগিলেন। হাসপাতাল পরিদর্শন শেষ করিয়া প্রায় আধঘণ্টা পরে নেতাজী বাহিরে আসিলেন।

স্থির ভাবে তাহাদের দিকে তাকাইয়া নেতাজী বলিলেন—“দেবনাথ, মনে কিছু করোনা—আজ আমার মত দুঃখী কে ? আমার সৈন্যদের এত কষ্ট, এমন যন্ত্রণা আমি আর দেখতে পারি না। দাও, কি কাগজ পত্র আছে, সই করে দিই।”

সই সাবুদ হইয়া গেল—নেতাজী ধীরপদবিক্ষেপে নিজের ক্যাম্পে ফিরিয়া গেলেন। কিন্তু সর্বাধিনায়কের দৃঢ় মনে সেদিন যে নিদারুণ দুঃখ ও সমবেদনা জাগিয়াছিল—তাহা আহত বেদনাতুর মানুষের জন্ত। মানুষ সুভাষচন্দ্র হয়ত সেদিন তাঁহার একান্ত দুর্লভ দুই তিন ঘণ্টা নিদ্রার সময়ও সেই আহত বেদনা-কাতর অসংখ্য মুক্তি ফৌজের স্বপ্নে বারবার জাগিয়া উঠিয়াছেন, দীর্ঘনিশ্বাস ফেলিয়াছেন, হয়ত বা ক্যাম্পের স্বল্প পরিসর বারান্দায় পায়চারী করিয়া সারারাত্রি কাটাঁইয়া দিয়াছেন। সামরিক সাজপোষাকের নীচের সুভাষচন্দ্রের যে দরদী মনটি তাঁহাকে বারবার পূর্ব এসিয়ার রণাঙ্গনে অধীর করিয়া তুলিত তাহার পরিচয় আজ কয়জনই বা রাখে ?

দূর হইতে মনে হইল পথ-চলতি ভিখারী।—সুরেন্দ্রনাথ ব্যানার্জি রোড দিয়া যাইতেছি স্বর্গীয় কিরণ শঙ্কর রায়ের বাড়ীতে—ইউরোপিয়ান এসাইলাম লেনে ;—সাত আট বছর আগেকার কথা। কাছে আসিয়া চেহারা দেখিয়া মনে হইল, পরণ পরিচ্ছদের অপরিচ্ছন্নতা ও দীনতার পিছনে ইতিহাস আছে।

জলন্ত ভলোয়ার

খুব চেনা-চেনা মনে হইল মুখখানা—কিন্তু দাড়ি গোঁফে ও রুম্ম চুলে এমন দেখিতে হইয়াছে যে সাহস করিয়া কিছু বলিতে ভরসা পাইলাম না—কিন্তু দাঁড়াইয়া গেলাম সেখানে। আমার মুখের দিকে ফ্যাল ফ্যাল করিয়া তাকাইয়া ভদ্রলোক বলিলেন—“সাবিত্রীবাবু না ?”—উত্তরের অপেক্ষা না করিয়াই আবার বলিলেন—“মিছিল দেখতে যাচ্ছেন ? এইদিক দিয়েই আসবে,—না ?” বলিলাম—“কিসের মিছিল ?—আমি ত জানিনা কিছু—কিরণ বাবুর বাড়ী যাচ্ছি।”—“যান যান,—তাকে শুদ্ধ নিয়ে মৌলানীর মোড়ে দাঁড়ালেই দেখতে পাবেন।—দেশবন্ধুর মৃতদেহ দার্জিলিং থেকে এসে পৌঁছে গেছে,—এই পথ দিয়েই যাবে। কিন্তু সুভাষ বাবু মান্দালয় জেলে—এ মিছিল কেইবা নিয়ে যাবে কেওড়া তলায়—। সুভাষের জেলই দেশবন্ধুর কাল হোল। হবে না ?—সুভাষ যে তাঁর চোখের মণি। যা চেয়েছিলেন ঠিক তেমনই পেয়েছিলেন ;—সুভাষ, সুভাষ ! নাম করতেই যেন বুকটা কেমন করে ওঠে।” সেকি ? সেত অনেক দিনের কথা,—ভাবিলাম, বোধহয় মাথার গোলমাল হইয়াছে। গলার আওয়াজ শুনিয়া মনে হইল ফরিদপুর সাতাশী স্ত্রী সংঘের প্রধান উদ্বোধনা, বাংলা দেশের একজন একনিষ্ঠ কংগ্রেস কর্মী, দেশবন্ধুর পাশে পাশে ঘুরিতেন ভদ্রলোক, দেখিয়াছি।—নামটা মনে হয় রজনী বাবু। বলিলাম, “চলুন, কিরণ বাবুর বাড়ী—?” মাথাটা নীচু করিয়া ভদ্রলোক উত্তর দিলেন—“সময় কৈ ? ৫০টি চরকা কেনা হয়েছে—মায়েরা সব আসবেন—সন্ধ্যাবেলা ; আমার কি না থাকলে চলে ?” জিজ্ঞাসা করিলাম, “কোথায় থাকেন ?”—কথার কোনও উত্তর না দিয়াই টুপিওয়ালাদের গলি দিয়া ধর্মতলার দিকে চলিয়া গেলেন ভদ্রলোক—একদৃষ্টিতে চাহিয়া থাকিলাম সেইদিকে—নির্ঝান-উন্মুখ প্রাণ-বহি—এখনও উত্তাপ আছে—কিন্তু শিখা নাই, অগ্নি কোনও স্পষ্ট অমুভূতিও নাই, আছে শুধু সুভাষচন্দ্র ও দেশবন্ধুর প্রতি অন্তরের প্রাণঢালা ভালবাসা। মনটা খারাপ হইয়া গেল—সে দিন আর কিরণ বাবুর বাড়ী যাওয়া হইলনা।

জেল খাটিয়া খাটিয়া অস্তিচর্গ অবসার হইয়া নারায়ণ বাবু কলিকাতায় আসিলেন নদীয়া জেলায় কোনও এক পল্লী গ্রাম হইতে। মুড়াগাছার

অলস ভলোয়ার

চণ্ডীপ্রসাদ মুখার্জির সঙ্গে পরিচয় হইল তাঁহার মিশন রোএর অফিসে।—
অন্নাত্যাব, বজ্রাত্যাব, আশ্রয়েরও অভাব কিন্তু নিছক সাহায্য তিনি কিছুতেই
লইবেন না কাহারও কাছ হইতে—পরিশ্রমের বিনিময়ে যদি হয়, সে টাকা
তিনি হইতে পারেন—। চণ্ডীবাবু ঠিক করিলেন অফিসের স্টেনোগ্রাফারী ভদ্রলোক
কিনিয়া দিবেন,—কিনিতে তাঁহাদেরত হয়ই—কষ্ট করিয়া বাজার হইতে
লইয়া আসার জন্ত শতকরা ২০ টাকা তাঁহাকে লইতেই হইবে। এমনি আর
ছ'একটি অফিস ঠিক করিয়া দিলেন চণ্ডীবাবু; চলিতে লাগিল নারায়ণ বাবুর
খাওয়া পরা থাকা, আটপৌরে রকমের। বস্তীর পাশে টিনের একখানা ঘর—
সেখানেই থাকেন নারায়ণবাবু—। যেখানেই তিনি যান—কংগ্রেসের
কথা উঠিলে, বিশেষ করিয়া স্তম্ভাচন্দ্রের প্রসঙ্গ উঠলে কোটরগত নিশ্চিন্ত
চোখ দুইটি তাঁহার জল জল করিয়া উঠে,—ক্ষুধাভূষণ যেন ভুলিয়া যান, ভুলিয়া
যান তিনি একজন সামান্য অর্ডার সাপ্লায়ার। কিছু দিন পরে জানিতে
পারা গেল তাঁহাকে কাল রোগে ধরিয়াছে;—নারায়ণ বাবুর যক্ষ্মা হইয়াছে।
চণ্ডীবাবু সেই টিনের ঘরে গিয়া দেখিলেন যে ভদ্রলোকের কোনও চিকিৎসা
নাই, পথ্য নাই একরকম উপবাসেই আছেন—নিজের রোগ সম্পর্কে
যেন কোনও খেয়ালই নাই; যেন এমনিই হয়। সহ করিবার অভ্যাস
যেন তাঁহার রপ্ত হইয়া গিয়াছে। অর্থ সাহায্য করিবেন বলিয়া
স্থির করিয়াই গিয়াছিলেন চণ্ডীবাবু কিন্তু নারায়ণবাবু হাসিয়া বলিলেন—
“না ভাই, সে আমি পারব না;—হাসপাতালে যেতে হ'লে বাড়ীতে ডাক্তার
ডেকে অন্তত: ছ'চারটা ভিজিট দেওয়া দরকার, তাও আমি পারব না,—
ইচ্ছাও নাই; প্রদীপ নিবতে চলেছে, নিবতে দাও—”হঠাৎ জিজ্ঞাসা করেন
নারায়ণ বাবু—“আচ্ছা ভাই, স্তম্ভাচন্দ্র বাবু বেঁচে আছেন—? যদি জানো,
বল,—আমি কাউকে বলব না—। একমাত্র আশা ছিল তাঁরই উপর;—
একদিন না একদিন তিনি আসবেনই।” আগ্রহে ও উদ্বেজনে তাঁহার কণ্ঠস্বর
কানিয়া উঠিল, দীর্ঘ নিশ্বাস ফেলিয়া বলিলেন,—“তাহ'লে তিনি বেঁচে নেই?”
মনে হইল যেন নারায়ণ বাবুর নিজের বাঁচা মরা আজ সম্পূর্ণ নির্ভর
করিতেছে স্তম্ভাচন্দ্রের উপর—“যদি তিনি আসতেন।” আর কথা বলেন
না নারায়ণ বাবু—মলিন শয্যায় পাশ ফিরিয়া শুইয়া থাকেন;— হয়ত বা

অলস ভলোয়ার

অনন্তকাল ধরিয়াই শূভাচন্দ্রের প্রতীক্ষায়। খানিকক্ষণ শুরু হইয়া দাঁড়াইয়া থাকিয়া চণ্ডীবাবু ফিরিয়া আসেন নিজের অফিসে,—তাবেন, কতখানি ভরসা ভদ্রলোকের শূভাচন্দ্রের উপর,—কি গভীর নির্ভরতা—তিনি আসিলে যেন ভদ্রলোক বাঁচিয়া যাইতেন।

সম্প্রতি মৃত্যু হইয়াছে নারায়ণ বাবুর। নির্ঝাঁকব আত্মীয়-স্বজন-পরিত্যক্ত একটি দেশ-সেবকের তিলে তিলে এইভাবে ফুরাইয়া যাইবার পিছনে ওই একই মর্শাস্তিক ইতিহাস। কিন্তু কেউ জানিতেও পারিবে না সে কথা।

কলিকাতা সেক্রেটারিয়েটের সম্মুখে দরজার কাছে ময়লা ছেঁড়া কাপড় ও পাজীবী পরা একটি লোককে কিছুদিন আগেও দেখা যাইত ;—মাথার চুল লম্বা ও কটা, জট পাকাইয়া আসিতেছে—গালভরা দাড়ী গৌফ, চোখ-মুখ টিকলো, উন্নত নাসা, দেখিলে সম্মুখ জাগে মনে। সেই ছুরবস্থার ফাঁকে ফাঁকে উঁকি দেয় আভিজাত্যের চিহ্ন।—বাড়ীর দিকে চাহিয়া দেখেন ভদ্রলোক আর মৃদু মৃদু হাসেন। ইংরেজি পোষাক-পরা একটি প্রিয়দর্শন যুবক সেক্রেটারিয়েটে প্রবেশ করিবার পথে সেই ভদ্রলোকের দিকে একবার তাকাইয়াই একটু থামেন কিন্তু পলক্ষণেই ক্রম পদে চলিয়া যান সেক্রেটারিয়েটের মধ্যে।

কাজ-কর্ম শেষ করিয়া কয়েক ঘণ্টা পরে আসিয়া যুবকটি দেখিলেন—সেই আধ-পাগলা ভদ্রলোকটি শুধনও ঠিক তেমনি ভাবেই চাহিয়া আছেন সেক্রেটারিয়েটের লাল বাড়ীটার দিকে—। ভাল করিয়া একবার দেখিয়া লইয়া ঠাট্টা চিনিতে পারেন যুবকটি,—কাছে আসিয়ে বলেন—“কি দাদা, চিনতে পারেন?” হাঃ হাঃ করিয়া হাসিয়া উঠিয়া উত্তর দেন তিনি—“তা আর পারি না রে—কিন্তু যে রকম সাহেব সেজেছিল। চণ্ডীবাবু, তোকে ডাকতে ভরসাই পেলাম না।”—“এখানে দাঁড়িয়ে কি দেখছেন আপনি?”—জিজ্ঞাসা করেন চণ্ডীবাবু—; উত্তর দেন ভদ্রলোক অঙ্গভঙ্গী করিয়া—“বাহার দেখছি রে, বাহার!”—“কোথায় যাবেন? আশুন আমার গাড়ীতে, নামিয়ে দিবে যাবখন।”—কথা শুনিয়াই হঠাৎ উত্তেজিত হইয়া উঠেন ভদ্রলোক—“না না, না—কারো মোটরে আমি চড়ি না।”—খানিকক্ষণ চুপ করিয়া থাকিয়া

জলন্ত ভলোয়ার

আশ্বে আশ্বে বলেন ভদ্রলোক—“সুভাষ ফিরে এলে তা'র মোটরে চ'ড়ে একবার ইন্সপেকসনে বের হ'ব। তুই জানিস, সুভাষ বেঁচে আছে কি না? মরেচে—মরেচে—ঠিক মরেচে—সাবার সময় একলা চলে গেল,—হতভাগা!” বলিয়াই ভদ্রলোক কাঁদিয়া ফেলিলেন। হাত ধরিয়া গাড়ীর কাছে টানিয়া লইয়া যাইবেন চণ্ডীবাবু—“খ্যাত”—বলিয়া হাত ছাড়াইয়া চোট পায়ে চলিয়া যান ভদ্রলোকটি ডালহাউসি স্কোয়ারের দিকে। সে চলার ধরণ দেখিয়া মনে হয়—তিনি অপ্রকৃতিস্থ।

সিঙ্গাপুর পতনের পর জাহাজ হইতে নামিয়াই হুকুম হইল ব্রিটিশ সিপাহীদের উপর—আজাদহিন্দ বাহিনীর তিরিশ হাজার শহীদের রক্তে গড়া শহীদ-স্তুভ চূর্ণ-বিচূর্ণ করিয়া দিতে হইবে। পঞ্চাশ জন সৈন্যের মধ্যে আট জন ‘সাপাস’;—তারা মাদ্রাজী, গাঁইতি সাবল ধ'রে, তাহারা ই ভাঙিবে সেই আত্মত্যাগের মহিমায় পবিত্র শহীদ স্তুভ?—যাহার বেদীমূলে প্রথম গুল ফুলের স্তবক সাজাইয়া দিয়া আজাদহিন্দ বাহিনীর সর্বাধিনায়ক নেতাজী সুভাষ সামরিক অভিবাদন জানাইয়াছিলেন? সেদিন যাহুয সুভাষচন্দ্রের অন্তর মথিত করিয়া যে অশ্রুধারা সিঙ্গাপুরের মাটি পবিত্র করিয়াছিল সে অশ্রু হয়ত তখন শুকাইয়া গিয়াছে কিন্তু শহীদের রক্তের দাগ তখনও পর্য্যন্ত লাল হইয়া আছে পূর্ব এশিয়ার সময় ক্ষেত্রে।—সেই পবিত্র স্মৃতিস্তুভ ভাঙিয়া দিবার নিষ্ঠুর আদেশ পালন করিতে অস্বীকার করিল ব্রিটিশের অশিক্ষিত মাদ্রাজী ‘সাপাস’,—তাহারা নেতাজীকে চোখে দেখে নাই, শুনিয়াছিল হয়ত তাঁহার অপূর্ব কাহিনী,—হয়ত শুনিয়াছিল, তাহাদেরই দেশের সহস্র সহস্র সন্তান—ভারতবর্ষকে স্বাধীন করিবার দুঃসাহসিক অভিযানে এশিয়ার পূর্ব দিগন্তে অকাতরে প্রাণ বিসর্জন দিয়াছে। হউক তাহারা ব্রিটিশ সরকারের বেতনভোগী সামান্য সৈনিক, তবু তাহারা ভারতীয়—সেই শহীদ স্তুভের সম্মুখে দাঁড়াইয়া যুদ্ধের মধ্যে তাহারা দৃঢ়প্রতীক হইল—এ হুকুম তাহারা কিছুতেই পালন করিবে না। ভারতীয় সন্তানদের স্মৃতি-স্তুভে আঘাত করিবে না বলিয়া, তাহারা বাঁকিয়া দাঁড়াইল—। ব্রিটিশ এবং আমেরিকান

জলন্ত তলোয়ার

‘টমির’ (সৈন্য) দল—সে নিষ্ঠুর কাজ শেষ করিল বিধাহীন চিত্তে । কিন্তু আট জন মাদ্রাজী সাপাস-এর কোর্ট মার্শাল হইল ‘কাজীর’ বিচারে । কিন্তু তাহাদের মন কিছুমাত্র বিচলিত হইল না, হাসি মুখে মৃত্যুবরণ করিয়া লইল তাহারা বীরের মত ।

ব্রিটিশ ‘ডেসপাচে’ তাহাদের নাম লেখা থাকিবে না—হয়ত বিশ্বাস-ঘাতকতা বা অবাধ্যতার অপরাধের কলঙ্ক দিবে ভারতের চির শত্রুরদল । তাহাদের নাম জানিল না দেশের লোক ; ভারতের মুক্তি-সংগ্রামে তাহাদের সেই আকস্মিক অথচ নিভীক আত্মদানের কথা লিখিতে ইতিহাসকারও হয়ত ভুলিয়া যাইবে—কিন্তু সে দিনের সেই সামরিক পরিপ্রেক্ষিতে আট জন মাদ্রাজী সিপাহীর নিভীক মৃত্যু-বরণ শুধু যে বিশ্বয়কর তাহাই নহে—তাহা তাহাদের মতঃফূর্ত দেশ-প্ৰীতির জলন্ত নিদর্শন ।



১৩২১ সালের অগ্রহায়ণ,—তারিখটা ঠিক মনে নাই ; আৰ্যসমাজ হলে স্তম্ভাষচন্দ্র নিখিল বঙ্গ যুব-সম্মেলনের অভ্যর্থনা সমিতির সভাপতিরূপে সারা বাংলার তরুণদের আহ্বান করিয়া বলিয়াছিলেন :—

“আমি আপনাদের আহ্বান করছি বাংলার আনন্দ উৎসবের মধ্যে নয়, সুখ-ঐশ্বর্যের মধ্যে নয়, বিত্তমানের মধ্যে নয়, শাস্তি-শৃঙ্খলার মধ্যে নয়, আমি আপনাদের আহ্বান করছি, দুঃখ, দারিদ্র্য, নির্যাতনের মধ্যে ; অভাব অজ্ঞানতা অবসাদের মধ্যে ; অত্যাচার অবিচার অনাচারের মধ্যে ; সবার উপর মনুষ্যত্বের পদে পদে লাঞ্চার মধ্যে । * * * একবার ধ্যান-নেত্রে চেয়ে দেখুন, চারি দিকে ধ্বংসের স্তূপীভূত ভস্মরাশির উপর এক জ্যোতির্গয়ী মূর্তি । * * * * * শ্রামায়মান বনশ্রীতে নিবিড়-কুমুদা, নদীমেখলা, নীলাম্বর-পরিধানা, বরাতয়-বিধায়িনী সর্বাঙ্গী সদা-হাস্তময়ী—সেই ত আমার জননী—জন্মভূমি ! শারদ জ্যোৎস্না-মৌলি-মালিনী, শরদিন্দু-নিভাননা, অম্বরদর্প-খর্বকারিণী মহাশক্তি, চৈতন্যরূপিণী জ্যোতির্গয়ী আজ আমার হৃদয়-পাদপীঠে তাঁর অলঙ্কার-রঞ্জিত পা দু’খানি রেখে বসছেন—না ভৈঃ—জাগৃহি ।”

অলস ভলোয়ার

পরাধীন দেশের পরিবেশে—ছুর্যোগের পটভূমিতে বাংলা দেশের তরুণদের আত্মান করিয়া মাতৃমন্ত্রের উপাসক স্মৃতাষচন্দ্র সেই তরুণ বয়সে জননী জনভূমির যে রূপ করনা করিলেন—তাহার প্রকাশ-ভঙ্গীটি সম্পূর্ণ সাহিত্যিক। স্মৃতাষচন্দ্রের রাজনৈতিক দীক্ষা বাহার কাছ হইতে হইয়াছিল বাংলা ও ভারতের অবিস্মাদী রাষ্ট্রনেতা হইলেও তিনি মনে-প্রাণে ছিলেন ‘সাগর-সঙ্গীত’এর কবি চিত্তরঞ্জন। তাঁহার চিন্তা ও ভাবুকতা, তাঁর দৃষ্টিভঙ্গী ও মননশীলতা যে মূলতঃ কাব্যধর্মী ছিল তাহার প্রকৃষ্ট প্রমাণ পাওয়া যায়—তাঁহার কাব্যরচনা ও বাগ্মিতায়। আচারে, ব্যবহারে ও ভাবাদর্শে যেমন তিনি ছিলেন একজন পরম বৈষ্ণব, তেমনি ছিলেন তিনি একজন রসবেত্তা দরদী কবি। তাঁহার প্রধানতম শিষ্য স্মৃতাষচন্দ্র রাজনৈতিক দীক্ষার পর কাব্য ও সাহিত্যের সঙ্গে গুরুর আন্তরিক সঙ্গের মধুর স্পর্শ পাইয়া থাকিতেও পারেন কিন্তু বিচারের দিক হইতে তাহা খুব বড় কথা নয়, কারণ, সাহিত্যের প্রতি সত্যকার দরদ ও প্রীতি মানুষের সহজাত গুণ,—তাহা কোনও ব্যক্তিত্বের প্রভাবে কাহারও অন্তরের গভীরে প্রবেশ করিয়া স্থায়ী হইতে পারে না। কাজেই উপরের উদ্ধৃতি হইতে আমাদের পক্ষে ইহা বুঝিতে পারা সহজ যে, স্মৃতাষচন্দ্র রাজনৈতিক নেতা হইলেও, তাঁহার জীবনের প্রধানতম উপজীব্য বা সাধ্য ভারতবর্ষের রাজনীতি হইলেও তাঁহার গুরু চিত্তরঞ্জনের মতই তাঁহার অন্তরে সাহিত্যের প্রতি প্রীতি ও শ্রদ্ধা ছিল অসীম।

“His literary attainments were of a very high order and literature was his first love in life. His acquaintance with both Bengali and English literature was profound. Long before he distinguished himself in the domain of practical politics he had made his mark as a Bengali poet. (“Sagar Sangeet”—songs of the ocean is regarded as one of the best poetical productions. It has been translated into English by Sri Aurobinda Ghosh.) He gathered round him a band of poets, writers and aesthetes who felt that all was not well with Rabindranath Tagore’s school of literature and he had sponsored a monthly magazine “Narayan” as opposed to the “Sabuj Patra” of the Rabindranath school. * *

“The “Narayan” school wanted to supply corrective by turning to the indigenous soil for material and inspiration. Attention was drawn to the rich Vaishnava literature of Bengal which blossomed as early as the 16th century A. D. Material was culled, as in the novels of Sarat Chandra Chatterjee, not merely from the life of the bourgeoisie, but also from the life of the neglected village-folk and the indigent peasantry.”

সাহিত্যিক ও কবি চিত্তরঞ্জন সঙ্ক্কে এই উক্তি পাঠ করিয়া স্মৃতাষচক্কে সঙ্কে সাহিত্যের পরিচয় ও সম্পর্ক যে কত গভীর ছিল তাহা বেশ ভাল ভাবেই বুঝিতে পারা যায়। এখানে আমরা স্মৃতাষচক্কে সাহিত্য-সমালোচকরূপে দেখিতে পাইলাম। শুধু তাহাই নহে—লেখক হিসাবে তাঁহাকে বিচার করিতে গেলে আমরা দেখিতে পাইব যে তাঁহার রচনার তঙ্গী ও আবেদন, ভাব-প্রকাশের ভাষা ও বিচার-পদ্ধতি এমনি একটি সুন্দর, সহজ ও সাবলীল পথ ধরিয়া চলিয়াছে যে, তাঁহাকে মনে-প্রাণে সাহিত্যিক বলিলে অত্যাঙ্কি করা হইবে না—এ কথাটা বাংলা রচনা সম্পর্কে ত খাটেই—ইংরাজি রচনার ত কথাই নাই—ষেমন ধরা ষাউক, আজাদ হিন্দ বাহিনীর সর্বাধিনায়করূপে পূর্ক এশিয়ায় তাঁহার সমর-আহ্বানের কথা :—

“There, there in the distance—beyond that river, beyond those jungles, beyond those hills, lies the promised land, the soil from which we sprang—the land to which we shall now return.

“Hark ! India is calling, India’s Metropolis Delhi is calling, three-hundred and eighty-eight millions of our countrymen are calling. Blood is calling blood. Get up, we have no time to lose. Take up your arms, there in front of you is the road that our pioneers have built. We shall march along that road. We shall curve our way through the enemy’s ranks, or if God wills, we shall die a martyr’s death. And in our last sleep we shall kiss the

অনন্ত তলোয়ার

road that will bring our army to Delhi. The road to Delhi is the road to freedom. Chalo—Delhi !”

অথবা—

“The soil has been sprinkled with our blood. The very air is sanctified by the breath of our dying heroes.”

“We should have but one desire today—the desire to die so that India may live—the desire to face a martyr’s death, so that the path of freedom may be paved with the martyr’s blood. Friends, my Comrades in the war of liberation, today, I demand of you, one thing above all. I demand of you—blood. It is blood alone that can avenge the blood that the enemy has spilt. It is blood alone that can pay the price of freedom. Give me blood and I promise you freedom.”

যুদ্ধক্ষেত্রে সর্বাধিনায়করূপে হিটলার, মুসোলিনী বা চার্চিলের ভাবাবেগে অনুপ্রাণিত সমর-আহ্বানের সঙ্গে নেতাজী স্মৃতিভাষের উপরে উদ্ধৃত আহ্বান তুলনায় অনেক বেশী তাৎপর্যপূর্ণ ও স্মৃতিপূর্ণ এবং যদি পূর্ব-এশিয়ার সমগ্র পরিবেশের কথা ভাবা যায় তাহা হইলে বলিতে হয় যে, ইতিহাসের পৃষ্ঠায় ইতিপূর্বে এমন ওজস্বিনী ভাষায় স্মৃতিভাষিত আহ্বানের কথা লিখিত হয় নাই। ইহার মধ্যে যে উন্মাদনাপূর্ণ আবেদন আছে, যুদ্ধক্ষেত্রের সঙ্গে তাহার সম্পর্ক থাকিলেও তাহার রচনার আঙ্গিকটা কিন্তু সম্পূর্ণ সাহিত্যিক এবং আমরা মনে করি যে তাহার সাহিত্যের প্রতি দরদ আছে, প্রীতি আছে, সাহিত্যে তাহার অধিকার ও অভিনিবেশ আছে, সাহিত্য-রসের পূর্ণ উপলব্ধি তাহার অন্তরে আছে—সাহিত্যিক মন লইয়া কলম লইয়া তিনিই বক্তব্য বিষয়কে সাহিত্য রচনার পর্যায়ভুক্ত করিতে পারেন। স্মৃতিভাষ্যকে সাহিত্যিক বলিয়া অভিহিত করিতে আমরা চাহি না—কিন্তু এ কথা অনস্বীকার্য যে, সাহিত্যের প্রতি তাহার আন্তরিক প্রীতি ও অন্তরের যোগাযোগ না থাকিলে তাহার মুখ হইতে কখনও এমন স্মৃতিভাষিত ভাষায় ও বাচন-ভঙ্গীতে এ প্রকার বাণী বাহির হইত না।

অলস্তু তলোরার

তরুণদের আহ্বান করিয়া স্মৃতাষচন্দ্র যে ভাষণ দিয়াছিলেন—তাহার মধ্য হইতে আর একটি উদাহরণ আমি দিতে চাই স্মৃতাষচন্দ্রের সাহিত্যিক মন ও তাঁহার রচনার মধ্যে সাহিত্যহুলভ ভাষা ও ভাবের পরিচয় দিবার জন্ত :—

”আজ পৃথিবীর সমস্ত আলো, সমস্ত বাতাস থেকে আমাদের প্রাণে সেই অক্ষরস্তু সঙ্গীতের আনন্দ-ধ্বনি আসছে; আমাদের বুকের মধ্যে আবেগের উল্লাস-নৃত্য আজ সেই সুরের সঙ্গে পা ফেলে চলেছে। *** আমার মনে হয় এই আনন্দই আমার জাতির আনন্দ, আমার নারায়ণের আনন্দ। তিনি কোন ওপার থেকে আনন্দে আজ এক সোনার স্মৃতায় কাটনা কেটে আসছেন—যা’ আজ রবির কিরণ হয়ে গাছের শ্রামলতায় চিকমিকিয়ে উঠছে,—ভরা নদীর উচ্ছসিত জলে শতধা বিভক্ত হয়ে আনন্দ-স্রোতে ভেসে চলেছে; আবার সেই সোনার স্মৃতাই যেন আজ আমাদের হাতের রাঙা রাধী হয়ে, আমাদের সকলকে সকলোব সঙ্গে মিলিয়ে দিচ্ছে—ভোগীর সঙ্গে ত্যাগীকে, প্রবীণের সঙ্গে নবীনকে, কস্মীর সঙ্গে ভাবুককে। এই সুরের জাল যখন সমগ্র দেশকে বেড়ে ফেলবে, তখন আজকার এই পুণ্য দিনের ভরসার কিরণ-সম্পাত আসন্ন ভবিষ্যতের সার্থকতার সমুজ্বল হয়ে উঠবে—আর তখন যিনি ওপারে, ছ্যালোকে আকাশের চরকায় আলোকের স্মৃতা কাটছেন, এবং ভুলোকে কালের চরকায় কত বিভিন্ন জাতির বিচিত্র ইতিহাসের স্মরণ-স্মৃত্ত গ্রথিত করে চলেছেন— তাঁকে আমরা পরম বিষ্ণু বলে নয়—জাতির ভাগ্যবিধাতা বলে বরণ করে নেব।”

দেশবন্ধু সঙ্ঘে স্মৃতাষচন্দ্র বলিয়াছেন—

“Against the dawn of 1921, there now stood not merely a whole-time politician but an emancipated soul—a soul reborn. Inspired by a taste of that fulness of life which brings man nearer to divinity and conscious of a higher duty to his nation and to humanity he plunged into the thick of the political strife. His complete renunciation in the cause of the nation roused the affection and gratitude of his countrymen who spontaneously conferred on him the title of “Deshabandhu” or friend of the country.”

জলন্ত ভলোয়ার

এই প্রকার ইংরাজী ভাষায় রচনার মধ্যেও সাহিত্যিক প্রাণের স্পর্শ আছে—বিচ্ছাস-পদ্ধতি এবং প্রকাশ-ভঙ্গীটিও সাহিত্যের মাপকাটিতে যাচাই করা চলে। সুভাষচন্দ্রের অসংখ্য ইংরাজি ও বাংলায় লিখিত প্রবন্ধ ইত্যাদির মধ্যেও আমরা এই গুণগুলির সমাবেশ দেখিতে পাই। সুভাষচন্দ্রের সাহিত্যিক মন ও প্রেরণা না থাকিলে—তাঁহার “Indian Struggle” বইখানি এমন সুখপাঠ্য না হইয়া তথ্য-সম্বলিত রাজনৈতিক ইতিহাসে পর্য্যবসিত হইত। পূর্বে এশিয়ায় তিনি যে ভাষায় ও যে ভাবে-প্রেরণায় এবং যে বাচন-ভঙ্গীতে দিনের পর দিন সেখানকার নরনারীকে নিজের কাছে আহ্বান করিয়া আনিয়া ছিলেন, তাঁহার অধীন আক্রমণ হিন্দু সেনাবাহিনীকে জাতিধর্মনিবিশেষে সম্মিলিত করিবার ক্ষমতা যে আবেগ-বিহ্বল আবেদন জানাইয়া উদ্ভুদ্ধ করিয়াছিলেন, তাহার মূলে ছিল তাঁহার দরদী সাহিত্যিক মন ও কবিজনসুলভ কোমল-কান্ত ক্রমের উন্মাদনা ও ভাবাবেগ। কোনও সৈন্যধর্মের পক্ষে ইহা দুর্বলতা নহে—বরং মানুষের মনকে জয় করিবার পক্ষে তাহা একটি দুর্লভ শক্তিবিশেষ। কঠিন ও দুর্শ্চর্য্য তপস্কার মধ্যে অন্তরের এই দুর্লভ শক্তি ও প্রেরণা তাঁহাকে আনন্দের সন্ধান দিয়াছে—আশা ও উৎসাহে, সাহসে ও বীর্য্যে তাঁহাকে মহীয়ান করিয়া তুলিয়াছে। বাংলার সাহিত্য তথা রবীন্দ্রনাথের কাব্য যে সেই দুর্গম পথে সুভাষচন্দ্রের পরম সাধনার সামগ্রী ছিল এ কথা মনে করিবার কারণ আছে তাই আমরা দেখি, সমর-শিবিরে শত্রুর আসন্ন আক্রমণ ও বোমা বর্ষণের উপক্রমের মধ্যে “প্রলয় নাচন নাচলে তুমি হে নটরাজ” বলিয়া গান গাহিবার প্রেরণা জাগিয়াছিল সুভাষচন্দ্রের মনে। বাংলা দেশকে যাহারা জানে না, বাঙালীকে যাহারা চিনে না—তাঁহার চরিত্রের সঙ্গে যাহাদের পরিচয় নাই, তাহারা বলিবে ইহা ত পাগলামি কিন্তু বাঙালী ইহাতে আশ্চর্য্য হইবে না। সেই প্রেরণা সুভাষচন্দ্রের অন্তরে পূর্বাপর ছিল বলিয়াই গোপীনাথ সাহার কাঁসির অব্যবহিত পরেই ‘ফরওয়ার্ড’ অফিসে সুভাষচন্দ্রের কণ্ঠে “তোমার পতাকা যারে দাও, তাহা বহিবারে দাও শক্তি”—রবীন্দ্রসঙ্গীতের এই কলিটি মধুর সুরে ধ্বনিত হইতে শুনা গিয়াছিল। এটি ছিল তাঁহার সাধনার মূল প্রার্থনা। ইনসিন জেল হইতে কোনও বন্ধুকে তিনি লিখিয়াছিলেন—“জীবন প্রভাতে এই প্রার্থনা বুকে লইয়া কর্ষক্ষেত্রে অবতীর্ণ

অলস ভলোয়ার

হইয়াছিলাম—তোমার পতাকা যারে দাও তারে বহিবারে দাও শক্তি।”
মেঘাচ্ছন্ন আকাশে দুর্ঘ্যোগ আসন্ন, পদ্মার খরতরঙ্গে নৌকা চলিয়াছে কোনও
এক গ্রামের দিকে—অন্ধকার হইয়া আসিয়াছে তীরভূমি,—সেই ভয়ঙ্কর
পরিবেশের মধ্যে স্তূভাষচন্দ্রের কণ্ঠে সঙ্গীতের সুরে ধ্বনিত হইয়া উঠিল—
“কবে আবার নাচবি শ্রামা, মুণ্ডমালা ছলিয়ে গলে, ওই কালো মেঘের
অন্ধকারে, তোর হাতের খড়্গ উঠুক জলে।”—এ প্রেরণা শুধু দেশপ্রেমিক
সাধকের অন্তরে শক্তি-সাধনার প্রেরণা নয়—এ প্রেরণা কাব্যধর্মী ভাবুক
প্রাণের অন্তর্নিহিত প্রেরণা, এ প্রেরণা একান্ত ভাবেই মরমী কবির
মর্মে প্রেরণা।

স্তূভাষচন্দ্র সাহিত্য ভালবাসিতেন অন্তর দিয়া তাই তাঁহার চারি পাশে—
তিনি বাংলা দেশের বহু নিবন্ধকার কবি, ঔপন্যাসিক ও সাহিত্যিকদের
পাইয়াছিলেন অমুরাগী বন্ধুরূপে। ভারতবর্ষ ত্যাগ করিবার পূর্বে
যেদিন কংগ্রেস হইতে তাঁহার বহিষ্কারের আদেশ আসে, ঠিক সেইদিন তিনি
এমনি অনেকগুলি সাহিত্যিক ও কবি-বন্ধুদের সঙ্গে মিলিত হইছিলেন
কবির যতীন্দ্রমোহন বাগচির বাড়ীতে। শরৎচন্দ্র চট্টোপাধ্যায়ের সঙ্গে
স্তূভাষচন্দ্রের বিশেষ ঘনিষ্ঠতার কথা আমরা সকলই জানি। জেলে অনশন
ভঙ্গ করাইবার জন্ত, আত্মীয় নয়, সহকর্মী নয়, বন্ধু নয়, এমন কি কংগ্রেসী
নেতাও নয়, ডাক পড়িল বাংলা দেশের শ্রেষ্ঠ কথাশিল্পী, পথের দাবীর লেখক
শরৎচন্দ্রের। কি গভীর স্নেহ ও মমতার চক্ষে শরৎচন্দ্র স্তূভাষচন্দ্রকে দেখিতেন
আমরা তাহা জানি। দেশবন্ধুর মৃত্যুর পর স্তূভাষচন্দ্র মান্দালয় জেল হইতে
১২ই আগষ্ট, (১৯২৫) তারিখে শরৎচন্দ্রকে চিঠি লিখিতেছেন—

শ্রদ্ধাম্পদেষু

‘মাগিক বহুমতী’তে আপনার ‘স্মৃতিকথা’ পড়লুম—বড় সুন্দর লাগল।
যক্ষ্য-চরিত্রে আপনার গভীর অন্তর্দৃষ্টি; দেশবন্ধুর সহিত ঘনিষ্ঠ পরিচয় ও
আত্মীয়তা এবং ক্ষুদ্র ক্ষুদ্র ঘটনার অপূর্ণ বিশ্লেষণ করে রস ও সত্য উদ্ধার
করবার ক্ষমতা—এই উপকরণের দ্বারাই আপনি এত সুন্দর জিনিষ সৃষ্টি
করতে পেরেছেন। * * *

জলন্ত ভালোয়ার

*** যজ্ঞের যিনি ছিলেন হোতা, ঋষিক, প্রধান পুরোহিত, যজ্ঞের পূর্ণ সমাপ্তির আগেই তিনি কোথায় অদৃশ্য হয়ে গেলেন! ভিতরের আশুন এবং বাহিরের কর্মভার এই ছুঁয়ের চাপ পার্থিব দেহ আর সহ করতে পারল না।”***

আর একখানি চিঠির কিয়দংশ স্মৃতিচক্রের সাহিত্যিক মনের পরিচয় দেয় :—

“এখানে না এলে বোধ হয় বুঝতুম না সোনার বাজলাকে কত ভালবাসি। আমার সময়ে সময়ে মনে হয় রবি বাবু কারারুদ্ধ অবস্থা কল্পনা করে লিখেছেন—

“সোনার বাংলা! আমি তোমায় ভালবাসি

চিরদিন তোমার আকাশ তোমার বাতাস

আমার প্রাণে বাজায় বাঁশী।”

যখন ক্রগেকের তরে বাজলার*** বিচিত্র রূপ মানস-চক্রের সম্মুখে ভেসে উঠে—তখন মনে হয় এই অনুভূতির জন্ম অন্ততঃ এত কষ্ট করে মান্দালয় আসা সার্থক হয়েছে। কে আগে জানত বাজলার মাটি, বাজলার জল, বাজলার আকাশ, বাজলার বাতাস এত মাধুরী আপনার মধ্যে লুকিয়ে রেখেছে।”

এই প্রকার রচনার মধ্যে যেমন গভীর দেশপ্রেমের পরিচয় পাই, তেমনি ইহাকে সাহিত্যের পর্যায়ে ফেলিতেও দ্বিধা বোধ হয় না। আমরা জানি, যেমন ইংরাজী সাহিত্যের তেমনি বাংলা সাহিত্যের তিনি একজন নিষ্ঠাবান পাঠক ছিলেন—আমাদের মত সাহিত্য রচনার জন্মই তিনি কোনও দিন প্রবন্ধ,, কবিতা, গল্প বা উপন্যাস লিখিতে বসেন নাই সত্য, কিন্তু সাহিত্যের প্রতি অচলা শ্রদ্ধা ছিল, ভালবাসা ছিল বলিয়াই তাঁহার লেখা “তরুণের স্বপ্ন” ও “নূতনের সন্ধান” বই দু’খানির বক্তব্য বিষয়গুলি সাহিত্যিক গুণে সুখপাঠ্য ও আকর্ষণীয় হইয়া উঠিয়াছে। রাজনৈতিক জীবনের প্রারম্ভে তাঁহার বাংলা রচনা ও বক্তৃতার মধ্যে সাহিত্যিক গুণাবলী তেমন বিকাশ লাভ করে নাই—ভাষার প্রাঞ্জলতা বা ভাবের সাবলীলতাও তেমন দেখিতে পাওয়া যায় নাই, কিন্তু ক্রমশঃ যে তাহার উত্তরোত্তর উৎকর্ষ চাইয়াছে ইহা বুঝতে কষ্ট হয় না।

জলন্ত তলোয়ার

ইংরাজি রচনার ত কথাই নাই ;—তিনি পাকা হাতে ইংরেজের মতই রচনা করিয়া গিয়াছেন এবং সে রচনার মধ্যে সাহিত্যিক মন ও আবেগ-প্রবণতার পরিচয় পাওয়া যায়। স্মৃতিচক্রকে সর্বদা ব্যস্ত থাকিতে হইত কংগ্রেসের কাজে কিন্তু তিনি ধর্ম, সমাজ ও দেশপ্ৰীতিমূলক পুস্তকের এবং সাধারণ ভাবে কাব্য, সাহিত্য ও নাটকের কিরূপ নিয়মিত পাঠক ছিলেন—তাহা বুঝিতে পারা যায় দক্ষিণ-কলিকাতা সেবক সমিতির অল্পতম কর্ম্মী হরিচরণ বাগচীকে মান্দালয় হইতে লিখিত একখানি চিঠির অংশবিশেষ হইতে। স্মৃতিচক্র নিম্নলিখিত বইগুলি কর্ম্মীদের নিয়মিত পাঠের জন্ত নির্দেশ করিয়া একখানি চিঠি লিখিয়াছিলেন :—

(ক) ধর্ম্মসম্বন্ধীয়

- (১) শ্রীশ্রীরামকৃষ্ণ কথামৃত (২) ব্রহ্মচর্য—সুরেন্দ্র ভট্টাচার্য্য ; ঐ রমেশ চক্রবর্তী ; ঐ—ককিরচন্দ্র দে (৩) স্বামী-শিষ্য সংবাদ—শরৎ চক্রবর্তী (৪) পত্রাবলী—স্বামী বিবেকানন্দ (৫) প্রাচ্য ও পাশ্চাত্য—স্বামী বিবেকানন্দ ; (৬) বক্তৃতাবলী—স্বামী বিবেকানন্দ ; (৭) ভাববার কথা—স্বামী বিবেকানন্দ ; (৮) ভারতের সাধনা—স্বামী প্রজ্ঞানন্দ ; (৯) চিকাগো (Chicago) বক্তৃতা—স্বামী বিবেকানন্দ।

(খ) সাহিত্য, কবিতা, ইতিহাস প্রভৃতি

- (১) দেশবন্ধু গ্রন্থাবলী (বঙ্গমতি সংস্করণ) (২) বাঙ্গলার রূপ—গিরিজা-শঙ্কর রায়চৌধুরী (৩) বঙ্কিম গ্রন্থাবলী (৪) নবীন সেনের কুরুক্ষেত্র, প্রভাস, রৈবতক ও পলাশীর যুদ্ধ (৫) যোগেন্দ্র গ্রন্থাবলী (বঙ্গমতী সংস্করণ) (৬) রবিঠাকুরের 'কথা ও কাহিনী', 'চয়নিকা', গীতাঞ্জলী ; 'ঘরে বাইরে' ; 'গোরা' (৭) ভূদেব বাবুর 'সামাজিক প্রবন্ধ' ও 'পারিবারিক প্রবন্ধ' (৮) ডি, এল রায়ের 'হুর্গাদাস', 'মেবার পতন', 'রাণা প্রতাপ' (৯) 'ছত্রপতি শিবাজী'—সত্যচরণ শাস্ত্রী (১০) 'শিখের বলিদান'—কুমুদিনী বসু (১১) রাজনারায়ণ বসুর 'সেকাল ও একাল' (১২) সত্যেন দত্তের 'কুহ ও কেকা' (কবিতা গ্রন্থ) (১৩) মহর্ষি দেবেন্দ্রনাথের 'আত্মজীবন চরিত' (১৪) রাজস্থান (বঙ্গমতী সংস্করণ) (১৫) 'নব্য

অনন্ত ভালোরার

জাপান’—ময়ূখ ঘোষ (১৬) ‘সিপাহী যুদ্ধের ইতিহাস’—রজনীকান্ত গুপ্ত (১৭) উপেন বাবুর ‘নির্কাসিতের আত্মকথা’ ও অগ্ন্যান্ত পুস্তক (১৮) কর্ণেল হুরেশ বিশ্বাস’—উপেন্দ্রকৃষ্ণ বন্দ্যোপাধ্যায়। শিশুপাঠ্য ১০ আনা সংস্করণের ভারতের অনেক মহাপুরুষের ছোট ছোট জীবনী।”

মান্দালয় জেলে বসিয়া এই প্রকার বিশদ ভাবে তালিকা প্রস্তুত করিয়া পাঠান—যে কোনও সাহিত্যিক বা বাংলার অধ্যাপকের পক্ষেও খুব সহজসাধ্য নয়। আমাদের বিশ্বাস, আজ যদি স্মৃতাষচন্দ্র এই প্রকার কোনও পুস্তক-তালিকা লিখিতে বসিতেন তাহা হইলে সে তালিকা আরও দীর্ঘ হইত। কারণ পরবর্তী কালে তিনি যে শুধু ইংরাজি সাহিত্য, দর্শন ও রাজনীতির বই বেশী পড়িতে আরম্ভ করেন তাহাই নয়—বাঙলা সাহিত্যকে আরও বিশদ ভাবে পড়িবার দায়িত্ব তাঁহার আছে বলিয়া তিনি মনে করিতেন এবং মনে-প্রাণে সে দায়িত্ব পালন করিবার চেষ্টা করিয়াছেন বলিয়া আমরা জানি।

স্মৃতাষচন্দ্রকে সাহিত্যিক বলিয়া প্রতিপন্ন করিবার উদ্দেশ্যে এই প্রবন্ধের অবতারণা নহে। আমরা পূর্কাপর উদাহরণ দিয়া এই আলোচনা প্রসঙ্গে দেখাইতে চেষ্টা করিয়াছি যে, স্মৃতাষচন্দ্রের অন্তরে সাহিত্য-প্রীতিই যে শুধু ছিল তাহাই নহে—সাহিত্যের সঙ্গে তাঁহার গভীর সম্পর্ক ছিল। সাহিত্যের ভাষা, সাহিত্যের ব্যঞ্জনা, বিশ্বাস ও ভাবাবেগ যে রচনার সম্পদ, তাহাকে সাহিত্যিক রচনা বলতে কুণ্ঠিত হইবার কোনও কারণ থাকিতে পারে না,—সাহিত্য-চর্চা ও সাহিত্য-আলোচনা—সাহিত্য-সৃষ্টির পর্যায়ের পড়ে না—এ কথা ঠিক, কিন্তু চিঠি লিখিতে, বক্তৃতা দিতে, প্রবন্ধ লিখিতে স্মৃতাষচন্দ্র সাহিত্যিক ভাষা প্রয়োগ করিতে পারেন বিনা অধ্যবসায়ের; কবি-স্বভাব ভাবাবেগে অনুপ্রাণিত হইয়া প্রকাশ-ভঙ্গী অবলম্বন করেন সহজে ও অত্যন্ত স্বাভাবিক ভাবে—তাঁহার রচনার ভাষার আড়ষ্টতা নাই, ভাবের অস্পষ্টতা নাই, উপলক্ষের জড়তা নাই; একথা সহজেই স্বীকার করা যায়। আমাদের এই উক্তির সাপক্ষে আমরা স্মৃতাষচন্দ্রের অসংখ্য রচনার মধ্য হইতে নানা বিবয়ক কয়েকটি উদ্ধৃতি দিয়া আমাদের বক্তব্য শেষ করিব :

“আমরাই দেশে দেশে মুক্তির ইতিহাস রচনা করিয়া থাকি। আমরা

জলন্ত তলোয়ার

শাস্তির জল ছিটাইতে এখানে আসি নাই। বিবাদ সৃষ্টি করিতে, সংগ্রামের সংবাদ দিতে, প্রলয়ের সূচনা করিতে আমরা আসিয়া থাকি। যেখানে বন্ধন, যেখানে গৌড়ামি, যেখানে কুসংস্কার, যেখানে সঙ্কীর্ণতা, সেইখানেই আমরা কুঠার হস্তে উপস্থিত হই। আমাদের একমাত্র ব্যবসায় মুক্তির পথ চিরকাল কণ্টকশূণ্য রাখা, যেন সে পথ দিয়া মুক্তির সেনা অবলীলাক্রমে গমনাগমন করিতে পারে।” —(তরুণের স্বপ্ন)

“প্রাতে অথবা অপরাহ্নে খণ্ড খণ্ড স্তম্ভ মেঘ যখন চোখের সামনে ভাসতে ভাসতে চলে যায়, তখন ঋণকালের জগৎ মনে হয় মেঘদূতের বিরহী যক্ষের মত তাদের মারফৎ অন্তরের কথা কয়টি বঙ্গ-জননী চরণপ্রান্তে পাঠিয়ে দিই। অন্ততঃ বলে পাঠাই—বৈষ্ণবের ভাষায়—

‘তোমারই লাগিয়া কলঙ্কের বোঝা

বহিতে আমার সুখ।’

“সন্ধ্যার নিবিড় ছায়ার আক্রমণে দিবাকর যখন মান্দালয় হুর্গের উচ্চ প্রাচীরের অন্তরালে অদৃশ্য হয়, অন্তগমনোন্মুখ দিনমণির কিরণ-জালে যখন পশ্চিমাংশ সুরঞ্জিত হয়ে উঠে, এবং সেই রক্তিম-রাগে অসংখ্য মেঘখণ্ড রূপান্তর লাভ ক’রে দিবালোক সৃষ্টি করে—তখন মনে পড়ে সেই বাজলার আকাশ, বাজলার সূর্যাস্তের দৃশ্য।” • • •

“প্রভাতের বিচিত্র বর্ণচ্ছটা যখন দিগ্‌মণ্ডল আলোকিত ক’রে এসে নিজালয় নয়নের পর্দায় আঘাত করে বলে—“অন্ধ জাগো”—তখনও মনে পড়ে আর একটি সূর্যোদয়ের কথা, যে সূর্যোদয়ের মধ্যে বাজলার কবি, বাজলার সাধক বঙ্গ-জননী দর্শন পেয়েছিল।”—(মান্দালয় জেল)

সুভাষচন্দ্রের কোনও একখানি চিঠিতে দেখিতে পাই, তাঁহার কবি-স্মৃতি অন্তরের গভীর মর্মবাণী নির্ভায় ও একাগ্রতার স্পষ্ট হইয়া উঠিয়াছে—

“আমার কথা জিজ্ঞাসা করিয়াছেন, কি উত্তর দিব? রবি বাবুর একটি কবিতা আমার খুব ভাল লাগে। কবির ভাষায় উত্তর দিলে কি গুণ্ডতা হইবে? কবির এত আদর এই জগৎ যে, আমাদের অন্তরের কথা কবির আামাদের অপেক্ষা স্পষ্টতর ও সূক্ষ্মতর ভাবে ব্যক্ত করিতে পারেন।

কবিতা কলোয়ার

শাঠ বলি,—

এখনো বিহার কল্প জগতে
জেলখানা (অরণ্য) রাজধানী,
এখনো কেবল নীরব ভাবনা
কল্পবিহীন বিজ্ঞান সাধনা
দিবানিশি শুধু বসে বসে শোনা
আপন মর্মবাণী ।

* * *
মানুষ হতেছি পাষণের কোলে
* * *
গড়িতেছি মন আপনার মনে
যোগ্য হতেছি কাজে ।

কবে প্রাণ খুলে বলিতে পারিব
“পেয়েছি আমার শেষ !
তোমরা সকলে এস মোর পিছে
গুরু তোমাদের সবারে ডাকিছে,
আমার জীবনে লভিরা জীবন
জাগরে সকল দেশ ।”

ইহা হইতেই বুঝা যায়, স্মৃতিচক্রের সহিত সাহিত্যের কি নিবিড় অন্তর্ভুক্ততা
ছিল। সাহিত্য ছিল স্মৃতিচক্রের প্রাণ, তিনি তাহাকে আশ্রয় করিয়াই
ঐহিক সাধনার মন্ত্র ও মর্মবাণীকে নানা ভাবে নানা পরিবেশে এমন মধুর ও
হৃদয়গ্রাহী করিয়া আমাদের কাছে পৌঁছাইয়াছেন। ঐহিক কঠে সেই মন্ত্র নবমন্ত্র
কল্পে কবে আবার মন্ত্রিত হইয়া উঠিবে ? কবে আবার ঐহিক সেই অগ্নিকরা
মর্মবাণী নব জাগ্রত ভারতের বুকে ধ্বনিত হইয়া নব যুগের সূচনা করিবে ?
—আজ আমরা সেই প্রতীকাই করতেছি ।

জয় হিন্দ !

